

STENOGRAM

**11. Radne sjednice Skupštine Kantona Sarajevo
održane 01.02.2016. godine sa početkom rada u 10,00 sati**

Predsjedateljica:

Ja vas sve srdačno pozdravljam.

Otvaram 11. Radnu sjednicu Skupštine Kantona Sarajevo. Pozdravljam uvažene kolege i kolegice zastupnike, članove Vlade i uvažene goste, kao i predstavnike medija koji prate rad današnje sjednice.

Nadam se da će cijenjeni gledaoci Televizije Kantona Sarajevo sa pažnjom pratiti rad današnje Skupštine, te im upućujem srdačne pozdrave, nama želim ugodnu atmosferu i uspješan rad.

Prema evidenciji Službe, sjednici prisustvuje 33 zastupnika, što je dovoljan broj za punovažan rad ove današnje Skupštine.

Izostanak sa ove sjednice opravdala je Selma Filipović, kašnjenje je najavljeno gospodin Amor Mašović

Prijedlog dnevnog reda 11. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 20.01.2016.godine.

Na osnovu člana 73. Poslovnika Skupštine Kantona Sarajevo („Službene novine Kantona Sarajevo“ prihvatili smo Prijedlog dnevnog reda 11. Radne sjednice i dopunili sa sljedećim tačkama:

1. Nacrt zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo (razmatraće se kao tačka 4.);
2. Prijedlog programa rada Skupštine Kantona Sarajevo za 2016. godinu (razmatraće se kao tačka 7.);
3. Prijedlog Odluke o potvrđivanju razrješenja vršioca dužnosti predsjednika Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo (razmatraće se kao tačka 8a.);
4. Prijedlog Odluke o potvrđivanju imenovanja vršioca dužnosti predsjednika Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo (razmatraće se kao tačka 8b.).
5. Izvještaj o izvršenju Budžeta Kantona Sarajevo za period 01.01. do 31.12.2014. godine. (razmatraće se kao tačka 10.).

Prije prelaska na utvrđivanje Dnevnog reda podsjetila bih vas da u skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

U okviru prethodnog postupka prelazimo na **Prijedlog zakona o izmjeni Zakona o plaćama i naknadama u organima vlasti Kantona Sarajevo, po hitnom postupku.**

Ima li potrebe da predstavnik predlagača obrazloži razloge donošenja ovog Zakona po hitnom postupku?

Premijer Elmedin Konaković:

Predsjedavajuća, dopredsjedavajući, poštovane zastupnice, zastupnici u Skupštini Kantona Sarajevo, poštovane ministrice i ministri u Vladi Kantona Sarajevo, poštovani gosti, cijenjeni gosti, gledaoci TVSA Esselamu alejkum i dobro vam jutro. Mi se nismo odlučili da pošaljemo zahtjev za hitnu proceduru, to je onda pogreška službe ako je takav dokument stigao zastupnicima jer smo tražili kratku javnu raspravu ili da eventualno prije usvajanja dnevnog reda vi sami kažete, da li materija je bila osjetljiva zbog nekih drugih prava koja menadžmenti preduzeća povlače iz kolektivnih ugovora ili drugih zakona i nismo htjeli da napravimo samo nešto što može izazvati sudski spor. Dakle zbog toga smo htjeli da danas razgovaramo o tome da ovaj dokument bude usvojen u februaru na februarskoj sjednici a da javna rasprava od sedam dana ipak da vremena da

još jednom samo prođemo eventualne probleme koji bi se pojavili u primjeni ovog zakona. Dakle čini mi se da ministar pravde to zna bolje i Pravobranilaštvo i ostali da su naišli na probleme četiri druga propisa koji daju određena prava koja trenutno po zakonodavstvu važećem crpe direktori i njihovi saradnici i tu bi smo eventualno mogli naići na problem. Zato je taj dokument na Vladi usvojen sa zaključkom koji kaže u javnoj raspravi 15 dana a ja sam vas htio danas zamoliti da bude kraća od 15 dana kako bi u februaru usvoji na narednoj sjednici ovakav Zakon.

Dopredsjedavajući Sabahudin Delalić:

Sve vas srdačno selamim i pozdravljam. Mislim da je do greške došlo, ovo se odnosi na tačku 4. Prijedlog zakona o izmjenama Zakona o plaćama i naknadama u organima vlasti Kantona Sarajevo. Znači to nije ova tačka koja se odnosi na javne ustanove i preduzeća kantonalna. Premijeru. Znači ovo se odnosi na tačku 4. znači inicijativa zastupnika Forte. Ona je po hitnom postupku. Zahvaljujem.

Predsjedateljica:

Mislim da smo sada riješili sve. U redu. Hvala. Ima li pitanja?

Poslanik/zastupnik Zvonko Marić:

Poštovane dame gospodo zastupnici, uvaženi premijeru i članovi Vlade, dragi gosti i nadasve poštovani gledatelji pored tv ekrana. Ja bih samo molim vas budući, a odnosi se na dnevni red, možda neku vrstu sugestije jer sam očekivao kraj godine i početak druge da bi možda svrsishodno bilo i u svakom ozbiljnom poslu se podvlači crta i onome što je urađeno jer to sigurno očekuju svi oni koji su nas birali, isto i također od Vlade se isto očekuje i naravno i tada se kreira politika za neko buduće vrijeme. To je izostalo i meni je žao, možda i Vlada i vi u Skupštini planirate tako nešto, ali moram kazati da sam očekivao i to a kao i većina građana, siguran sam, jer su me pitali i slali su brojne mejlove zašto Skupština i Vlada se ne očituje u pogledu onoga što se dešavalo i potresalo ovaj Kanton. A to se odnosi prije svega na vršnjačko nasilje, naravno ne uz ambiciju da možda na neki način mi donosimo neki sud ali sigurno bi voljeli čuti šta mi mislimo o tome, a ne da se sporadično određeni ljudi očituju u povodu toga jer vršnjačko nasilje ne odnosi se samo na taj momenat već naprosto ono je prisutno godinama ali se čini se o tome šuti. Ja neću reći da je trebala vanredna Skupština da se održi ali sasvim sam siguran da bi bilo to veoma važno da se desilo jer stanje nije bilo redovno. Naravno istraga je još uvijek u toku i niko ne bi ulazio u taj segment. I ono što je posebno značajno, također se dešavalo vezano za integraciju spajanje ili kako god hoćete nazvati, Opće bolnice sa KCUS i bilo je građana koji su zaista reagirali a mi smo nekako šutnjom odgovorili na taj problem bez prejudiciranja da na neki način mi iznosimo i zauzimamo stavove o tom procesu i jer nisu na kraju krajeva donesene bilo kakve studije ili opravdanosti tog projekta itd. ali sasvim sigurno mi kao parlament koji drži do svog digniteta trebali smo o tim značajnim pitanjima da raspravljamo. Ja naravno neću ovdje insistirati da se dopunjava dnevni red ali mislim da bi to dobra bila praksa da imamo malo više afiniteta i filinga da razgovaramo o onim pitanjima za koje su građani zainteresirani. Naravno ovdje ne prozivam nikoga, niti stranke niti pojedince ali mislim da bi to bila u buduće praksa koja bi bila opravdana i naišla na odobravanje svih onih koji su nas izabrali. Hvala.

Predsjedateljica:

Ima li još pitanja? Nema. Izvolite premijeru.

Premijer Elmedin Konaković:

U materijalima koje je Vlada dostavila i to sam također ja htio sugerisati Skupštini Kantona Sarajevo danas imate informativni materijal Informacija ministarstva za obrazovanje nauku i mlade Kantona Sarajevo, ministarstva za rad socijalnu politiku i raseljena lica, i imate informaciju o radu našeg tima za implementaciju Akcionog plana za prevenciju maloljetničkog prijestupništva i rada sa maloljetnicima. Dakle jedan obiman dokument to sam ja na Kolegiju zamolio da dostavimo naknadno, baš cijeneći razloge o kojima je kolega Marić govorio, on je u pravu. Dakle imate danas cjelokupnu informaciju i o noj se ne trebate izjašnjavati ali sugerišem da o njoj raspravljamo. Da

raspravlja Skupština jer ima i pravo po informativnom materijalu raspravljati čak i predlagati zaključke. Ovdje ćete zaista vidjeti niz mjera i aktivnosti koje se rade u samom Akcionom planu od 2014 i posebno niz mjera koje vode Ministarstvo za rad i socijalnu politiku i Ministarstvo za obrazovanje u ovom periodu iza nas a po pitanju upravo ovog slučaja. Tako da je taj materijal stigao upravo u četvrtak i u njemu ima ozbiljnih materijala za raspravu o ovom dijelu problema o kojima je govorio zastupnik Marić. Hvala.

Predsjedateljica:

Hvala gospodine premijeru. Ima li još pitanja? Nema. Otvaram raspravu. Nema. Zatvaram raspravu. **Molim poslanike da pristupe izjašnjavanju da se Prijedlog zakona o izmjeni Zakona o plaćama i naknadama u organima vlasti Kantona Sarajevo donese po hitnom postupku. Ko je za? Ko je protiv? Ko je suzdržan?**

Temeljem glasovanja dobili smo 33 ZA, protiv 1 i suzdržan ništa.

Konstatujem da je Skupština usvojila Prijedlog da se Zakon o izmjeni Zakona o plaćama i naknadama u organima vlasti Kantona Sarajevo donese po hitnom postupku.

PRELAZIMO NA UTVRĐIVANJE DNEVNOG REDA 11. RADNE SJEDNICE SKUPŠTINE KANTONA Sarajevo.

1. Poslanička/zastupnička pitanja, inicijative i odgovori;
2. Prijedlog zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo (skraćeni postupak);
3. Prijedlog zakona o izmjenama i dopunama Zakona o pozorišnoj djelatnosti (skraćeni postupak);
4. Nacrt zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo;
5. Prijedlog zakona o izmjeni Zakona o plaćama i naknadama u organima vlasti Kantona Sarajevo (hitni postupak);
6. Nacrt zakona o naučnoistraživačkoj djelatnosti;
7. Prijedlog programa rada Skupštine Kantona Sarajevo za 2016. godinu;
8.
 - a) Prijedlog Odluke o potvrđivanju razrješenja vršioca dužnosti predsjednika Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo;
 - b) Prijedlog Odluke o potvrđivanju imenovanja vršioca dužnosti predsjednika Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo;
9. Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
10. Izvještaj o izvršenju Budžeta Kantona Sarajevo za period 01.01. do 31.12.2014. godine;
11.
 - a) Izvještaj o radu i poslovanju JP „ Televizija Kantona Sarajevo“ d.o.o. Sarajevo za 2013. godinu;
 - b) Izvještaj o radu i poslovanju JP „ Televizija Kantona Sarajevo“ d.o.o. Sarajevo za 2014. godinu;
12.
 - a) Izvještaj o poslovanju Kantonalnog javnog preduzeća za gazdovanje državnim šumama “Sarajevo – šume” d.o.o. Sarajevo za 2013. godinu;
 - b) Izvještaj o poslovanju Kantonalnog javnog preduzeća za gazdovanje državnim šumama “Sarajevo – šume” d.o.o. Sarajevo za 2014. godinu.
13.
 - a) Izvještaji o poslovanju KJKP "Rad" d.o.o. i KJKP "Sarajevogas" d.o.o., za 2013. godinu;

- b) Izvještaji o poslovanju KJKP „Tržnice i pijace“ d.o.o., KJKP „Rad“ d.o.o., i KJKP „Sarajevogas“ d.o.o., za 2014.godinu;
14. Izvještaj Ministarstva saobraćaja Kantona Sarajevo o broju dopunskih taksi oznaka u Kantonu Sarajevo;

MOLIM ZASTUPNIKE DA SE IZJASNE O PREDLOŽENOM DNEVNOM REDU. Ko je za? Ko je protiv? Ko je suzdržan? Temeljem glasovanja 33 ZA je bilo, protiv ništa i suzdržan ništa.

KONSTATUJEM DA JE SKUPŠTINA ZA 11. RADNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.

Uz poziv za sjednicu, kao informativni materijal, dostavljeni su vam:

- Izvještaj o zaduženju Kantona Sarajevo kod Sberbank d.d. Sarajevo broj: JN-ZP-08-01-14-18572-19/15, koji je podnio ministar finansija Kantona Sarajevo.
- Informacija Ministarstva za obrazovanje, nauku i mlade Kantona Sarajevo, informativno, o realizaciji Zaključka Vlade Kantona Sarajevo broj: 02-05-211-5/16 od 07.01.2016. godine;
- Informacija Ministarstva za rad, socijalnu politiku, raseljena lica i izbjeglice Kantona Sarajevo, informativno, o realizaciji Zaključka Vlade Kantona Sarajevo broj: 02-05-211-5/16 od 07.01.2016. godine;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za period decembar 2015. godine;
- Informacija Tima za implementaciju Akcionog plana za prevenciju maloljetničkog prijestupništva i rad sa maloljetnicima u sukobu sa zakonom 2014-2016., o učinjenim mjerama koje su predviđene navedenim Akcionim planom

Prije nego što predemo na realizaciju prve tačke dnevnog reda obavezni smo da razmatramo Zapisnike sa Stenogramima sa Sedme, Osme i Devete radne sjednice Skupštine Kantona Sarajevo.

Pa bih vas molila ako ima nekih primjedbi ako ne onda b glasali posebno za sedmu sjednicu?

A)

Molim vas da se izjasnite o Zapisniku sa Sedme radne sjednice Skupštine Kantona Sarajevo .
ZA je glasalo 33 zastupnika, PROTIV niko i SUZDRŽANIH niko.

B)

Molim vas da se izjasnite o Zapisniku sa Osme radne sjednice Skupštine Kantona Sarajevo .
ZA je glasalo 33 zastupnika, PROTIV ništa i SUZDRŽANIH ništa.

C)

Molim vas da se izjasnite o Zapisniku sa Devete radne sjednice Skupštine Kantona Sarajevo .
ZA je glasalo 33 zastupnika, PROTIV ništa SUZDRŽANIH ništa.

Konstatujem da je Skupština potvrdila Zapisnik sa Sedme, Osme i Devete radne sjednice Skupštine Kantona Sarajevo.

Prelazimo na realizaciju prve tačke dnevnog reda.

AD – 1.

POSLANIČKA/ ZASTUPNIČKA PITANJA I INICIJATIVE

To su naša poslanička/zastupnička pitanja. Imamo sat vremena. Sada je tačno 10,42. idemo po abecednom redu. Prvi se javlja Aljović Hamed. Molim vas gospodine Aljoviću prije nego vam dam riječ da li ima neko ko nije zadovoljan sa odgovorom na neku od postavljenih inicijativa? Gospodin Kojević. Dobro, hoćete li to u sklopu? Može. U sklopu pitanja možete. Hvala lijepo.

Poslanik Hamed Aljović:

Poštovana predsjedavajuća, poštovane kolegice i kolege, poštovani premijeru i ministri, poštovani građani Kantona Sarajevo sve vas srdačno pozdravljam i selamim. Moje prvo pitanje je upućeno premijeru Kantona Sarajevo. Molim premijera Kantona Sarajevo da mi odgovori da li će Vlada Kantona Sarajevo poduzeti sankcije prema odgovornim osobama u Ministarstvu obrazovanja, nauke i mladih Kantona Sarajevo zbog nepoštivanja Pravilnika o izboru i imenovanju te načinu rada školskih nadzornih odbora u osnovnim školama u Kantonu Sarajevo.

Obrazloženje: prema članu 13 stav 1 Pravilnika o izboru i imenovanju načinu rada školskih nadzornih odbora u osnovnim školama u Kantonu Sarajevo za člana školskog nadzornog odbora u postupku imenovanja ne može biti izabrana osoba koja je član više od jednog organa upravljanja ili nadzora bilo kojeg pravnog lica. Na 9. radnoj sjednici Skupština Kantona Sarajevo u okviru tačke Dnevnog reda Zastupnička pitanja i inicijative i odgovori postavio sam pitanje prema Ministarstvu za obrazovanje, nauku i mlade Kantona Sarajevo. Dobio sam odgovor iz kojeg se vidi očigledno da su uposlenici ministarstva kršili pomenuti pravilnik.

Moje drugo pitanje upućeno je prema Ministarstvu za rad, socijalnu politiku i raseljena lica i izbjeglice. Molim Ministarstvo za rad, socijalnu politiku, raseljena lica i izbjeglice da mi odgovori kada je kod ovog ministarstva pokrenuta i kada će biti završen upravni postupak utvrđivanja reprezentativnosti sindikata za djelatnost osnovnog odgoja i obrazovanja u Kantonu Sarajevo, a u skladu sa Zakonom o radu FBiH. Hvala.

Poslanik/zastupnik Avdibegović Neira:

Zahvaljujem uvaženi predsjedavajuća. Pozdravljam sve prisutne u sali kao i gledatelje ispred malih ekrana. Ja za danas imam dvije zastupničke inicijative, odnosno pitanja.

Prvo zastupničko pitanje vezano je za inicijativu koju sam podnijela na 6. radnoj sjednici Skupština Kantona Sarajevo. Za uvođenje dvokratnog radnog vremena u vrtićima JU Djeca Sarajeva. Nakon što sam dobila odgovor ministarstva za obrazovanje nauku i mlade i JU Djeca Sarajeva u kojem je navedeno da ne postoji potrebna zainteresovanost roditelja za uvođenjem druge smjene u vrtiće, javili su mi se nezadovoljni roditelji mališana koji koriste usluge vrtića Djeca Sarajeva. Naime, prema informacijama koje sam dobila moja inicijativa je provedena na način da je roditeljima ponuđeno da se izjasne da li će njihovo dijete koristiti uvijek i isključivo samo pravu ili samo drugu smjenu. Ovo je primjer apsolutno pogrešne interpretacije moje zastupničke inicijative. Naravno da se na ovako koncipiran upitnik roditelji izjašnjavaju za prvu smjenu jer je lakše naći način da se dijete zbrine u poslijepodnevnim satima. Cilj moje inicijative je bio maksimalno prilagođavanje potrebama roditelja koji se danas bave zanimanjima koja zahtijevaju rad u smjenama i dežurstva tako da radni dan nerijetko završava u kasnim večernjim satima. Stoga želim da mi se dostavi anketni upitnik iz kojeg je vidljivo na koji je način ispitano mišljenje roditelja po ovom pitanju. Također, znamo da je prije par mjeseci cijena vrtića povećana za 20 KM i tu nema apsolutno ništa sporno. Svima nam je cilj da se djeci pruži što bolji uvjeti boravka. Molim nadležne da mi odgovore gdje su usmjerena ova sredstva i na koji je način poboljšana prvenstveno ishrana mališana, kao i da li je tačna informacija da se u pojedinim vrtićima roditeljima svako dvije sedmice šalje posteljina na pranje. Odgovor očekujem u pismenoj formi u rokovima predviđenim Poslovníkom.

I druga zastupnička inicijativa odnosno pitanje upućeno je Ministarstvu privrede Kantona Sarajevo i KJP ZOI 84. prema mojim saznanjima radnici KJP ZOI 84 već duži vremenski period nisu upoznati sa odlukama uprave preduzeća a koje su direktno vezane za ekonomski i socijalni položaj radnika kao i sa načinom donošenja istih. Stoga zahtijevam odgovore na sljedeća pitanja:

- koji je razlog i zakonsko uporište donošenja odluke o minimalnoj plati?
- koja je planirana dinamika isplate zaostalih plata i toplih obroka?
- plan uplate zaostalih doprinosa i poreza na plate?

- Razlog obustavljanja realizacije administrativnih zabrana na platama radnika po osnovu kredita?
- I razlog obustavljanja obračuna sindikalne članarine bez pristanka radnika?

Zahtijevam od nadležnih pismeni odgovor da li su navedene informacije tačne i obrazloženje odgovora naravno također u rokovima predviđenim Poslovníkom. Hvala.

Poslanik/zastupnik Nermin Bjelak:

Hvala predsjedavajuća. Pozdravljam vas kao i sve prisutne u sali kao i građane Kantona Sarajevo. Po Poslovníku Skupštine Kantona Sarajevo postavio bih zastupničko pitanje Tužilaštvu Kantona Sarajevo. A odnosi se na dugovanje FK Sarajevo prema Ministarstvu unutrašnjih poslova Kantona Sarajevo u iznosu od 455.446 KM pa me interesuje dokle je došlo sa ovim predmetom o potraživanju MUP-a Kantona Sarajevo prema spomenutom Klubu jer sva ova dugovanja su napravljena od 2013 do 2015 godine. Sa ovim sredstvima koja su u potraživanju MUP Kantona Sarajevo bi se adekvatno opremio zaposlio nove pripadnike policije i na neki način bi se pojačala sigurnost građana Kantona Sarajevo. Jer po nekim mojim saznanjima, koje imam koja se dešava u FK Sarajevo da treneri prvog tima imaju dvogodišnju platu između 600 i 800.000 KM da pojedini igrači imaju čak i po 12.000 eura platu a nemaju da plate dugovanja prema MUP Kantona Sarajevo. I građanima Kantona Sarajevo na ovaj način plaća sigurnost. Pa zato tražim od Tužilaštva Kantona Sarajevo da istraži ovaj predmet i da krene u realizaciju ovog dugovanja. A o spomenutom predmetu da mi se pismeno odgovori na poslaničko pitanje. Također tražim od Vlade Kantona Sarajevo da uspostavi svaku finansijsku pomoć dok se ne riješi ovaj predmet.

Poslanik/zastupnik Mirza Ćelik:

Zahvaljujem predsjedavajuća. Pozdravljam sve prisutne u sali kao i gledaoce pored malih tv ekrana. Ja imam jednu inicijativu i ona glasi:

Podnosim inicijativu Ministarstvu unutrašnjih poslova da se izvrši sistematizacija policijskih službenika u IV policijskoj upravi Ilidža iz razloga što je rađena 1991 godine kada je Ilidža imala 55.000 stanovnika a danas nezvanično živi oko 100.000 stanovnika te je u nedostatku oko 40 policijskih službenika.

Obrazloženje: građani Općine Ilidža su zabrinuti zbog učestalih krivičnih djela koja se dešavaju na teritoriji Općine te je neophodno da se uposle novi službenici policije kako bi građani mogli mirno da spavaju. Zahvaljujem.

Poslanik/zastupnik Eldar Ćomor:

Uvažena predsjedavajuća, dopredsjedavajući, premijeru članovi Vlade, kolegice i kolege zastupnice i zastupnici, poštovani građani Esselamu alejkum i dobar dan. Zakon o komunalnim djelatnostima donesen je krajem 2004 godine. Član 3 ovog zakona određeno je ukupno 19 komunalnih djelatnosti a u članu 4 date su definicije istih. U stavu 2 člana 4 stoji podzakonskim aktima bliže će se regulisati obavljanje pojedinih komunalnih djelatnosti. Član 52 glasi: Vlada Kantona Sarajevo će u roku od dvije godine od dana stupanja na snagu ovog zakona donijeti podzakonske akte iz člana 4 stav 2 ovog zakona. Većina podzakonskih akata do danas nije donesena iz čega se da zaključiti da se Zakon o komunalnim djelatnostima ne primjenjuje odnosno nije ga moguće primijeniti u punom kapacitetu. Poznato je da je 2013 godine osam godina poslije donošenja zakona Vlada donijela uredbu o opštim uslovima za snadbijevanje vodom za piće obradu i odvođenje otpadnih i atmosferskih voda, SL novine Kantona Sarajevo 29/13. što se tiče komunalne čistoće ova oblast je još uvijek regulisana Zakonom o komunalnoj čistoći iako je predviđeno da bude regulisana podzakonskim aktom u skladu sa naprijed navedenim. Pitanje za Vladu Kantona Sarajevo i nadležna Ministarstva prostornog uređenja, koliko je podzakonskih akata od navedenih 19 doneseno u proteklih 11 godina od kad je Zakon na snazi te da li je do danas donesen podzakonski akt za oblast kavalerijskih usluga koja je naročito problematična u proteklih pet, šest godina od kada je na snazi državni Zakon o zaštiti i dobiti životinja.

Inicijativa: nekada poslije agresije na BIH u Kantonu Sarajevo došlo je do dodjele donacija ili poljoprivrednih kredita od strane ministarstva privrede Kantona Sarajevo u vidu dodjele krupne stoke građanima koji su bili za to zainteresirani. Jedan dio te stoke je uginuo a drugi dio se nije

mogao adaptirati a danas se građani suočavaju sa velikim problemom sudskih presuda na njihovu štetu jer je Ministarstvo privrede ovo tretiralo kao poljoprivredni kredit a Ministarstvo finansija je angažiralo banku kao agenta naplate. Danas je došlo do blokade imovine ovih građana. Uglavnom se radi o porodicama boračke populacije. I ja ću samo na kraju, neću ovo obrazložnje, tražim od Vlade Kantona Sarajevo i Ministarstva privrede i finansija da se odmah prekine progon navedenih kategorija od strane Intesa SanPaolo banke do rješenja problema. Da Ministarstvo privrede i Ministarstvo finansija dostave informaciju o navedenom problemu i Skupštini Kantona Sarajevo ponude adekvatno rješenje u vidu otpisa nenaplativih dugova da oni koji su mogućnosti plate vrijednost dobivenog kredita i eventualno sudskih troškova. Pismeno ću dostaviti ostatak ove inicijative. Izvinjavam se.

Poslanik/zastupnik Sabina Ćudić:

Pozdrav svima. Mislim da ne moram posebno ulaziti u problematiku, odnosno objašnjenje činjenice da naši sugrađani i sugrađanke sa invaliditetima u 21 vijeku nemaju pristup javnom prevozu u glavnom gradu BIH. Iz tog razloga postavljam inicijativu za nabavku adaptiranog vozila za potrebe osoba sa invaliditetom, odnosno tražim da Ministarstvo saobraćaja Kantona Sarajevo pokrene nabavku adaptiranog vozila za potrebe osoba sa invaliditetom, odnosno da u komunikaciji sa Grasom, taksi prevoznicima ili drugim zainteresovanim privatnim prevoznicima omogući subvencioniranje nabavke vozila i korištenje prevoza u komunikaciji sa udruženjima kako bi smo kao što sam rekla sugrađanima obezbjedili pristup javnom prevozu. Na kraju krajeva institucijama. U skladu s tim, nadovezujući se na ovu temu, moj drugi prijedlog je za formiranje interresorne grupe za utvrđivanje potreba osoba sa invaliditetom, osiguranju fizičkog pristupa službama i društvenim aktivnosti, kao što znamo većina zgrada, odnosno javnih ustanova u Kantonu Sarajevo ne omogućava pristup osobama sa invaliditetom i iz tog razloga tražim da se zastupnici izjasne u vezi sa podrškom formiranju navedene grupe te aktivnostima koje trebamo preduzeti. Tražimo naravno aktivno učešće zastupnika i zastupnica u procesu pripreme i realizacije konkretnih aktivnosti i predlažem da nosilac aktivnosti bude Ministarstvo za rad, socijalnu politiku, raseljena lica i izbjeglice Kantona Sarajevo. S obzirom da zahtjeva izjašnjenje Skupštine, naravno zamolila bih da se kolege danas izjasne. Mi imamo predali smo na protokol u pismenom obliku inicijativu pa ako bi mogla da se podijeli zastupnicama i zastupnicima kako bi smo mogli se oglasiti, odnosno izjasniti se po ovom pitanju. Hvala.

Dopredsjedavajući Sabahudin Delalić:

Zahvaljujem predsjedavajuća. Imam dvije zastupničke inicijative i jedno pitanje. Ja ću to dostaviti u pisanoj formi samo bih zamolio skupštinsku službu da su i ova pitanja kao i inicijative koje se dostave pisano isto važne kao ova koje kolege elaboriraju na samoj sjednici. Zahvaljujem.

Poslanik/zastupnik Amar Dovadžija:

Zahvaljujem. Selamim i pozdravljam sve prisutne u skupštinskoj Sali kao i gledatelje pored malih ekrana. Ja imam inicijativu i pitanje i jedno i drugo je upućeno prema Ministarstvu za boračka pitanja Kantona Sarajevo. Pokrećem inicijativu za usklađivanje adekvatnu primjenu člana 33 i 40 Zakona o dopunskim pravima boraca/branitelja BIH Sl. Novine Kantona Sarajevo broj 45 od 31.10.2012 godine sa članom 9 Zakona o upravnom postupku. Obrazloženje: na adresu Kluba SDA u Skupštini Kantona Sarajevo pristigla je molba gospođe Hajdarević Time iz Ilijaša, supruge šehida koja nas je upozнала sa problemom dokazivanja mjesta prebivališta odnosno boravišta na području Kantona Sarajevo. Ona ovom molbom traži od ministarstva za boračka pitanja da pokrene usklađivanje navedenih članova Zakona o dopunskim pravima boraca Kantona Sarajevo sa zakonom o upravnom sporu. Kopiju njene molbe zajedno sa inicijativom upućujemo Ministarstvu za boračka pitanja Kantona Sarajevo.

Pitanje također prema Ministarstvu za boračka pitanja. Koliko Ministarstvo od formiranja do danas izdvojilo i uložilo sredstava u rješavanje stambenog pitanja boraca pripadnika ARBIH. I molim da se Skupštini Kantona Sarajevo dostavi spisak lica koja su ostvarila pravo na pomenuto i u kojem iznosu. Hvala.

Poslanik/zastupnik Edin Forto:

Hvala predsjedavajuća. Ja imam dva pitanja. Prvo pitanje je za ministara Čedomira Lukića kojeg molim za pismeni odgovor kako bih mogao proslijediti taj odgovor zainteresiranim građanima. Pitanje se tiče statusa Zakona o održavanju zajedničkih dijelova zgrada i upravljanju zgradama. To je tzv. Zakon o upraviteljima. Kao što znamo federalni Zakon o stvarnim pravima je stavio van snage Zakon o vlasničko pravnim odnosima FBiH koji je jedan od pravnih osnova za postojanje Zakona o upraviteljima. Moje pitanje za gđina Lukića je kada mislite poslati prijedlog novog Zakona o upraviteljima na ovu skupštinu. Kao što i vi gospodine ministre znate, neke od firmi, neke od upravitelja koriste, zloupotrebljavaju ovaj pravni vakum kada se radi o ovom Zakonu, neke firme koje još uvijek vrše djelatnost upravitelja. Samo Ministarstvo je tužilo za iznose od više stotina hiljada maraka. Neke firme su u stečaju a i dalje im novci liježu na njihove račune. Znači ovo je jedna tema koja je vrlo bitna za veliki broj građana. Drugo pitanje je vezano za gđina ministra Muju Fišu kojeg molim također za pismeni odgovor. Kada će Zakon o saobraćaju u mirovanju koji godinama stoji u ladici doći na dnevni red ove Skupštine. Ako što znamo, ne trebamo posebno isticati važnost donošenja ovakvog zakonskog propisa s obzirom na probleme saobraćaja u mirovanju. Ali ono što se dešava ustvari je da neki drugi Zakoni se donose u njihovim obrazloženjima neke teme se delegiraju za taj budući Zakon o mirovanju. Znači nedavno smo kao što znate nedavno smo imali nacrt izmjene Zakona o komunalnoj čistoći kojim se predviđa ukidanje određenih stavki koje treba da tretira ovaj Zakon o saobraćaju u mirovanju koji mi još nismo vidjeli. Pa evo moje pitanje je kada ćemo to dobiti na skupštinu? Hvala.

Poslanik/zastupnik Semir Halilović:

Hvala lijepo. Imam dvije zastupničke inicijative. Jedna je za Ministarstvo zdravlja Kantona Sarajevo. Iniciram kod ministarstva zdravstva Kantona Sarajevo da se u JU Domovi zdravlja ugradi elektronski sistem uspostavljanja reda čekanja sa brojevima zbog smanjena gužve, uspostavljanja reda i smanjenja slučajeva protekcije. Druga inicijativa, također za Ministarstvo zdravlja Kantona Sarajevo da se u svim domovima zdravlja i bolnicama istakne natpis da pored teških bolesnika i hitnih slučajeva trudnice imaju prednost u redu za čekanje što za sada nema ni u jednoj medicinskoj ustanovi u Kantonu Sarajevo. To je to hvala lijepo.

Poslanik/zastupnik Bibija Kerla:

Pozdravljam sve prisutne gledaoce pored malih ekrana. Imam jednu inicijativu i jedno poslaničko pitanje. Moja inicijativa se odnosi na katastrofalno stanje stanica MUPa Kantona Sarajevo. Ono što sam ja vidjela ovih dana kada sam obilazila te stanice, na žalost nisam uspjela da odem kod našeg ministra da vidim kakva je situacija tamo. Ali ono što sam ja zatekla vjerujte da sam stvarno frapirana svemu onome što sam vidjela. Odvela sam jednog stranca i vjerujte da me bilo stid kad sam ušla unutra. I zato molim ovu skupštinu da podhitno donese inicijativu da se formira komisija koja će otići i pregledati sve te institucije i da se nađu sredstva koja će se upotrijebiti da se dovede bar djelimično stanje u tim stanicama. Jer ono što imamo vjerujte da sam ja službenik te stanice, da sam službenik MUP-a kada mi neko dođe i kaže ukraden mi je mobitel do hiljadu maraka vjerujte da se ja uopšte ne bih potrudila da nađem taj mobitel jer oni sjede na stolicama koje su vjerovatno stare 30 godina. Zidovi nisu okrečeni već 20 godina a tepih ili ga ima ili ga nema. I vjerujte da čak šta više i žohari hodaju po tim sobama. I zato molim skupštinu Kantona Sarajevo da se danas izjasni o mojoj inicijativi da ovo dođe na sjednicu Vlade i da se to podhitno riješi. Pod broj jedan. Pod broj dva, poslaničko pitanje to ću dostaviti pismeno našoj ministrici zdravstva. Hvala lijepo.

Predsjedavajuća:

Inicijativu u pismenoj formi dostavite.

Poslanik/zastupnik Predrag Kojović:

Zahvaljujem predsjedavajuća. Pozdravljam sve prisutne. Ja bih prvo izrazio nezadovoljstvo činjenicom da na postavljeno pitanje ili zahtjev nisam dobio odgovor a ono je glasilo, tražio sam spisak poslanika koji e nalaze u rukovodećim strukturama javnih preduzeća i ustanova. Mislim to je

dosta jednostavno pitanje, ne razumijem zašto Vlada nije odgovorila. I sada bih htio u tom tonu proširiti ovaj zahtjev. Naime, mi imamo skupštinske komisije, vi odete na web stranicu i kliknete na komisiju i vidite ko je član te komisije. Međutim kada pogledate budžet Kantona Sarajevo onda vidite da se iz budžeta Kantona Sarajevo ogroman, milionski iznos izdvajahu za komisije koje se osnivaju pri ministarstvima. S obzirom da se troši javni novac na ove komisije, mislim da bi isto tako bilo sasvim prirodno da odete na stranicu Vlade, kliknete na Ministarstvo i izađu vam komisije. Kliknete na komisije i izađe vam ko su članovi tih komisija. Isto tako bi smo voljeli da znamo koje su vrste naknada vezano za te ministarske komisije. Da ne bi stalno morali ponavljati ovo moje pitanje je za Vladu odnosno premijera je vrlo jednostavno jesu li to neke vrste poslovnih tajni, nešto kao priručnik za pravljenje atomske bombe ili je to nešto što on smatra da je informacija koju javnost treba da ima kao i sve druge informacije. Hvala.

Poslanik/zastupnik Zvonko Marić:

Hvala predsjedavajuća. Prije svega ukratko ono najvažnije u ovom vremenu koje imam na raspolaganju ću reći ono što je najvažnije ali prije toga želim da se ministrici Dautbegović zahvalim na odgovorima, na zastupnička pitanja. Moram kazati da su to jedni od rijetkih odgovora koja su zaista sadržana i u to ime hvala. Također i gđinu Juski napokon iz MUP-a sam dobio zadovoljavajući odgovor kao i od vas predsjedavajuća. Moram kazati da prije toga sam samo od gđina Kazazovića dobio i to u vidu intervencije reagiranja pravovremenog na ono pitanje koje sam postavio što je važnije daleko od mog pitanja i odgovora na to pitanje i kao i tužiteljici Burzić. Sve ostalo je ispod dostojanstva i vrijeđanja ljudske inteligencije. Na neka pitanja i po godinu dana nisam dobio odgovore. Također i ministru Nenadiću moram se zahvaliti na podrobnom izvještaju ali sada ću postaviti konkretno pitanje za premijera Kantona Sarajevo gđina Konakovića. Odnosi se na dječja obdaništa Sarajevo. Tamo već devet mjeseci nema mlijeka za djecu što je vrlo poražavajuće i roditelji se zaista žale. Na vodi se recimo pravi pura to je ispod svakog nivoa. I druga stvar niko nije odgovarao za ono trovanje a toliko smo raspravljali o tome. Nemamo neke povratne informacije. Jednako kao ni o tome kada se vrši upis 500 djece je doživjelo odliv zbog pogrešno raspisanog konkursa i ta djeca su se odlila u privatna obdaništa. I ona se nikada neće vratiti a šteta je pričinjena oko 100.000 KM. Mora kazati i to da je kolegica iz DF-a također govorila o cijeni boravka djece u obdaništu. Za 20 KM je skuplje i roditelji su očekivali da će dobiti četvrti obrok djeca u obdaništima, međutim to se nije desilo već neka donacija jabuka po jedna kriška se dijelila na tri dijela što je zaista ispod svakog nivoa. Ne trebam podsjećati da je resorna ministrica Margaret Tačer svojevremeno zbog redukcije, reduciranja količine mlijeka morala da podnese ostavku. I to je vrlo ozbiljan problem. I mislim da u toj ustanovi ima dosta posla da se uradi i volio bih da to bude na najbolji mogući način. Na koncu, vrlo kratko pa ću obrazložiti pismeno, drugo pitanje vezano za poticaj Ministarstva privrede. Posebice za područje Hadžića i Novog Grada. Zato molim da mi se podrobno dostave podaci koja su pravna i fizička lica dobila te poticaje. Rekao sam još jednu rečenicu predsjedavajuća. I pravna i fizička lica. Ne pitam slučajno. Raspoložem tim podacima i uz to da za svakog ponaosob se navedene koliko je prije toga imalo grla stoke, koliko sada i molim vas da mi se to dostavi u pismenoj formi ti svi podaci koje tražim. Hvala.

Poslanik/zastupnik Amel Mekić:

Hvala vam predsjedavajuća. Pošto se prvi put javljam želim da pozdravim i poselamim premijera, vas predsjedavajuća, dopredsjedavajući, ministre, zastupnike, goste, i sve gledaoce ispred TV ekrana. Pitanje za ministra, gđina Senada Hasanspahića. Pošto smo svjedoci kolapsa gradskog saobraćaja u dva vremenska intervala u toku dana, pogotovo u jutarnjoj špici od 07,30 do 08,30 kada svi žure na posao da se dispečerima u JKP Rad, posebno naglasi ili stavi zabrana odvoza smeća od 07,30 do 08,30 pogotovo u Općinama Stari Grad i Općini Centar gdje su ulice preuske i gdje je nemoguće mimoilaženje vozila. Hvala.

Poslanik/zastupnik Safet Mešanović:

Uvažena predsjedavajuća, dopredsjedavajući, premijeru, ministri, kolege zastupnice i zastupnici, uvaženi gosti, gledatelji pored malih ekrana, esselamu alejkum i dobra dan. Ja ću se ponovo vratiti na jedno pitanje koje je zaista od suštinske važnosti za cijeli Kanton. Radi se o gradskoj deponiji.

Prije nekih cca 2 mjeseca sam postavio isto pitanje šta se dešava s gradskom deponijom i tada smo dobili odgovor od ministara Čedomira Lukića. Taj odgovor je bio tačan ali je bio djelomičan. Ja pred sobom imam dopis Federalne uprave za inspekcijske poslove koja je ovaj dopis poslala Vladi Kantona Sarajevo 30.11.2015.godine i u ovom se izvještaju inspekcije kaže: nakon niza prijava građana o zagađenju zraka na lokaciji Boljakov potok i šire inspektor zaštite okoliša u inspekcijom nadzoru dana 16.11.2015.godine utvrdio da su pritužbe građana opravdane jer je:

Pod broj 1 i ono što je ministar Lukić rekao, što je tačno, sistem za otplinjavanje uništen. Iz razloga zato što je Tužilaštvo BIH a na traženje Instituta za nestale osobe na lokaciji Deponije vršen iskopi čime je oštećena instalacija za otplinjavanje. Plinovi nastali sagorijevanjem otpada su ranije korišteni za spaljivanje i proizvodnju električne energije, odnosno spaljivani su na kontrolnoj baklji. Sada kada je taj sistem oštećen i uništen plinovi se slobodno kreću po čitavom kantonu i imamo pored nesnosnog smrada imamo i sigurno zagađenje zraka. Ono što mi nismo dobili kao odgovor a to je pod broj 2

Projekat prečišćavanja otpadnih procijedih voda nije dovršen. Taj projekat, u njega je uložena su ogromna sredstva, on nikada nije dovršen i nikada nije stavljen u funkciju. I danas dan procjedne vode se slijevaju u kolektor ili bilo kakvu kanalizaciju kako to ovdje inspektor kaže. Tu nema nikakvog kolektora, nikakve kanalizacije, tu postoji jedan potok koji izlazi iz same deponije i koji je zagađen u toj mjeri u njemu ne da nema nikakvih živih bića nego je to jedna ekološka bomba.

Treće. Predsjedavajuća ako ćete me prekidati ja ću zahtijevati, molim vas minut još ako mi date da me ne prekidate, ako je moguće.

Predsjedateljica:

Možete pismeno predati.

Poslanik/zastupnik Safet Mešanović:

Molim vas ovo je toliko važno pitanje gdje je zaista u pitanju zdravlje naših građana pa vas stoga molim da me ne prekidate možda još minut. Ne provodi se monitoring plinova nastalih u procesu sagorijevanja otpada. I to je treća tačka gdje inspektor ovdje kaže da se u tom dijelu ništa nije uradilo. Ja ovdje tražim i molim evo premijera Kantona Sarajevo da se formira jedan tim koji će pratiti djelovanje Vlade Kantona i resornog ministarstva u cilju pogoršanja odlaganja otpada na gradskoj deponiji gdje će u tom timu biti predstavnici građana i gdje ćemo u svakom momentu znati šta se dešava, ovako nakon izvještaja ministra Lukića mi iza toga ne znamo šta se više dešava. Dokle se stiglo sa tim. Hvala vam lijepo. U pismenoj formi ću predati.

Poslanik/zastupnik Elvedin Okerić:

Selamim i pozdravljam sve prisutne. Zahvaljujem se predsjedavajuća. Imam jedno pitanje i jednu inicijativu. Pitanje glasi i odnosi se na MUP. Na našim ulicama primjetan je veliki broj ilegalnih taksi vozila koji su nelojalna konkurencija legalnim taksi vozačima. Te samim tim krše zakonske procedure Kantona Sarajevo. Novim zakonom MUP-a koji je donesen u prošloj godini određena je nadležnost kontrolisanja taksi vozača. Pitanje glasi: kakve radnje MUP Kantona Sarajevo poduzima po ovom pitanju?

Inicijativa glasi: svjedoci smo uznemirujuće odluke VSTV BIH gdje se zabranjuje isticanje vjerskih obilježja u pravosudnim institucijama BIH između ostalog i nošenje hidžaba marame. Ovo je teška povreda ljudskih prava i vjerskih sloboda u BIH. Iako je ovo pitanje zagarantovano univerzalnom Deklaracijom UN-a o zaštiti ljudskih prava, Evropskom konvencijom za zaštitu ljudskih prava i osnovnih sloboda, Zakonom o zabrani diskriminacije kao i Ustavom BIH u kojima je precizno stoji da svi ljudi imaju pravo na slobodu vjeroispovijesti, da imaju pravo da javno ispoljavaju kao što su molitve, običaji i obredi. Nošenje hidžaba, marame nije vjersko obilježje kao što je navedeno u odluci, već propisana islamska dužnost, koja daje identitet ženi islamske vjeroispovijesti. Najoštrije osuđujemo odluku VSTV BIH koje je donijelo diskriminacijsku odluku bez prethodnih analiza i provođenja šire javne rasprave na ovu osjetljivu temu. Sporna odluka djeluje ponižavajuće na naše majke i sestre koje su personifikacija čistog i moralnog. Ovo je direktan udar na integritet žene Bošnjakinje koja kroz historiju ima nemjerljivu ulogu u opstanku Bošnjaka i BIH. A posebno u protekloj agresiji gdje je podnijela najveća moguća poniženja i torture, upravo zbog ovakvi i sličnih

ideja ona je ipak ostala dostojanstvena i visoko moralna u društvu u kojem živimo. Ovo je samo još jedan pokazatelj moralne krize u kojoj živimo i gdje se vodi bespoštedna i nepravedna borba između moralnih i nemoralnih vrijednosti našeg društva koja se manifestuje kroz nedostatak obaveze i odgovornosti ljudi koji obnašaju odgovorne funkcije. Pozivam VSTV BIH da odmah povuče odluku o zabrani nošenja vjerskih obilježja zaposlenim u pravosudnim institucijama i preispita ishitrenost njenog donošenja iz koje je proizašla direktna povreda ljudskih prava i vjerskih sloboda. Tražim od Skupštine Kantona Sarajevo da se izjasni po mojoj inicijativi.

Predsjedateljica:

Dobro, dostavit ćete to u pismenoj formi pa ćemo se izjasniti. Gospodin Prevljak. Nemate inicijativu ovdje? Imam evidenciju da imate. U redu.

Poslanik/zastupnik Rasim Smajić:

Zahvaljujem predsjedateljice. Pozdravljam prisutne sve u Sali kao i gledaoce pored malih ekrana. Ja nemam novo pitanje inicijativu, imam pitanje za ministra za prostorno uređenje i okoliš zašto mi nisu odgovorili na moje postavljeno poslaničko pitanje na prošloj sjednici, tj 10. radnoj sjednici. Zašto mi nije odgovoreno, da mi usmeno odgovori danas. Gospodin Muharem Fišo mi je maloprije u hodniku odgovorio da je poslao moje zastupničko pitanje i da je negdje zapelo u skupštinskoj službi pa bih volio da neko iz Skupštinske službe kaže gdje je to zastupničko pitanje koje sam postavio na prošloj sjednici. Hvala.

Poslanik/zastupnik Segmedina Srna Bajramović:

Zahvaljujem uvažena predsjedavajuća, dopredsjedavajući. Pozdravljam sve prisutne, imam jedno zastupničko pitanje danas. Naime proteklih dana u javnosti se govori o najvaljenom pripajanju javne zdravstvene ustanove Opće bolnica „Prim. Dr. Abdulah Nakaš“ Sarajevo UKCS te se plasiraju različite kontraverzne informacije koje nisu zasnovane na zakonima iz ove oblasti. Naime, plasiraju se informacije da je premijer FBIH dogovorno sa premijerom Kantona Sarajevo zaključio da se ide sa projektom pripajanja ove dvije bolnice. Za početak želim istaći da se o ovom važnom pitanju ne može razgovarati i zaključivati na nivou premijera FBIH, premijera Kantona Sarajevo bez strateškog opredjeljenja o ovom projektu na nivou Vlada. Interesira me da li se o ovom projektu izjasnila Vlada Kantona Sarajevo te koji su zaključci po istom. I radi informisanja ovog doma kao i sveukupne javnosti želim podatke i o sljedećem:

- kakva je zaštita prava radnika iz radno-pravnog odnosa koji su uposlenici bolnice koja se pripaja drugoj zdravstvenoj ustanovi? Ovo iz razloga jer su uposlenici JU Opća bolnica Prim.dr Abdulah Nakaš s pravom uplašeni za svoj radnopravni status. Govori se da im se traži da sporazumno podnesu zahtjev za prestanak radnog odnosa uz obećanje da će nastaviti svoj radnopravni status u KCUS.
- kako na ovo pitanje gledaju u Vladi Kantona Sarajevo s obzirom da je Vlada donijela zaključak o zabrani prijema novih uposlenika i u JU a isto je donijeto i na nivou privremenog UO UKCUS.

Toliko zahvaljujem.

Poslanik/zastupnik Mario Vukasović:

Zahvaljujem predsjedavajuća. Pozdravljam sve prisutne u Sali kao i gledaoce kraj malih ekrana. Ja za danas imam pripremljene dvije inicijative.

Prva inicijativa se tiče odgovora koji sam dobio na dio moje inicijative sa prošle sjednice odnosno da se provjere navodi o krivičnim djelima u JU Studentski centar. Pa ovako na osnovu odgovora koji sam dobio za prošlu inicijativu podnosim inicijativu da Tužilaštvo Kantona Sarajevo pokrene krivični postupak protiv direktora JU Studentski centar zbog otkrivenih nepravilnosti prilikom zapošljavanja a koji je otkrio nedavni inspeksijski nalaz nakon pretprošle sjednice. Za KUIP Kantona Sarajevo s obzirom da je indikativno da ima uočeno mnogo nepravilnosti prilikom zapošljavanja u ovoj ustanovi tražim da KUIP ispita sva zapošljavanja u toku mandata direktora Kadrića, a za koje je direktor Kadrić ponosno izjavio a ih ima preko 200 u njegovom mandatu. Također tražim da finansijska inspekcija izvrši detaljnu finansijsku kontrolu poslovanja preduzeća a

posebno dio koji se odnosi na isplate putem studentskih naloga. Potrebno je ispitati navode da izgrađeni teniski tereni nemaju potrebne dozvole za izgradnju upotrebu. Također molim Vladu Kantona Sarajevo da zatraži od Studentskog centra i dostavi zastupnicima sve ugovore koje JU sklopila za najam prostora kao i da nam se dostavi detaljan uvid u prihode od najma te na šta se troši taj novac. Podsjećamo da ova JU nema pravo vršiti najam prostora bez odobrenja Vlade Kantona Sarajevo te me interesuje također da li postoje ta odobrenja?

Druga inicijativa je upućena Ministarstvu za obrazovanje nauku i mlade Kantona Sarajevo, Ministarstvo za rad socijalnu politiku, raseljena lica i izbjeglice Kantona Sarajevo. Podnosim inicijativu da se sačini službena i detaljna analiza o stanju zaposlenosti mladih u Kantonu Sarajevo. I ove godine je Kanton Sarajevo izdvojio dio budžeta za aktivne politike zapošljavanja mladih. Svi pokazatelji nam govore da su ove aktivne politike zapošljavanja izuzetno neefikasne za starije ili da Kanton Sarajevo svake godine zapravo baci jednu ogromnu količinu novca jer ove politike ne poluču željene rezultate. Ovi programi su izuzetno neefikasni što je pokazao izvještaj revizije učinka po nazivu Upravljanje programima zapošljavanja mladih, rađen od strane Ureda za reviziju institucija FBIH prije nekoliko godina. Ova analiza nam je potrebna kako bi uvidjeli dosadašnje efekte politika zapošljavanja. Hvala.

Predsjedateljica:

Završili smo sa tačkom poslaničkih pitanja i inicijativa. Evo imamo odgovore. Izvolite premijeru. Služba da li možete pozvati zastupnike.

Premijer Elmedin Konaković:

Bilo je nekoliko pitanja upućenih premijeru Vlade Kantona i ja ću evo ukratko odgovoriti na njih. Trenutno u Kantonu Sarajevo ne postoji ni jedan UO ni NO čiji je član zastupnik u Skupštini Kantona Sarajevo. Bilo ih je, trenutno ne postoji ni jedan UO. Tako da zaključak Skupštine Kantona Sarajevo tamo gdje su obavljali vd mandate, više ne obavljaju vd mandate. Drugo pitanje je kolega Kojović delegirao koje je aktuelno i potpuno je suštinski također za nas bitno, rad u komisijama i iznosi koji su do sada plaćani. U kabinet premijera su stigli čini mi se prije nekoliko dana podaci po ministarstvima o utrošenim sredstvima za rad po komisijama. Mi ćemo kao Vlada to imati brzo na sjednici narednoj. Ima još uvijek anomalija. Moram reći da je toga dosta manje nego što je bilo i da svaki zaključak koji je Vlada donosila u ovom mandatu u proteklih deset mjeseci u svojim završnim i prelaznim odredbama, plaćat će se, mi smo stavljali neće se plaćati jer rad po komisijama u radno vrijeme neće biti plaćan. Nekoliko ima specifičnih koje zahtijevaju i to je jedino što ćemo mi naravno prezentirati a dostavit ćemo i ovu informaciju o radu po komisijama po ministarstvima nakon što Vlada obradi. I nama je to interesantno. Kažem još uvijek ima ali ćete vidjeti velike promjene u odnosu na koncept koji je do sada bio. Još jedna stvar ne samo u Vladi, mi smo dobili informacije o pravljenu finansijskog plana u ZZO tamo gdje je to bilo stotinama hiljada a projekcija za narednu godinu iznosi 20.000 KM rad po komisijama svim onim famoznim koje su bile, vanjsko unutrašnje, liječenje ortopedska pomagala i druge. Kada je riječ o JU Djeca Sarajeva mi nemamo baš takve informacije. Nekih problema ima. Sada je dakle ono što je posebno bitno. Trenutno su neki tenderi u procesu žalbe upravo one firme koja nije prošla sad na tenderima a odgovorna je za trovanje djece u JU Djeca Sarajeva. Dakle trenutno po tenderu da ne nabrajam namirnice po kojem LOTovima se oni žale, nekoliko žalbi njihovih je odbijeno. I imamo čini mi se u nekim ne znam posebno namirnice činjenicu da se veliki broj tendera kreće se u realizaciju tamo gdje su se oni žalili odbijeni su po nekim žalbama po nekim Ured za žalbe odlučuje u narednih nekoliko dana. Mi smo ovih dana imali ste to priliku čitati, imamo informacije da je uveden taj četvrti obrok, voćni obrok u svim vrtićima u Kantonu Sarajevo. U Hadžićima je od jučer primljena kuharica koja je također je to bio problem ovog dole drugog dijela grada. Ako ste primijetili Tržnice su po zahtjevima Vlade da naša preduzeća ne rade samo za sebe i ne rade samo za svoje plate direktori, nego da iz profita finansiraju projekte ili daju pare u budžet Tržnice su već izdvojile 20.000 KM za rekonstrukciju centralne kuhinje JU Djeca Sarajeva i naravno da se desilo da neka djeca nisu mogla biti primljena jer je interes za prijem u ovu JU ogroman. Mi smo preko 600 djece imali na listama čekanja i ovim korekcijama cijene i prijavom odgajatelja preko njih 300 smo

primili. Na žalost još uvijek nismo primili sve. I ja isto konstatujem da bih bio sretniji da je to puno ljepše i da je uređenje i da su uslovi rada bolji nego što su sada ali možemo konstatovati da su bolji nego što su bili prije recimo nekih četiri pet mjeseci. Evidentno da tamo treba još uvijek i investicija i ozbiljnijeg odnosa prema ovoj JU ali ja mislim da informacije koje mi imamo zvanično iz same JU govore u prilog tome da se stvari ipak popravljaju. I hoću da odgovorim na ovo pitanje iako mi je malo više degutantno odgovarati na pitanje. I ja sam se medijski očitovao. Ako ste čitali medije mogli ste i mene čitati. Ali ja ću ponoviti ono što sam rekao za medije. Ne postoji zakonska, ni administrativna, ni tehnička mogućnost da se ono što je u vlasništvu Kantona Sarajevo pripoji bilo kome bez ovog ovdje doma i bez ovog organa. Dakle tamo smo investirali desetine miliona u Opštu bolnicu, desetine miliona su vrijednost kojom raspolaže isključivo Skupštine Kantona Sarajevo. Te priče kako su se dva premijer negdje sjela i dogovorila su. Eto iz poštovanja prema vama ja danas odgovaram, a iz poštovanja prema onim fit, mit, tačka ba, glo, bob, spot, gdje neki bloger napiše vijest pa je javnost potpuno primi kao tačnu relevantniju od onoga što zvanično kaže premijer, ja shvatam vrijeme u kojem mi živimo. Dakle pripajanje bolnica ne može bez Skupštine Kantona Sarajevo. Čini mi se da se time baca fokus na onaj stvarni problem. Mi u KCUS imamo strašno stanje. Imamo stanje koje ukazuje na ogromne propuste u radu posebno zadnjeg menadžmenta a i menadžmenta koji je bio prije njih i moram biti iskren. Dakle istrajat ćemo u zahtjevima da se i jedna i druga bolnica radi i u jednoj i u drugoj bolnici prije svega prezentira ovoj Skupštini prije nego što se poduzeme bilo kakav korak u reformi zdravstva. Mi smo imali sastanke sa komorama, imali smo sastanke sa predstavnicima sindikata, imamo sastanke. I naravno slušamo sve te ljude s terena i u konačnici bez Skupštine Kantona Sarajevo takve vrste reforme neće biti ona je više medijska priča nego što je formalna priča. Jer da je takva i da treba da se dešava vi bi ste imali od Vlade Kantona Sarajevo već zahtjeve za ovim tačkama dnevnog reda. Niti jedna tačka dnevnog reda ove Vlade nije se odnosila na ovo o čemu mediji pišu. A formalno je nemoguće da se. Ono što ja također hoću da kažem. Mislite li vi da bi smo mi dali Kliničkom centru ovako organizovanom u jedanaest mjesta UO Kanton Sarajevo ima dva. 159 primljenih ljudi bez saglasnosti bilo koje Vlade u prošloj godini. Enorman utrošak sredstava na koji mi apsolutno ne utičemo a istovremeno ga finansiramo sa mnogo većim sredstvima nego što iko drugi participira. Preko 75%. Dakle to bi bio nonsens, to bi bio loš rad premijera Vlade Kantona Sarajevo to da predlažem ja mislim da bi ste svi ocijenili potpuno nenormalnim niti je meni na kraj pameti da to apsolutno predlažem. Mi ćemo reformu zdravstva raditi tamo smo poredali stvari. Sada se radi dokument o pružanju zdravstvenih usluga u Kantonu Sarajevo, prvi put. Nakon njega se donosi dokument koji se zove finansijski plan shodno ovom prvom koji će finansirati ono što se zaista u Kantonu Sarajevo dešava a ne onako kako je do sada bila praksa, paušalno i u boljim relacijama jednog direktora JU s nekim ko određuje rashode. Tako smo do sada funkcionisali u zdravstvu. Mi se trudimo da toga ne bude. Eto odgovorio sam na pitanje na koje sam mislio da ga bez neke ozbiljne pripreme više neću morati elaborirati ovoj Skupštini. Iz poštovanja prema kolegici Srni i njenom dosadašnjem zalaganju za bolje stanje u zdravstvu, evo ja sam tu temu kratko elaborirao. Hvala.

Predsjedateljica:

Hvala gospodine premijeru. Pitanje na odgovor gospodin Marić.

Poslanik/zastupnik Zvonko Marić:

Uvaženi premijeru sa sigurnošću i sa punom odgovornošću tvrdim da ne može biti dobro stanje ako djeca u obdaništima nemaju devet mjeseci mlijeko i nemaju ga, u to sam uvjeren. Pravi se hrana i pura se pravi na vodi, to nije dobro. Četvrti obrok koji je navodno rečeno da će biti uveden sa pouzdanim saznanjima vam kažem da nije. I ono što je pavlaka, evo konkretno, ja raspolažem podacima podijeljena je u utorak, prije sedmicu dana, neka mala količina. I ono što je najvažnije, pitao sam i vezano za upis, odnosno za konkurs, raspisivanje konkursa, gdje je napravljen odliv od 500 djece koja su otišla u privatna obdaništa. Za to je neko morao odgovarati. A taj konkurs koji je kasnije poništen nije morao da se poništava, izgubljeno je vrijeme i upis djece u obdaništima je već bio završen na drugim mjestima. To je naša, javna ustanova i neko bi morao za te propuste da odgovara. Suština mojih pitanja je bila to. A vaše informacije možda ste dobili od rukovodstva koje

prikriva stvari i ja razumijem vašu priču o tenderskim procedurama ali sigurno je alarmantno stanje da devet mjeseci se ne iznađe mogućnost da barem djeca dobiju ponekad mlijeko. Hvala.

Premijer Elmedin Konaković:

Pa naravno mi ćemo sve ovo što zastupnik Marić danas govori proslijediti odmah iz stenograma JU Djeca Sarajeva, tražit ćemo hitno odgovor na ove navode. Nama kažu da je to ta žalba je bila na mliječne proizvode, ona je završena, odbijena je i mlijeko normalno se dostavlja. Žalbu je uputilo preduzeće firma koja je napravila probleme. Sada trenutno postoji ista takva žalba na, dakle mlijeko se nabavlja a konzervirana hrana i jaja ne zbog žalbe Gold minjona. Dakle sada je to drugi zakonski proces u kom se mora sačekati da Ured za žalbe dozvoli jer je nezakonito nabavljati ispod stola, na pijaca ne mogu to ljudi uraditi. Naravno da su ovo ozbiljno navodi i mi ćemo svakako tražiti pismeno očitovanje JU Djeca Sarajeva u narednih nekoliko dana i o tome ćemo informisati zastupnika Marića i ostale zastupnike. Hvala.

Ministar Čedomir Lukić:

Zahvaljujem se predsjedavajuća. Dopredsjedavajući, uvažene zastupnice i zastupnici, gospodine premijeru, kolege i kolegice ministri, gosti, građani Kantona Sarajevo sve vas srdačno pozdravljam. Ja se prije svega javljam jer sam prozvan da usmeno dam odgovor uvaženom zastupniku Pecikozu zašto nije dobio odgovor. Ovo Ministarstvo na čijem sam ja čelu na svako pitanje koje dođe iz skupštinskih službi a vi ste ga postavili, dostavljamo promptno odgovore. Ovo pitanje nismo ni dobili pa iz tog razloga nismo vjerovatno ni mogli dati odgovor. Čim ga dobijemo mi ćemo odgovor dati.

Poslanik/zastupnik Safet Mešanović:

Uvaženi ministre ja od vas nisam se žalio da nisam dobio odgovor nego onog momenta kada ste bili za govornicom dio ste ovog dopisa koje je stiglo od Federalne uprave za inspeksijske poslove samo jedan od ovih upita ste odgovorili. Dakle, dva nalaza niste odgovorili, ali ja vas molim nisam vas prozivao i ne kažem sada da ste vi u tom momentu imali ovaj dopis.

Ministar Čedomir Lukić:

Meni je žao da zastupnici nisu koncentrisani i ne prate rad niti ono što mi govorimo. Ja sam se obratio uvaženom zastupniku Pecikozu koji je tražio od mene usmeni odgovor i taj odgovor sam dao. Na pitanje koje je postavio uvaženi zastupnik Mešanović dobit će pismeni odgovor kao i ono što je postavio uvaženi zastupnik Forto.

Poslanik/zastupnik Safet Mešanović:

Ma molim vas ministre, nama ne treba odgovor, nama treba djelo na gradskoj deponiji to sada odgovori.

Ministar Čedomir Lukić:

Naravno, da vam kažem uvaženi zastupnici i nama treba isto tako odlazak na Mjesec, ali je nemoguće. Premijer je imao namjeru da vam odgovori na taj dio pitanja koje ste postavili koje je došlo kao nalaz Federalnog inspektora, koji pri tome ne konstatuje da Vlada Kantona i ovo Ministarstvo ne mogu prići da saniraju ono što kažete da je oštećeno jer su vam napisali u odgovoru jer se radi o radovima Tužilaštva BIH od kojeg smo tražili odgovor direktno iz Kabineta premijera da nam se dozvoli da to saniramo. Dok nam oni ne dozvole mi ne možemo ni prići. Drugi dio pitanja se odnosi na procjedne vode gdje je vaša općina dozvolila nelegalnu gradnju i ispuštanje kanalizacije iz svih objekata u isti taj vodotok u koji se ispušta ova procjedna voda sa deponije jer prečistač koji je urađen na deponiji je rađen u nekim bivšim vremenima, ja nisam bio u ovom Ministarstvu i nije napravljen na ispravan ili kvalitetan način. Ministarstvo radi elaborat da se nađe rješenje šta to treba učiniti kako bi se iz prečistača ispuštale čiste vode. Eto to je ono što mogu ja da kažem o aktivnostima na samoj deponiji.

Poslanik/zastupnik Safet Mešanović:

Hvala ministre.

Premijer Elmedin Konaković:

Ima jedna bitna stvar da nam ova tačka ne dobije neku deformaciju. Službe kažu da se Vladi prosljeđuju samo pismeno dostavljena pitanja i inicijative. Dakle ako se nekada desi po Poslovniku, Poslovníkom definisano pismeno predate službi, služba dostavi Vladi. Možda zbog toga još jednom ću malo zadužiti službu da oni pregledaju da li ima pismenih dostavljenih pitanja i inicijativa koje nisu dostavljene Vladi. Dakle ako zbog toga ima problema onda nastaju eventualno ove diskomunikacije. Ja sam propustio da kažem ovo što je ministar Lukić već odgovorio i dio sam odgovora ostao dužan za Djeca Sarajeva. Dakle, po ovom drugom pitanju mi ne možemo tamo ni od koga tražiti odgovornost zašto neka djeca nisu primljena u JU Djeca Sarajeva. Tamo ne može biti primljeno više djece. Mi nemamo fizički kapacitet da primimo više od ovog što trenutno imamo. I da ih sada ima, a ima ih, sigurno još nekoliko stotina koji bi rado prešli u našu ustanovu iz privatnih, zato što je razlika u cijeni dvostruko veća, mi fizički ne možemo primiti tu djecu jer nemamo prostor i nemamo dovoljan broj odgajatelja a povećali smo ga skoro za jednu trećinu. Dakle to je ta cijela slika o JU. Hvala.

Predsjedateljica:

Hvala lijepo. Htio se javiti za odgovor ministar Fišo, izvolite.

Ministar Muharem Fišo:

Selam alejkum i dobar dan rukovodstvu Skupštine, poslanicima, kolegama iz Vlade i građanima Kantona Sarajevo. Evo pošto sam prozvan za poslaničko pitanje gđina Smajića samo hoću da kažem da smo odgovor na pitanje dostavili 14.01. stručnoj službi Skupštine i već kada sam izašao da kažem da u Ministarstvu za boračka pitanja djeluju samo četiri komisije. Ne znam prije koliko je to bilo i šta je bilo. Znači četiri komisije jedna komisija za strategiju zapošljavanja u kojoj djeluju djeca šehida, to je javnost upoznata. Komisija za individualnu stambenu izgradnju u kojoj rade stručna lica za pitanje građevine i dvije komisije za pitanje jednokratne pomoći doktori i komisija za procjenu odlaska na rehabilitaciju. Eto toliko, hvala.

Predsjedateljica:

Inače sam vas htjela informirati da sve vaše inicijative i pitanja svakako u pismenoj formi predate službi i sve ono što predate dobijete i odgovor. To je tako po Poslovníku. Evo gospodin Bjelak.

Poslanik/zastupnik Rasim Smajić:

Predsjedateljice nije Bjelak, Smajić je ali nema veze. Tražio sam usmeni odgovor od ministra prostornog uređenja međutim on je vješto ustao i izašao ne znam zašto jer nisam dobio odgovor koji sam predao u pisanoj formi na prošloj sjednici. Imam i kopiju da sam predao jer ja svaki dokument u kopiji predam tako da ako mu treba dostavit ću mu i kopiran, i sa zadnje sjednice i od 15.03.2015.

Predsjedateljica:

Dostavite sve što niste dobili.

Poslanik/zastupnik Rasim Smajić.

Dostavio sam ja neću deset puta dostavljati. Jednom dovoljno. A ja bih zamolio da ga služba pozove da odgovori na to pitanje jer je očito vješto ustao i otišao.

Predsjedateljica:

Ja bih molila zastupnike pošto smo dobili svi inicijativu od gđina Elvedina Okerića da se izjasnimo po ovoj inicijativi. Pa bih vas molila da pristupimo glasovanju. Ko je za? Ko je protiv? Ko je suzdržan?

27 ZA, 3 protiv, suzdržan ništa.

Konstatujem da je inicijativa gđina Elvedina Okerića usvojena. A imali smo još dvije inicijative nisu došle u pismenoj formi.

Gospodin Rađo je tražio pauzu. Dobro. Pauza od sat da iskoristimo za ručak. U redu. Hvala lijepo. Pauza sat vremena.

NASTAVAK NAKON PAUZE

/napomena: nema snimka od početka sjednice /

Predsjedateljica:

...kvalitetno, ja bih se vratila na ovu prvu tačku dnevnog reda koju nismo završili. Znači inicijative i poslanička/zastupnička pitanja. Glasali smo za inicijativu gđina Eldara Okerića a sada bih voljela da se izjasnimo o inicijativi gđe Sabine Čudić. Ima li potrebe da je čitamo jer smo je dobili u pismenoj formi? Pa bih molila zastupnike da pređemo na izjašnjavanje. Tko je za ovu inicijativu gđe Sabine Čudić. Ko je protiv? Suzdržan?

Znači ova inicijativa je usvojena sa 27 ZA, ni jedan protiv i 3 suzdržanih.

I sljedeća inicijativa je bila od gđe Bibije Kerle. Ja je ne bih čitala, također smo je dobili pa bih voljela da se izjasnimo po ovoj inicijativi. Tko je za? Ko je protiv? Tko je suzdržan?

27 ZA, protiv ništa, suzdržan ništa.

Ovim bi smo iscrpili ovu tačku dnevnog reda s tim što je ministar Čedomir Lukić tražio izjašnjenje. Hvala., izvolite.

Ministar Čedomir Lukić:

Zahvaljujem se predsjedavajuća. Ja imam potrebu da se izvinem i zbog moje koncentracije i praćenja rada ove Skupštine pa sam se u odgovoru koji sam dao prethodno obratio uvaženom zastupniku Pecikozi, a ustvari, pitanje, odnosno moj usmeni odgovor tražio zastupnik Smajić. Kada je u pitanju ono što je rečeno da nije dostavljen odgovor na postavljeno pitanje ja moram samo da kažem da pitanje koje je postavljeno 29.12. na radnoj Skupštini Kantona Sarajevo je odgovoreno i dostavljeno 15.01. i ono se nalazi na skupštinskoj stranici. Evo ovo je moje izvinjenje za previd koji sam napravio. Hvala.

Poslanik/zastupnik Rasim Smajić:

Koliko se sjećam na to pitanje sam tražio od ministra da mi dozvolio uvid u predmet a ne ovako na jednoj stranici napisano ono što mi već svi znamo. Znači tražim uvid u predmet koji je bio tema te sjednice. Ništa više.

Predsjedateljica:

Dobro, dobit ćete to u pismenoj formi. Iscrpili smo prvu tačku dnevnog reda. Krećemo sa drugom tačkom dnevnog reda a to je:

AD – 2.

PRIJEDLOG ZAKONA O IZMJENAMA I DOPUNAMA ZAKONA O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO (SKRAĆENI POSTUPAK)

U skladu sa članom 158. stav 2. Poslovnika Skupštine Kantona Sarajevo molim predstavnika Predlagača da nam ukratko obrazloži razloge za donošenje ovog Prijedloga zakona po skraćenom postupku.

Izvolite, ima li predlagača? Izvolite premijeru.

Premijer Elmedin Konaković:

Ovaj Zakon povlači Vlada zbog nekih nedoumica oko rada inspekcijskih organa. Povlačimo i za narednu sjednicu ćemo dostaviti ili neku od narednih sjednica ćemo dostaviti.

Predsjedateljica:

Dobro u redu. Hvala.

Prelazimo na sljedeću tačku dnevnog reda. To je

AD – 3.

PRIJEDLOG ZAKONA O IZMJENAMA I DOPUNAMA ZAKONA O POZORIŠNOJ DJELATNOSTI (SKRAĆENI POSTUPAK)

U skladu sa članom 158. stav 2. Poslovnika Skupštine Kantona Sarajevo molim predstavnika Predlagača da nam ukratko obrazloži razloge za donošenje ovog Prijedloga zakona po skraćenom postupku.

Ministar Mirvad Kurić: UVODNO IZLAGANJE

Predsjedateljica:

Hvala lijepo ministre Kurić. Ima li pitanja? Nema pitanja. Otvaram raspravu.

Poslanik/zastupnik Sabina Ćudić:

Ponovo pozdrav svima. Evo sudeći po interesu za raspravu čini se da možda ne interesuje sviju jednako pozorišna djelatnost ali bih ja da dam par razloga zašto je jako bitno da se u ovu raspravu uključi što veći broj nas i zato što se ova kadrovska politika i ovaj izmjena zakona je zapravo na neki način slika kadrovske politike vladajućih stranaka, Vlade i izmjena koje se kontinuirano dešavaju u proteklih 20 godina. Naime o čemu se radi? Sa ovom izmjenom pod izlikom kako je upravo ministar rekao ili objašnjenje da se unaprijedi finansijsko poslovanje kulturnih institucija vrata ovih institucija odnosno rukovodeće pozicije ovih institucija se otvaraju i za trogodišnji bolonjski studij recimo tjelesnog odgoja. Odnosno svako ko završen viši studij može se uz svo poštovanje recimo tjelesnom odgoju prijaviti na te funkcije. Sve to uz obrazloženje da postojeći kriterij koji se vežu za završenu književnost i Akademiju scenskih umjetnosti su nedostojni tih funkcija odnosno da možda ne pružaju mogućnost uspješnog finansijskog poslovanja radi nedostatka menadžerskog iskustva postojećih kandidata prema postojećem zakonu. Ja ću krenuti od toga s čime se slažem sa vladom. Slažem se da samim postojanjem diplome ASU ili književnosti niste neminovni idealan kandidat ili kandidatkinja za direktore pozorišta koje zahtijevaju ponovo se slažem, i određene menadžerske sposobnosti, pogotovo u finansijskom rukovođenju ovih institucija. Ali evo gdje nastaje problem, umjesto da pooštrimo kriterije, pa da na postojeći kriterij gdje se traži završeni spomenuti fakulteti zahtijevamo dodatno iskustvo iz menadžmenta odnosno menadžerisanje određenim kulturnim institucijama, mi ukidamo gotovo sve postojeće kriterije i otvaramo vrata kadrovskoj politici koja je dovela kulturu u stanje u kom trenutno jeste, a koja je pod sloganom nestručnosti već podobnih. Odnosno ono što uvijek govorimo jeste da poslove ne dobija struka već stranačka podobnost. E sada. Ja sam bila slobodna da malo razmišljam, možda nisam ja naravno u pravu. Krenimo od toga kakva je to europska i svjetska praksa u menadžerisanju institucija kulture. Pa sam krenula od regiona ka svijetu. U regionu gledajući dva najistaknutija pozorišta sa kojima se nažalost Narodno pozorište u Sarajevu što se tiče repertoara ne može porediti to su Hrvatsko narodno kazalište i Srpsko narodno pozorište. U HNK direktorica gđa Vrboč je

diplomirana dramaturginja, završila je svjetsku književnost i dramaturgiju, predsjednica Europske kazališne konvencije i smatra se jednom od najuspješniji menadžerica kulture na Balkanu i šire. Slična je situacija u Srpskom narodnom pozorištu gdje gospodin Gajin je diplomirani akademski umjetnik. Ali evo gledajmo u državama kao što je Velika Britanija gdje možda princip neoliberalizma u kulturnim institucijama gdje je primarni kriterij finansijska održivost institucije kakva je praksa tamo. U VB imamo situaciju na Kraljevskom Šekspirovom pozorištu gdje dva direktora obnašaju funkciju, izvršna direktorica i direktor. Gdje je direktor redatelj a izvršna direktorica iako se s iskustvom finansijskog menadžmenta kulturnih institucija sa specifičnim obrazovanjem za finansijski menadžment kulturnih institucija pored toga je i violinistica recimo u Oksfordskoj simfoniji. Dakle, šta želim da kažem? Pozorišna djelatnost je specifična djelatnost koja zahtijeva poznavanje i umjetnosti i pozorišne kulture gdje se određuju stvari ne samo klike ćete platiti stolice i kako finansijski održati budžet već je i pitanje repertoara i niza drugih odluka koje se tiču umjetničke struke. Iz ovog razloga smatram da i za one kolege i kolegice možda ovdje u Skupštini koje ova oblast ne interesuje da urušavao u svim javnim institucijama struku a otvaramo, poražavajuće kriterije dovodimo ih u situaciju kojima su obje osnovne muzičke škole u Sarajevu gdje upravo ovim izmjenama zakona gdje je preko noći izbrisana potreba za završenom muzičkom školom, odnosno završenom muzičkom akademijom otvorili smo vrata stranačkim kadrovima koji priznat će kada trebate finansijski održati osnovnu muzičku školu nije dovoljno da niste samo u minusu već je možda neophodno da znate i šta je saksofon, što u trenutnoj situaciji nije slučaj. Iz tog razloga vas molim da pažljivo razmislite da li je možda bolji put da pooštrimo kriterije odnosno da pored postojećih zahtijevamo ovo što Vlada predlaže određeno iskustvo u finansijskom menadžmentu odnosno menadžerisanju institucijama a ne da otvaramo vrata za daljnje urušavanje ja bih rekla zakucavanje konačnog eksera u kovčeg kulture. Na žalost na onom stadiju moram to tkao nazvati u kom se kultura danas nalazi. Hvala.

Predsjedateljica:

Hvala. Ima li još rasprave. Izvolite ministre Kuriću. Zaključili smo raspravu.

Ministar Mirvad Kurić:

Evo ja ću se potruditi ukratko da objasnim. Dolazim iz pozorišta, tu sam, poznajem dobro prilike. I reću vam jednu stvar, ovo je Zakon koji se tiče isključivo pozorišta ne svih institucija kulture. Ako smo ostavili da pravilima institucije, pravilima pozorišta detaljno uređujemo koje su to stručne sprema da nam se ne bi ko sad u ovom važećem zakonu nam se može desiti da profesor likovnog se kandiduje za direktora sarajevske filharmonije. Što opet nije, malo je različito u umjetnosti i u pozorištu ima dosta razlika. Reći ću samo jednu stvar 15 godina svi govorimo da je stanje u pozorištu katastrofalno. I ja se slažem. Te institucije su između ostalog dobrim dijelom vodili kulturni radnici i to se slažem. Znači sada ovaj prijedlog koji vi dajete, kada kažete da treba neko iskustvo u menadžerisanju ostaju nam znači na raspolaganju samo oni koji su do sada vodili institucije što nije naš cilj. Znači mi ne želimo dalje da urušavamo pozorišta prema tome mislim i kada govorimo o repertoarskoj politici idu stvari, po meni, čisto onako kako vidim, idu stvari naprijed, idu stvari na bolje i neke se stvari moraju mijenjati. Vi kada kažete tjelesni odgoj, spomenuli ste tjelesni odgoj. Da vam kažem, ne želim ničije zanimanje da vrijeđam ni jedan profesor tjelesnog odgoja ne bi dao 100.000 KM za izvođenje dvije predstave jednog teatra gostujućeg. To je menadžerstvo. Bez obzira dal on bio dramaturg reditelj bilo ko. Svako pozorište u Sarajevu za vašu informaciju ima umjetnički savjet koji se bavi umjetničkom politikom. Ovdje se ni u kom slučaju ne daje i ne priča se o onome o čemu ste vi govorili da se daje sad mogućnost bilo kome. Ovo je samo otklanjamo diskriminaciju koja ne može biti u zakonu kao takva, a u pravilima pozorišta tačno uređujemo ko i na koji način pod kojim uslovima može obnašati funkciju direktora te kuće. Eto. Hvala vam.

Poslanik/zastupnik Sabina Ćudić:

Vrlo mi je interesantno obrazloženje koje brani dakle postojeći prijedlog zakona sa riječju diskriminacija. To je kao kada bi ste rekli da osoba koja je završila Fakultet tjelesnog odgoja ili hortikulturu ne može po zakonu ili po pravilima pravnim aktima SAD voditi NASU koja se bavi

odlaskom na Mjesec, je diskriminacija. Zašto dovedeni smo u ovu situaciju zato što nam ministri rudarstva i energetike imaju diplome ne znam iz ljudskih prava. Zašto je za direktora UKCS potrebno da je neko iz oblasti zdravstva ako poznaje zdravstvo, ako u kulturi u menadžmentu ovih institucija to može biti bilo ko. I zapravo je ispravak navoda ministra da u postojećem sistemu, odnosno ono za šta se zalažem bi bilo moguće samo da postojeći direktori. Ne stiže se menadžersko iskustvo isključivo u menadžmentu kulture. Možete biti po postojećem zakonu diplomirati na ASU ili književnosti istorije umjetnosti a da pored toga imate iskustvo u vođenju nevladinih organizacija, kulturno umjetničkih društava na raznim razinama. Dajem vam primjere iz svjetske prakse ali očito je kadrovska politika SDA i vladajućih stranaka širom poznata u svijetu pa zna daleko bolje, njihovo stručno oko vide dalje od stručnog oka ljudi iz struke u VB i zemalja iz regiona. Dakle, ako otvorimo vrata bilo kome da vodi ove institucije imat ćemo ovu situaciju, vrlo mi je intresantno da ministar istovremeno govori da te institucije vode ljudi umjetničkog profila i da repertoar ide na bolje ali da je nekako situacija u kulturi neprihvatljiva. Dakle, odlučimo se, jel ide na bolje ili na gore, odnosno da li se radi o sredstvima koji im je ovaj Kanton dodijelio i da je nemoguće unutar tih sredstava voditi bolju politiku a ne tako što ćete dovesti nekoga sa trogodišnjom diplomom da vodi te institucije.

Premijer Elmedin Konaković:

Premijer sa fakultetom sporta i tjelesnog odgoja. Ja sam ove četiri godine govorio o ovom problemu u kulturi kao zastupnik. Kolegica Ćudić ima svoj precizan kritički osvrt na ovaj problem drugačiji od onoga kako ga mi trenutno vidimo. Ja ću ga potkrijepiti argumentima i činjenicama koje trenutno imam kao premijer Vlade Kantona. Naša dilema da li da kulturni radnici ili isključivo glumici ili specifična uža grupa ljudi rukovodi pozorištima, sada govorimo samo o pozorištima u Kantonu Sarajevo moj stav je bio prije pet godina da ne treba i danas je moj stav da ne treba. Da to bude isključivo ta grupa ljudi koja bi trebala da upravlja ovim institucijama i ja mogu reći da imam ozbiljne argumente zašto mislim da sam i tada kao zastupnik bio u pravu i zašto mislim da je prijedlog ministra Kurića, resornog ministarstva i Vlade danas opravdan. Najbitnija stvar u početku je da se vratimo na ono što je ministar već rekao. Ovdje se otvori prostor da se aktima svake od ovih ustanova ozbiljno uredi pravilnik koji govori ko to može biti direktor koji treba biti transparentan javan. Bilo kakav pokušaj manipulacije bilo koje političke partije da tamo dovede, kako je ono jednom bilo neko ko je završio poljoprivredni fakultet direktor narodnog pozorišta bio bi na sramotu i nama koji to dozvolimo i nama koji danas zagovaramo takav Zakon i naravno da nam stavlja ozbiljan teret odgovornosti kod izbora takvih ljudi. Istovremeno ja danas imam podatke koji govore u prilog činjenici. Ja ću ponoviti neke svoje rasprave iz ove sale kada sam baš komparirao sarajevsko NP sa pozorištima u Zagrebu i Beogradu i u onom segmentu marketing, kada kliknete na stranicu NP Zagreb, otvorite i pokaže vam se 29 ozbiljnih sponzora, prijatelja NP. U Zagrebu je bilo 32 čini mi se. U Kantonu Sarajevo dugo a mislim i u zadnje vrijeme da smo tek na tome nešto uradili je bilo u izradi taj dio stranice. Dakle dugo je bio u izradi. Jačanjem druge pozicije u samom pozorištu, umjetnički direktor ili neko se bavi upravo postavkama je paralelan proces koji treba da se odvija sa opcijom da se otvori mogućnost da na čela ovih ustanova dođu ozbiljni menadžeri. Mi zagovaramo da to budu menadžeri. Ne samo menadžeri koji imaju fakultete bliske kulturi nego menadžeri koji znaju upravljati sredstvima i ljudski m resursima. Dat ću vam sada jednu informaciju koja će brzo biti zvanična. Takav menadžer je došao na čelo kamernog teatra. Mi danas u Kamernom teatru imamo informaciju da su oni uspjeli svojim sopstvenim aktivnostima obezbijediti 90.000 glumac je završio pozorišnu akademiju, menadžerstvo nosi obavljajući funkciju ministra u Vladi Kantona Sarajevo i analizirali smo ono zbog čega je uspio u tako kratkom vremenskom roku naći 90.000 mimo ovih sredstava za koje i mi mislimo da su nedostatna stalno i stalno tražimo nove izvore finansiranja. Našao ih je na način da su oni komunicirali za tri mjeseca 120 potencijalnih klijenata. U informacijama o radu Kamernog teatra u prošlosti oni su komunicirali 7 potencijalnih klijenata. I tada su to vodili radnici iz kulture isključivo. U NP sad, i to je možda najbolji primjer da ovo nije i politika, da nije lični interes nikoga od nas pojedinaca na čelo ustanove došla je jedna ozbiljna gospođa koja je prijedlog treće političke partije, u nekoj konstalacije odnosa i za kratko vrijeme je potpuno preporodila ovu ustanovu i vi danas imate NP, vidio sam status jednog svog prijatelja glumca koji kaže tapkaju se karte ispred NP za predstave za

kojih nije bilo više karata. Prihodi po osnovu karata ne znam koliko puta, to će ministar možda znati od mene ako treba odgovoriti ili ćete to vidjeti su utrostručeni ili četiri puta veći nego što su do sada bili. Interes za predstava od strane sponzora je mnogo veći. Ona trenutno ne zadovoljava uslove zakonom propisane da bi dalje ostala na čelu ove ustanove. Dakle i to nas je vodilo. Nije kadar SDA nije nikada bila član SDA: i to nas je vodilo, činjenica koja nas je opredijelila da u prvom koraku zakonom ne sputavamo i ne limitiramo. Da naše UO i NO istovremeno mijenjamo metodologiju. Mi tražimo od njih da nam svoje programe rada dostave sada u februaru da ih vi ovdje razmatrate na februarskoj ili martovskoj sjednici, da ne raspravljamo njihove programe rada u augustu ili septembru i da odmah utvrdimo eventualno bilo kakvu anomaliju da smo kadriranjem na čelo neke od ustanova doveli nekoga ko tamo nije kompetentan. Dakle, razumijem ja i neke moje kolege danas pišu čitav dan poruke kako se otvara prostor da taj isti sa završenim poljoprivrednim fakultetom bude na čelu ove ustanove to bi bila sramota i moja i ove Vlade, i resornog ministra sigurno. Mi ćemo naravno voditi računa da se takve stvari ne dese. Zato su nam odgovorni organi koje biramo da rukovode ovim ustanovama i oni će u tim strožijim pravilnicima i kriterijima u drugoj fazi naravno klasificirati i do zarezra će napraviti sistematizaciju u kojoj neko zvanje naravno ne može doći na čelo ove ustanove. I ja isto tako mislim da to ne može da radi neko sa završenim fakultetom sporta i tjelesnog odgoja. Ja bih odbio kada bi mi ponudili da vodim neku kulturnu ustanovu. Hvala.

Predsjedateljica:

Hvala lijepo. Idemo dalje.

MOLIM POSLANIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O POZORIŠNOJ DJELATNOSTI. KONSTATUJEM DA JE SKUPŠTINA DONIJELA OVAJ ZAKON .

Predsjedateljica:

Prelazimo na sljedeću tačku dnevnog reda, to je tačka

AD – 4.

NACRT ZAKONA O PLAĆAMA I NAKNADAMA ČLANOVA ORGANA UPRAVLJANJA I DRUGIH ORGANA INSTITUCIJA KANTONA SARAJEVO, KANTONALNIH JAVNIH PREDUZEĆA I JAVNIH USTANOVA ČIJI JE OSNIVAČ KANTON Sarajevo

Nacrt zakona dobili ste uz poziv za ovu sjednicu. Molim predstavnika Predlagača da podnese uvodne napomene. Izvolite ministre Nenadić.

Ministar Mario Nenadić: UVODNO IZLAGANJE

Predsjedateljica:

Hvala lijepo ministre Nenadiću. Da li predstavnici radnih tijela žele riječ? Ne. Ima li pitanja? Nema. Otvaram raspravu.

Poslanik/zastupnik Rasim Lakota:

Hvala na datoj riječi. Poštovana predsjedavajuća, kolege zastupnici, članovi Vlade, stručne službe, poštovani građani Kantona Sarajevo, dame i gospodo. Sve vas skupa pozdravljam i dozvolite da iznesem svoj stav i nekoliko komentara na prezentirani tekst Zakona o platama i naknadama članova organa upravljanja i drugih organa i institucija Kantona Sarajevo, kantonalnih javnih preduzeća i JU čiji je osnivač Kanton Sarajevo. Prije svega želim da čestitam premijeru Konakoviću, resornom ministru pravde i uprave gđinu Mariju Nenadiću i čitavoj Vladi Kantona Sarajevo na odlučnosti jer ovaj Zakon svi već dugo najavljujemo i očekujemo. Radi se o vrlo hrabrom i reklo bi se reformskom potezu Vlade koja predlaganjem ovog zakona ide još jedan korak naprijed u našim zajedničkim opredjeljenjima da se smanji javna potrošnja, da se rastereti budžet i da se javni sektor u konačnici oslobodi korupcije. Sigurno je da je ovo samo jedna u nizu aktivnosti koje provodi i Vlada i Skupština Kantona nakon uvođenja moratorija na zapošljavanje u javnom

sektoru što je već dalo značajne rezultate. Svi mi koji pratimo stanje u oblasti plata javnih dužnosnika a koji rade na pozicijama koja su ovim novim zakonom obuhvaćeni znaju znamo da se u jednom dijelu radi o velikim i ne zarađenim platama što znatno opterećuje budžet Kantona Sarajevo. Prethodnih dana o tome smo imali priliku čitati iz službenih informacija i medija. Plate od četiri, pet pa čak i od 9000 KM potpuno su neprihvatljive za vrijeme i uslove u kojem živimo i radimo. Dobro je što je ovim zakonom u odnosu na raniji proširena lista osoba na koje se ovo ograničenje odnosi. Zakon se odnosi na pravne subjekte koje je osnovao Kanton Sarajevo a koje vrše javna ovlaštenja i koji imaju svojstvo pravnog lica. Tj na kantonalna javna preduzeća i javne ustanove organa upravljanja, organi rukovođenja, organe nadzora i druge organe. Znači, ako sam dobro shvatio, Zakon se odnosi i na upravne odbore, nadzorne odbore i uprave, direktore i zamjenike direktora, izvršne direktore, organe utvrđene osnivačkim aktima i opštim aktom institucije, skupštinu, nadzorni odbore, uprave, odbore za reviziju, školske odbore i druge organe osnovane osnivačkim aktima i statutom javnog preduzeća. Vjerujem da će se ovim zakonom doći do značajnih ušteda u budžetu Kantona Sarajevo koji će se moći koristiti za sistemska rješavanja drugih prioriteta kojih u kantonu ima puno a prije svega makar se tome nadam na odgovarajuće razvojne projekte. Ovaj Zakon predviđa limite do najviše tri prosječne plaće u FBIH, za direktora, za zamjenike direktora, izvršne direktore. Zatim, najviše do 50% prosječne neto plate za predsjednike Skupština, upravni i nadzornih odbora i drugih organa, te najviše do 40% jedne prosječne neto plate za članove tih odbora. Po mom mišljenju zakonom predviđeno ograničenja nisu uopšte drastična nego su sasvim primjerena situaciji u kojoj živimo a posebno ako ta ograničenja uporedimo sa nekim parametrima kao što su na primjer prosječna plata u FBIH, koja iznosi oko 800 KM u zadnjim mjesecima. Također i plata premijera i ministra u kantonu su ispod ovih limita. Ponavljam, ograničenja koja Zakon predviđa nisu ni slučajno prevelika jer ustvari i pogađaju samo one koji su do sada imali enormno velika primanja i to primanje iz budžeta a nikako one koji su primali umjerene i prihvatljive nadoknade za svoj rad koji se ovim zakonom neće dirati. Dodatno vidim da je predlagrač dao i određene prijedloge mogućeg povećanja plaća tj. Stimulacija u slučaju smanjenja negativnog poslovanja, odnosno pozitivnog poslovanja preduzeća u odnosu na zatečeno stanje. S druge strane, postoji zaštita od samovolje, jer odluku o povećanju platu donosi Skupština preduzeća odnosno UO uz saglasnost Vlade Kantona Sarajevo. Podržavam i proširene kaznene sankcije za prekršioce zakona, ali ovim putem tražim da se pooštri i kontrola primjene zakona kako se ne bi na različite načine, kako je to bivalo u prošlosti isti kršio i njegove odredbe zloupotrebljavale. Za kraj, želim reći da je Zakon kratak, ciljan, a prije svega vrlo jasan i konkretan. Da je potpuno u skladu sa postojećim politikama vladajućih političkih partija i iz tih razloga ja lično i zastupnici Kluba SBB-a ćemo podržati ovakav Zakon. Hvala vam.

Poslanik/zastupnik Predrag Kojović:

Vi ćete oprostiti predsjedavajuća što sam ja osjetljiv na svoje prezime i uvijek kada čujem Kojević i kada vidim da sam samo jedno slovo od ratnog zločinca onda me uvijek presječe, tako da insistiram na onom.

Predsjedateljica:

Oprostite, uvijek me upozorite, možda sam progutala to.

Poslanik/zastupnik Predrag Kojović:

Ja prvo, drago mi je čini mi se da postoji podrška i podržavamo i odluku Vlade da krene u regulisanje ovih plata u ovim preduzećima i drago mi je da čini mi se u Skupštini postoji neka prećutna saglasnost da će ovaj Zakon proći i ja se nadam da će isto tako raspoloženje se nastaviti i kada dođe sljedeća tačka dnevnog reda a koja će se ticati primanja poslanika u ovoj Skupštini. Ono što sam ja htio kako bih rekao kao jednu malu konceptualnu zamjerku za ovaj Zakon iznesem je sljedeće: meni je žao što mi za računanje ovih plata uzimamo nešto što je prosjek plaća u FBIH. Naime, kada imate ekonomiju u kojoj više ljudi radi u državnoj administraciji nego u realnom sektoru, i situaciju u kojoj su plate u državnoj administraciji daleko više od onih u realnom sektoru onda se stvara jedan kako bih rekao efekat koji je vrlo po meni socijalno nepravedan. Naime visoke plate u državnoj administraciji stvaraju visoki prosjek plata koji se onda opet koristi za određivanje

plata u administraciji. A recimo sada imamo priliku zahvaljujući novom zakonu o radu da uzmemo za osnov svih naših plata, svih primanja pa i socijalnih davanja kao što i jeste slučaj najnižu platu u FBiH koju jednom godišnje određuje Vlada FBiH i onda bi ste imali jednu realnu sliku pa bi smo vidjeli koliko desetina puta više neko dobija odnosno ima viša primanja od najniže plate itd. Bojim se da ovom situacijom u kojoj mi u Sarajevu imamo puno državnih institucija i rezultat toga je da prosjek plata u Kantonu Sarajevo već nekoliko godina negdje oko 1200 KM a da je prvi sljedeći Kanton po svom prosjeku, recimo TK sa otprilike 730 KM do 750 KM. To nije dobro za BiH da između Kantona postoje tolike razlike a one su rezultat činjenice da su u Sarajevu locirani najveći broj državnih organa, i najveći broj ljudi iz države administracije. I onda sada imamo sljedeću stvar: prosjek plate u Sarajevu je 1200 KM pa kažemo direktor ima dvije prosječne plate to je znači 2400 KM a u Tuzli po ovom istom zakonu direktor, gdje je prosječna plata 750 KM, sada ima 1500 KM. Hoću da kažem, uvijek smo se zalagali i to ćemo nastaviti nadam se raditi da se za osnovo utvrđivanja uzimaju plaće u realnom sektoru. A dok ne budemo imali mehanizme da utvrđujemo kolike su zaista prosječne plate u realnom sektoru možda bi se trebalo razmisliti o tome da se kao osnov za utvrđivanje plata uzima najniža plata koju jednom godišnje utvrđuje Vlada FBiH. Hvala.

Poslanik/zastupnik Mirsad Pindžo:

Zahvaljujem uvažena predsjedavajuća. Pozdravljam sve prisutne u Sali, kao i one koji prate rad današnje sjednice Skupštine Kantona Sarajevo prate putem malih ekrana. Jedan mali komentar na prethodna izlaganja. Ja vas molim skratite tu priču, bitan reformski, od vas je život počeo, reforme, a onda dalje u izlaganju govorite da je ovaj malo bolji, nisu reforme i donošenja ovakvih zakona počeli jučer novom koalicijom nego 2013 je donesen ovaj Zakon. Nakon toga kada su uočene ove nepravilnosti, u prethodnom sazivu zadužena Vlada Kantona Sarajevo da upravo pripremi ovaj Zakon, al eto nije ga pripremila, pripremila je ova i ja joj čestitam. Prije svega premijeru Konakoviću na političkoj hrabrosti da izađe u javnost sa primanjima bezobrazno visokim, funkcionera koje je postavila njegova stranka po odlukama organa upravnih odbora ljudi koji su također iz njegove stranke. I to je jeste politička hrabrost i ja mu na tome čestitam ali bih više volio da smo danas imali informaciju da je neko od tih ljudi koji su imali bezobrazno visoke plaće sebi dali da je neko i smijenjen da ima i sankciju zbog toga. Čitajući reformsku agendu vidio sam tamo reforme. Možda ja u toj reformskoj agendi nisam pročitao da Vlada osim promocije treba konkretno i djelovati, možda ja nisam dobro vidio ona sitna slova. A sada idem na ovaj nacrt zakona. Ja ću iznijeti nekoliko razmišljanja kako mi mislimo da bi ovaj Zakon mogao biti još bolji, u fazi javne rasprave da se popravi i da dobijemo što kvalitetniji Zakon.

U članu 2 smatramo da nema nikakve potrebe nabrajati sve ove institucije fondove, agencije, zavode i ostale na koje se odnosi jer ćemo sigurno neke zaboraviti. A drugo iz tehničkih razloga, sutra možemo formirati neku drugu agenciju ili neki zavod ili neku instituciju pa neće biti obuhvaćena ovim zakonom. Sasvim je dovoljno nabrojati koji su to nazivi agencije, zavodi ustanove, direkcije i završena priča, na sve se odnosi.

U članu 3. gdje stoji javna preduzeća predlažemo da se on proširi da se tu dodaju i preduzeća u kojima Kanton Sarajevo ima preko 51% vlasništva, privredna društva koja nisu ovim obuhvaćena ako Kanton Sarajevo ima takvih preduzeća, a ja mislim da ima, i obzirom da ima kontrolni paket i može upravljati i ti direktori i ti uprave i NO trebaju biti obuhvaćeni ovih zakonom jer je većinski vlasnik Kanton Sarajevo. I mislim da bi to trebalo korigovati.

Kada su u pitanju visine primanja, iz ovoga što smo dobili danas kao prilog ovom materijalu vidimo da se i prethodni Zakon kršio. Prethodni Zakon je rekao da su tri prosječne plate za direktore, pogledate cifre pa ćete vidjeti da je kršen. I poboljšanje u ovom zakonu je stimulacija 30% za godinu dana u odnosu na rezultate prethodne godine. Šta je do sada bilo? NO sjedne i odmah direktoru kaže 30% veća plata i sve četiri godine on ima 30% veću platu bez obzira na rezultate koje postiže. Naravno ovdje ne generaliziram. Ima i poštenih i časnih ljudi i u tim nadzornim odborima i upravama nego govorim pojedinačne slučajeve. I zato sam i rekao da bih volio da je Vlada naložila tim NO i upravnim odborima da te ljude koji su pojedinci bezobrazno sebi davali visoka primanja da su ih smijenili, ali nisu. Nije isto upravljati preduzećem koje ima stotinu uposlenih i godišnji promet recimo 300.000 KM. Ili imate takvih 10 uposlenih 300.000 KM. Ili preduzećem koje ima 1300 uposlenih i 100 miliona prihoda. Gdje ima preko 20 miliona javnih

nabavki. Ja sada govorim o primanjima i uprava i NO, koji upravljaju i donose odluke. Ja smatram da bi se morala postići neka gradacija kada su u pitanju. To se isto odnosi na JU, nije isto voditi ustanovu sa 500 zaposlenih, sa ogromnim problemima ili lijepu ustanovu u kojoj je milina biti direktor, 20 ljudi i nikakvih problema na budžetu. Ja smatram da Vlada mora naći mehanizme da gradira ta primanja u skladu sa obimom posla i odgovornosti koje ti rade u tim institucijama i preduzećima. To se odnosi na UO, NO ali i direktore JP. Također Skupštine preduzeća, bezobrazno je primiti 50% svaki mjesec prosječne plate u FBiH za Skupštine preduzeća kada godišnje znamo da se moraju sastati dva puta. To je ono što moraju. U prethodnoj odluci Vlade je stajalo da će imati primanja po održanoj sjednici pa su ljudi svaki mjesec zakazivali da popiju kafu da bi primili naknadu bez ikakvog posla i bez ikakvog efekta. Zato još jedan u nizu argumenata da se gleda šta ko radi, koje su mu odgovornosti i kolika je i obim posla i odgovornosti i da se u skladu s tim nađu mehanizmi da se rad i odgovornosti plati a da se naravno u skladu sa onim koliko se radi i koliko se odgovara. Naravno imaju i one kazne koje će na kraju doći za nerad. Menadžerski ugovor, na njemu dugo pričali, smatram da se u ovom zakonu treba precizirati da sve ono što nije propisano zakonom o radu i ovim zakonom i kolektivnim ugovorom koji će biti propisan ne može biti predmetom ugovora o radu između direktora, izvršnih direktora i NO. znam što to govorim jer u tim menadžerskim ugovorima je bilo mnogo stvari za koje ljudi nisu ni znali pa ako nekome propišete i ugovorite da ima pravo životno osiguranje godišnje 20 ili 30 hiljada maraka a koje naravno na kraju četiri godine povuče nazad pa onda nije plata 3000 nego je plata 7000. i ja smatram da treba to u zakonu jasnije precizirati da samo ono što je predviđeno zakonom o radu kolektivnim ugovorom i ovim zakonom može stajati u ugovorima sa direktorima JU i JP i time ćemo izbjeći da se bilo šta drugo ubaca što nije predmet ni ovog zakona, a ničim drugim nije ni zabranjeno pa mu ne možete ni reći da je nezakonito. Ima jedan u članu 9 tačka 4 ja predlažem da se on potpuno briše jer po meni je nepojmljivo da možemo imati direktore u javnom sektoru koji su direktori ili uposlenici na dva mjesta. To je neshvatljivo, apsolutno neprimjereno, da neko može zaposlen u jednoj instituciji ili ustanovi ili preduzeću a biti direktor istovremeno u drugoj. Ili biti u penziji pa primati i penziju zarađenu ili ne zarađenu nije bitno, po zakonu je stečena i imati direktorsku plaću. Jer ako nemate obavezu prijavljivanja u radni odnos onda to možete uraditi. Ako imate obavezu prijavljivanja onda morate zalediti penziju pa ne možete primati po dva osnova. U situaciji kada imamo hiljade mladih obrazovanih ljudi na biroima umjesto da ljude uposlamo i da im damo poziciju i priliku mi ćemo zapošljavati one koji ni po kakvom osnovu ne bi trebali da rade te poslove jer je neshvatljivo da ljude koji su zaradili svoju penziju ponovo imenujemo na određene pozicije ili da rade u jednoj ustanovi ili preduzeću a primaju platu u drugoj i nisu prijavljeni. Koja je njihova odgovornost za vođenje tog preduzeća? Koji je njihov motiv da doprinose radu tog preduzeća? Nikakav. Samo da uzmu malo para dok je tu i ništa drugo. I na kraju kaznene odredbe. Ja predlažem da, naravno ja se slažem sa ovim propisanim, odnosno predloženim kaznama. Ali razmišljanje za prekršaj iz ovog zakona kaznit će se pravno lice. Znači opet javni sektor, preduzeće ili ustanova, i kaznit će se 30.000 KM, od 10 do 30.000 KM: i koga ćemo oštetiti? Pa oštetiti ćemo državu, oštetiti ćemo građane. Ova druga, za odgovorna lica da. Ali ja predlažem da se propiše druga kazna. Svako onaj ko prekrši ovaj Zakon da mora snositi sankciju i da će biti smijenjen. To je prava sankcija da ljudi znaju da to ne mogu raditi jer neće im se dozvoliti da će ih vlast smijeniti ukoliko prekrši ove zakone. Jer i kada plati pojedinačnu kaznu opet će je naplatiti iz preduzeća na druge načine, znamo mi kako se to radi. Nemojte sada da pričamo o detaljima kako to naši, naravno opet kažem pojedini premoštavaju takvu situaciju kada se kazne njih, na koji način izvuku pare da bi platili tu kaznu. Ali ako kažete da prekrši Zakon pored ovih novčanih kazni da će biti i smijenjen onda će malo drugačije će se rezonovati. Ja se nadam da su ovo korisne informacije i prijedlozi i da će ih Vlada uzeti u razmatranje i što se tiče nacрта Zakona Klub zastupnika DF-a podržat će ovaj Zakon, i uputiti ga zajedno sa ostalim kolegama uputiti ga u javnu raspravu uz želju da Vlada neće stenogram sa današnje sjednice, kao javna rasprava zaboraviti ko prilikom razmatranja nekih drugih zakona, nego da će sa ozbiljnošću shvatiti i razmotriti naše prijedloge i ono što budu smatrali da je dobro, ugraditi u prijedlog zakona a ono što budu smatrali da nije obrazložiti zašto odbijaju. Hvala lijepo.

Poslanik/zastupnik Semir Halilović:

Hvala lijepo. Ovo je prije svega moralno pitanje, ne baš toliko ni ekonomsko. Samo mala digresija ja bih vas zamolio da u buduće nekako uvedete red na Skupštini. Ovo sve više liči na kafanu, ovo dobacivanje, ulasci izlasci, ova dernjava iz hodnika. Ne znam da li postoji neka vrsta sankcionisanja za ovo ponašanje.

Predsjedavajuća:

Naravno to smo već ranije rekli pa sada je stvar i kućnog odgoja, ja ne ulazim u te detalje.

Poslanik/zastupnik Semir Halilović:

Da se vratim na tačku. Ovo je prije svega moralno pitanje. Pitanje da li ovakva primanja mogu biti u ovakvoj ekonomskoj situaciji u BIH i u ovakvoj ekonomskoj situaciji u kojoj se nalazi i Kanton Sarajevo u BIH. Plate jesu velike i naravno treba ih srezati. One ne bi bile velike da su ovi ljudi na čelu ovih institucija uradili posao. Ove plate niko ne bi ni primijetio. To je sitan novac u odnosu da su te institucije poslovale uspješno. Da su one u Kanton ulile novac, 100 hiljada maraka, milione maraka, ove plate se ne bi ni primijetile. Međutim, ovdje imate dvije nesreće, imate ogromne gubitke i imate i velike plate. I ne zna se šta je gore. Kada je u pitanju nekoliko članova, ja sugerišem resornom ministru i Vladi Kantona Sarajevo da obrade pažnju na nekoliko članova, ja ću i amandmansi djelovati. Dakle, mislim da je problematično nekoliko članova ovoga prijedloga zakona.

Prije svega član 14 u kojem Vlada Kantona Sarajevo može odrediti visinu naknade za UO institucije, JU, predsjednika Skupštine i članova Skupštine preduzeća. Mislim da to treba propisati zakonom. Dakle da se ne prepušta ni jednoj Vladi ni ovoj ni narednoj svakoj koja dođe da može paušalno odrediti onoliko koliko smatra određeno preduzeće određeno JU itd. Nego da je to zakonski uređeno 30% od plate, 40% od plate itd. Znači da je precizno jer Zakon podrazumijeva da stvari moraju biti precizno regulisane, ako nisu onda se dopušta ovo što imao često u nekim segmentima.

Naredni član je član 18. kažnjavanje. O tome je sada Mirsad Pindžo govorio. Ne može biti veća kazna za pravno lice nego za odgovorno lice u pravnom licu. Dakle kažnjavamo sami sebe. Kazna može biti samo za odgovorno lice u pravnom licu i ona mora biti puno veća. Jer pazite, ako neko je u stanju da potpiše ugovor u kojem će sebi dodijeliti mjesečnu platu od 10.000 KM njemu je ništa da isplati tu kaznu i da ostatak inkasira u svoj džep. Dakle tu se sankcionisanje mora obrnuti. Pravno lice se po meni ne treba sankcionisati jer je to greška. Kažnjava Skupština samu sebe. Kažnjava Kanton sam sebe. Nego se kažnjava odgovorno lice u pravnom licu i kazna mora biti drastičnija. I ekonomski ili smjena.

Kada je u pitanju član 15 stimulacija i destimulacija. E sada ovdje opet taj član koji je ostavljen malo da diše. Opet se precizno mora ovdje ustanoviti da li se, ovdje se opet ostavlja Vladi Kantona Sarajevo opet kažem, ovoj, narednoj itd. Da određeno lice mogu smatrati uspješnim odnosno neuspješnim i ostavlja se prostor za nagrađivanje odnosno za kažnjavanje. Opet kažem Zakon bi trebao biti krajnje precizan da se tačno kaže pod kojim uslovima i koliko je stimulacije i pod kojim uslovima i koliko je destimulacija. Tako dobijamo pravi Zakon. Tako dobijamo prave efekte da se opet za dva tri mjeseca ovdje ne bakčemo s nekim direktorima ili čelnicima JU koji su našli prostor u zakonu da ga zloupotrijebe. Ovo su sugestije. Ovo je dobar iskorak. A ovo su sugestije samo da bi ovaj Zakon bio potpuniji. Eto toliko s moje strane. Hvala lijepo.

Poslanik/zastupnik Segmedina Srna Bajramović:

Zahvaljujem još jednom uvažena predsjedavajuća. Pa evo. Smatram da nacrt zakona o plaćama i naknadama članova organa upravljanja i drugih organa i institucija Kantona Sarajevo, kantonalnih JP i JU čiji je osnivač Kanton Sarajevo predstavlja zapravo sistemski Zakon kojim se konačno stvaraju pretpostavke za uvođenje reda u poslovanje onih za koje je politika direktno odgovorna zbog činjenice da istima direktno upravlja prevashodno kroz kadrovsku politiku. Na žalost godinama se radilo o otuđenim segmentima sistema koji za svoj rad ili većinom nerad nisu odgovarali nikome a imali su potpuno vansistemsku autonomiju u odražavanju naslijeđenog sistema neadekvatnih naknada i plata bez ikakvog mehanizma vertikalne ili horizontalne odgovornosti. Činjenica kako se veliki broj JP Kantona danas nalazi u stanju kakvom jeste, upravo zbog

prethodno navedenog, a i objektivnoj realnosti kako su godinama imenovani ljudi zbog potentnosti tih firmi za sve i svašta imali daleko veću realnu moć od onih koji su ih postavljali i nadzirali. Želim jasno ovdje istaći kako postoje odgovorni izuzeci, neki od njih su i danas ovdje s nama ali ih je nažalost, svi smo svjesni bilo premalo. U smislu nuđenja rješenja Zakon definiše osnovne principe kojim će se uspostaviti kakva takva piramida odgovornosti utemeljena na izvornim sistemskim nadležnostima. Međutim, jasno je ovdje da se ne radi o zakonu koji će onima u teškoj situaciji išta pomoći, ali će barem biti osnova za sprječavanje daljeg poslovnog urušavanja subjekata bez mehanizma kontrole na nedefinirani period kojem smo godinama svjedočili. Ostaje dilema kada je u pitanju Zakon i to je ono o čemu Vlada treba dati konačnu riječ; da li je normativni okvir smanjenje plata do 30% lošem menadžmentu adekvatan sistemski odgovor. Moje lično mišljenje da nije u interesu vlasnika ili osnivača da utvrđenu odgovornost menadžmenta za loše poslovanje preduzeća zakonski sankcioniše isključivo destimulacijom, tj smanjenjem plate, nego i instrumentom smjene. Naravno, ovdje želim jasno reći kako je proces razmatranja izvještaja o radu upravo od strane Vlade onaj trenutak kada se na osnovu ekonomskih parametara utvrđuje njihova uspješnost ili neuspješnost i pokreću mjere destimulacije i smjene po mehanizmu utvrđenom ovim zakonom. Navedeno prema mom mišljenju, predstavlja u svakom slučaju adekvatan obuhvatni period poslovnih aktivnosti koji daje relevantnu sliku za donošenje odluke o statusu menadžmenta i odgovarajućim mjerama. Također, smatram da bi nam svima bilo u interesu da u menadžerskim ugovorima imamo jasno definisanu odgovornost koja za sobom nosi mogućnost raskida ugovora zbog neostvarenih rezultata kao i jasno iskazane stimulativne mjere za one koji ostvare rezultate iznad utvrđenih, kako bi smo preduprijedili bilo kakve sudske postupke, u slučaju drugačijeg pogleda Vlade i menadžmenta na određene poslovne rezultate. Toliko. Zahvaljujem.

Poslanik/zastupnik Edin Forto:

Hvala vam. Ja ću skratiti svoju diskusiju jer su nekoliko poslanika i poslanica su već govorili o ovoj temi. Radi se naravno o načinu na koji ovaj Zakon predviđa stimulacije i destimulacije direktora firmi. Kao neko ko dolazi iz privatnog sektora i neko ko je potpisivao i imao ovakve ugovore, volio bih da ova Vlada razmotri neke preciznije mehanizme, posebno kada se radi o onome što su oni nazvali u ovom zakonu zatečeno stanje. Direktor koji dođe u neku firmu imat će zatečeno stanje jednom, već sljedeće godine, a imat će višegodišnji mandat, to više nije zatečeno stanje to je njegovo stanje. Znači u privatnom sektoru, a postoje razni modeli i u finansijskim i u drugim privatnim firmama. Način na koje se ovo može puno bolje precizirati, najčešće se to veže za poslovni plan. Poslovni plan jedne firme može planirati gubitak koji će biti mnogo manji od nekog gubitka koji je moguć. Znači u skladu sa poslovnim planom ili neki drugi model koji će biti puno bolje preciziran jer moramo priznati neke od ovih firmi su u tako teškom položaju, vrlo teško ćemo naći vrhunske menadžere da isprave ove brodove koji tonu. Mi moramo imati vrlo, vrlo precizan način na koji ćemo stimulisati prave ljude da dođu i da povedu ove firme u neko bolje poslovanje. Hvala.

Poslanik/zastupnik Zvonko Marić:

Još jednom zahvaljujem predsjedavajuća. Dakle, manje više svi zastupnici su poprilično konstruktivni vezano za ovaj Zakon., ali moram kazati par napomena da naprosto ovaj Zakon je trebalo daleko, daleko ranije donijeti s obzirom na teške posljedice koje je donio i kantonu Sarajevo i preduzećima i agencijama o kojima se radi. Ja čestitam na ovoj inicijativi i ministru Nenadiću i premijeru Konakoviću i tim prije evo isticana je njegova hrabrost da iznese neke podatke ali moram reći da su novinari izvještavajući o ovakvim stvarima govorili i prije 15 godina. I ovo je možda neka vrsta njihove satisfakcije što je zvanično premijer potvrdio negativnosti i nadam se da neće imati problema kako je i sam jednom istakao da se njegov reformski kurs neće dopasti nekim centrima moći. Citiram dakle njegovu izjavu i sasvim sigurno da je to potvrda da su u tom životu zapravo političko – ekonomskom u neku ruku statirala i Skupština ali i Vlada. Ja im čestitam na ovome i smatram da je ovo jedan od najvažnijih zakona kojim se trebamo svi pozabaviti i raduje me ova energija s kojom je raspravljano o ovom zakonu. Međutim nekoliko ima apsurdna ovdje ili manjkavosti koja se odnosi na sankcioniranje direktora koji su zloupotrebljavali svoje položaje i

upravljačke strukture. Pazite jednu stvar, ako nema odgovornosti za njih, nego je samo smjena ta sankcija, onda je to zaista začuđujuće i apsurdno iz prostog razloga što će novi direktor doći i u neku ruku biti diskriminar jer neće moći da radi ono što je radio njegov prethodnik. I to je sve ono što je posljedica. Jel tako? Međutim ja apeliram, insistiram da se u ovaj Zakon ugrade jasni mehanizmi da neko ko je činio prijestup i kršio zakone i na neki način oštetio i agencije i javna poduzeća itd. i razorio taj život, da ne govorimo o onom najcrnjem i najtamnijem segmentu javnih nabavki na koje upravljačke strukture utječu, da mora odgovarati a ne ovakve kazne za ta poduzeća. Opet kažnjavamo kao što već neko reče sami sebi. Neka snosi odgovornost, jer u opisu njegovog radnog mjesta kao direktora, kao menadžera, kao upravljačke strukture, stoji i određena odgovornost. Treba riješiti uzroke. Ovo su posljedice teških uzroka a te uzroke ukoliko ne riješimo, ne možemo naravno raspravljati o budućim rješenjima za ovakve stvari. Zato smatram da je dobro da smo raspravljali ne ovaj način a ima još nekoliko faza do konačnog usvajanja ovoga zakona i sasvim sigurno da se ne bi ponavljao, i da ne bi ponavljao ono što su već kolege istakle ovdje, ima svijetlih primjera i u javnim poduzećima, ali na žalost jako mali je broj njih. A ono što bih želio da istaknem je tu stvar da konkretno mi moramo biti svjesni da su zapravo mislim u proteklom periodu male bile mogućnosti za stimulaciju javnih preduzeća budući da su to sve gubitaši. Mislim da će i dugo vremena proteći dok se ne saniraju te posljedice da se predlažu i budući menadžeri za stimulacije. Dakle sankcije su ključ problema i mislim da se trebaju tu iznaći mogućnosti za sankcije i mehanizmi za to i svakako na kraju još da kažem i još jednu veoma važnu stvar, kontrolni organi. Kontrolni organi provedbe ovog zakona od kojeg se svakako očekuje jako puno. Hvala vam lijepo.

Poslanik/zastupnik Amel Mekić:

Evo još jednom se javljam, pa gledajte ja sam zatečen. Ja se sramim i Boga i građana evo kada sam vidio kolike su neke plate dobijali za devet mjeseci. Evo izdvojio bih par; Čemalović Omer, JU Psihijatrijska bolnica, plata 4.157,00 KM. Na osnovu plate uzeo 37. 400,00. prihod od povremene samostalne djelatnosti 59.000 i nešto a prihod od drugih samostalnih djelatnosti preko 107.000,00 KM. Fakultet za saobraćaj i komunikacije Sarajevo; Čaušević Samir, plata mjesečna 7.325,00. na osnovu plaće 65.929 KM. Prihodi od povremen samostalne djelatnosti 58.398,00 KM. To je preko 131.000,00 KM. Uposlenih 32. mene srce boli i duša. Premijeru držimo vam fige i dajemo vam pune ovlasti i snagu da ako Bog da ovo iščistite. Mene šta zanima, pa ko je sjedio u tim UO kada je trebalo ovo sve na kraju da se potpiše? Da im se potpiše i da izvještaj? I kolike su dobijali naknade? Eto toliko od mene. Hvala.

Poslanik/zastupnik Slaviša Šućur:

Zahvaljujem predsjedavajuća. Moji prethodnici su iznijeli već dosta stvari, dakle dosta nas razmišlja na isti ili sličan način. Mislim da je ovo dobar korak ali ovo je samo jedan od zakona koji bi ustvari trebao da bude dio jednog paketa da u potpunosti uredi ovu oblast. On je napravio taj korak što je zaista kada pogledamo ovdje raspon plata, i ustanove i njihove odgovornosti složenost poslova bio do sada u potpunosti nelogičan. I na kraju i ta neka visina, govorimo o ciframa koje su neprimjerene u okruženju. Mislim da dobijamo jedan drugi problem da dobijamo jednu uravnilovku koja može djelovati destimulativno. Ako pogledamo ove ustanove, ne samo broj zaposlenih nego ako pogledamo prirodu posla koju oni obavljaju vidjet ćemo da tu zaista postoje ogromne razlike. Imate ustanove koje imaju relativno jednostavnu djelatnost poput apoteka. To je klasičan trgovina, puno toga je uređeno. Imaju čak jednu vrstu prirodnog monopola. Imate s druge strane, komunalno preduzeće rad ili Klinički centar gdje je složenost poslova neuporedivo veća. I mislim da je to nešto naravno niko ne očekuje u jednom koraku da se sve riješi. Ali o čemu treba razmišljati ako tražimo zaista dugoročno i pravedno rješenje problema. Druga stvar, po meni, o kojoj treba povesti računa, to jeste ostaje malo nedefinisano ovo ocjenjivanje uspješnosti ili neuspješnosti. Jedan od vrlo bitnih principa ako radite ozbiljnu analizu rezultata rada jeste mjerljivost. I nešto što sam uočio kao čovjek koji je jako dugo i u Federalnom parlamentu, a to je da ustvari država jako loše definiše zadatke ljudima koji upravljaju državnom imovinom i državnim poslovnima. Dakle, ne postoje jasno

precizirani ciljevi i uvijek imate problem s tim kako da zaista vrjednuj nečiji rad. U svijetu kada birate menadžera neke firme on dođe sa programom i kaže šta su njegovi ciljevi i šta su rezultati koje on obeća. I vi na osnovu toga mjerite je li on uspješan ili nije uspješan menadžer, mjeri se unutar neke branše. Mi ovdje imamo prazan prostor i mogućnost ne kažem da Vlada može imati namjeru da radi bilo kakvu manipulaciju ali ostaje nešto što uvijek ostaje neka siva zova i prostor za neku sumnju. Mislim da bi bilo dobro, da Vlada za sve ove institucije u buduće na neki način u okviru planova rada, tih institucija traži da se ti planovi rada rade na mnogo precizniji način sa više mjerljivih elemenata i da na osnovu toga zaista imamo vrlo jasne kriterije. Nemamo ništa protiv da Vlada čak utvrđuje, evo da kažem nekakve različite, razrede u odnosu na složenost poslova koju obavljaju institucije, da ima tu diskreciju. Dok god je to transparentno i javno. Ovdje su ljudi šokirani jer zaista nije bilo mogućnosti da vi dođete do svih ovih podataka i da vidite da je direktor neke male institucije koja ima potpuno monopolski položaj koja je potpuno na budžetu, ima neuporedivo veću platu od nekoga ko se bori sa velikim realnim problemima i nalazi se dijelom ili u potpunosti čak na nekoj vrsti tržišta. Dakle, dobar prvi korak. Mislim da se u okviru ovog zakona može nešto od ovih stvari doraditi i popraviti ali smatram da treba nastaviti. Da treba uraditi čitav jedan set zakona koji bi ovo zaista doveo ovu cijelu priču do dobrog uspješnog kraja. Hvala.

Predsjedateljica:

Hvala lijepo. Zatvaram raspravu. Gospodin ministar Nenadić.

Ministar Mario Nenadić:

Poštovana gospodo, evo ja sam sada ustvari ohrabren i sada mogu ponoviti ono što sam rekao na početku, jeste ovo i reformski i hrabar i odlučan potez ove Vlade, jeste hrabrost i premijera i ministara u ovoj Vladi. Ja moram podsjetiti da smo mi u ovoj Skupštini zakletvu položili 24.11. prošle godine i da smo prilično brzo djelovali u smislu onoga što se od nas očekivalo. Veoma sam ohrabren i zahvalan na svim ovim dobro došlim komentarima koje su ovdje danas iznijele sve kolege počevši od kolege Lakote, Pindže, Halilovića, Kojovića, Srne Bajramović, Forte i Marića. Mislim da sve ono što smo čuli stvarno ima osnova i da može naći svoje mjesto već tokom javne rasprave da može ući u tekst zakona koji ćemo pripremati. Ono što je mene, kao nekoga ko sam aktivno sudjelovao u pripremi ovog propisa posebno zainteresiralo jesu vaše izjave i termini koji vezani za nadzor kontrolu mjerljivosti, inspekcije. Evo tu je to negdje oko čega se ova cijela priča vrti. Dakle svi smo zainteresirani da ove procese stavimo pod kontrolu. Ono što je bila prva reakcija na početku gospodin Pindžo je o tome govorio, hrabrost premijera, ja moram s ove govornice stvarno iskazati zahvalnost i moram potvrditi njegovu hrabrost da idemo sa ovim zakonom jer smo ga zajednički gurali. Dapače, ili šta više, mi smo na Vladi zaključili, to ne stoji ovdje u vezi sa ovim zakonom, ali stoji u vezi sa problemom koji rješavamo, da ćemo dati vremena 30 dana da inspekcija rada i budžetska inspekcija obiđe sve ove korisnike i da se utvrdi gdje je bilo negativnosti, gdje je bilo nezaklonosti u odnosu na ono što je prethodi Zakon propisivao. Da vidimo koji su to organi upravljanja ili pojedinci uzeli sebi za pravo da primjenjuju Zakon na način kako to ne piše u postojećem propisu i da se vrata u roku 30 dana sa povratnom informacijom, kako bi Vlada ono što je iz njene nadležnosti reagirala. Ono što nije predložila drugim organima da realiziraju. Dakle ja vam mogu poručiti, mogu vas uvjeriti da će većina vaših komentara koje smo danas ovdje evidentirali o javnoj raspravi za koje smo predložili da bude u roku 15 dana biti ozbiljno razmotrena i vjerujem mnogo od njih uvršteni. Naravno da je ovo kako reče jedan od kolega prvi korak, eto nije prvi ali jeste jedan od prvih koraka ono o čemu smo također razgovarali. A ono što slijedi jeste ići stepenicu niže. Znači sada radimo na gorenje rukovodnom nivou, nakon toga planirali smo pretresti plate i primanja pomoćnika, i svih drugih koji su u lancu upravljanja u javnom sektoru. Tako da budite uvjereni da je ovo prvi korak i da će Vlada na ovom kao i na svim drugim pitanjima ozbiljno raditi. Moram vas upozoriti da je ovo pravno veoma složeno pitanje i da nam nije pravno ovo do kraja jednostavno urediti jer ustvari imamo tu četiri pet propisa koji se međusobno sudaraju ili isprepliću. Zakon o radu, Zakon o plaćama i naknadama u organima vlasti Kantona Sarajevo, Zakon o prekršajima i o naknadama koje nemaju karakter plate, kolektivni ugovor, sve je to dosta uvezano i nije lako ovdje doći do rješenja. Ja ono što ću nastojati i ponavljam, time sam završio ovo prethodno izlaganje, jeste da smo napravili jasan koncizan Zakon i

to je iz današnje rasprave više nego jasno. Ja vam se stvarno zahvaljujem još jednom. I evo uz obećanje da ćemo u narednih petnaest, dvadeset dana ovo o čemu ste vi danas govorili ugraditi u tekst zakona, mislim da ćemo imati jedan kvalitetan proces. Hvala vam još jednom.

Predsjedateljica:

Hvala lijepo ministre Nenadiću. Za riječ se javlja naš uvaženi premijer.

Premijer Elmedin Konaković:

Hvala. Ja da glasam ja nikada vama ne bih smanjio plate ni paušale ni primanja. Zbog ovakvog odnosa i zbog ovoga pristupa raspravi o ovom zakonu i onome što ja stalno ponavljam, želje da mi zaista zajedno uredimo ovo društvo, zbog toga imate priliku i napraviti jednu komparaciju stanja društva u Kantonu Sarajevo. Nama je to bio primarni cilj da se dakle potpuno rasvijetli dosadašnja tabu tema, kolegica Srna je to precizno detektovala onako kao i mi često govorimo, dosadašnjih mogućnosti da neko bude otuđeni centar, ne možemo ga nazvati moći. Ali otuđeni centar svakako možemo i da tamo radi sa javnom imovinom ili sa javnim prihodima ono što tamo nekolicini ljudi padne na pamet. Ta iskustva ova Vlada ima od samog početka rada, ja često govorim o primjeru ZZO u kojem nisam mogao dobiti na telefon ljude koji su dole odgovorni, pa smo jednom prilikom ministar Šabić i ja banuli dole u upravu. Našli te ljude na poslu koji neće da se jave na telefon, službeni zvanični poziv premijeru Vlade Kantona Sarajevo i naravno potpuno nam je jasno zbog čega je to bilo tako. Hoću samo da razbijem te neke političke predrasude, ponovo vagajući. Ovdje nema politika ni zasluga ni hrabrosti neke posebne ni premijera ni pojedinca. Ne mislim da treba da priskrbimo sebi takve epitete. Ima naravno odgovornosti svih političkih subjekata koji su učestvovali do sada, i ako počnete to politički secirati vidjet ćete u ovim platama da ima različitih pripadnika svih političkih partija koji su iskoristili poziciju, prostor, nema Naše stranke, oni nikada nisu bili u vlasti. Možda ima sada predstavnika koji su prelazili ali to će politika. Ja pokušavam zaista što manje da se bavim politikom s ove pozicije iako moram reći neke politički bitne stvari. Ja ću kao član svoje političke partije predlagati unutar organa stranke da se ljudi koji su do sada donosili ovakve odluke nikada više ne imenuju nigdje. Postoji jedan ozbiljan problem zakona i zakonodavstva u kojem ovo što vi od nas tražite je nemoguće sprovesti. Nemoguće je smijeniti čovjeka koji je ovo uradio jer je on to radio u okviru postojećih propisa. Dakle i on i njegovi UO i NO su u okviru postojećih propisa davali prava na enormno visoke plate, na beneficije u menadžerskim ugovorima koji se zovu životna osiguranja koja su oni sebi isplaćivali na račune u stranim osiguravajućim kućama i poput neke uštedevine uzimaju ih na kraju svojih mandata. I to je do sada bilo potpuno zakonito. Naravno nemoralno. Ali je bilo potpuno zakonito. I ja sam se naučio sam potpuno taj proces smjene direktora ponovo na slučaju ZZO. On je toliko komplikovan i mi smo tu demonstrirali ozbiljnost, ova Vlada u procesu koji je trajao duže od dva mjeseca. Da ne napravimo pravni, administrativni mali korak koji bi onda na sudu dobio epilog privremena mjera osiguranja, povratak na mjesto zločina do okončanja sudskog postupka. I onda vam takav direktor ili član uprave ostane na radnom mjestu par godina, e tek tada nema nikakve dodirne tačke s politikama koje kreira ova Skupština i ova Vlada. Ja mislim da mi zajedno još jednom pokazujemo kako je ova Skupština i njen saziv i ova Vlada, njen saziv i u prethodnom i u ovom mandatu, spremna da na pravi način otvori ove prave probleme. Rekao je gospodin Halilović, s tim se slažem, i još je neko rekao, nije ovo neka velika značajna ušteda iako je milionska, po mojoj slobodnoj procjeni, ja sam izanalizirao šta bi značila da svi ovi ljudi dovedu svoje plate u Zakon, a morat će. I naravno shodno tome usaglase plate onih kojima su nadređeni. Jer nelogično je da onda ostave svoje saradnike sa većom platom, ustvari uposlenike većom platom od plate menadžmenta. Tu već govorimo o iznosima koji više stotina hiljada čak i milion KM godišnje prevazilaze. Međutim, to nije suština. Suština je upravo ono što su ustavne nadležnosti ministarstava i prvi zadatak Vlade. Menadžerisanje ovim procesom. Vi ste ponovo danas otvorili dilemu koju i mi imamo naravno da li to zakonom potpuno zakucati i fiksirati. Ja mislim da je bolje da se ostavi ovaj prostor od minus do plus 30%, na taj način resorni ministar i vlada menadžerišu ljudskim resursima na čelima tih ustanova. Pa one koji zaista u toj godini naprave iskorake nagrade, a oni koji ne naprave iskorake, adekvatno sankcionišu. Ovaj proces ima i druge aktivnosti koje Vlada vodi. Dakle mi zagovaramo, to sam rekao, da planove i programe rada ovako kako je govorio kolega Šućur, potpuno je u pravu

da se precizno i jasno dostave Vladi i Skupštini, da se usvajaju u martu a da se u aprilu rade izvještaji. Da se od marta do decembra ove godine izanaliziraju njihova primjena a da se već u ovom programu rada od novembra očekujemo planove i programe rada, a naravno onda pratimo od januara. Dakle to pomjeramo jer smo zaista zatekli to stanje anarhije u kojima, evo znate i sami danas čak analiziramo izvještaje 2013, 2014 godine. Dakle to je ono o čemu govorimo kada mi procijenimo da tamo neki proces ne ide dobro, da se zloupotrebljava funkcija. Mi tada donosimo taj izvještaj jer možemo po zakonu donositi izvještaje i kvartalno i više puta, Skupština Skupštini može podnijeti izvještaj. Također javna ustanova više puta godišnje može podnositi izvještaj kako bi se stekli uslovi ili razlozi za smjenu da nam onda Vlada sama ne može isključivo radi ovih anomalija smjenjivati ljude koji tamo rade. Dakle imate, ovo je potpuno dobra opaska, zato mislim da nismo pogriješili kada smo tražili da ide u malu raspravu, da ona ne bude preduga. Već smo sada čuli sigurno stvari, i kolega Pindžo je u pravu, stenogram s ove sjednice, početak te javne rasprave. Mi ćemo to, dakle na Vladi uzet ćemo stenogram i smatrat ćemo ga početkom i sve ostale stvari koje dobijemo apsolutno ćemo analizirati. Dakle i ovaj dodatak 51% vlasništva od Kantona apsolutno stoji na taj način tamo gdje imamo većine također treba urediti, prihvatamo i tu sugestiju. Prihvatam ja lično sugestiju i o tome ćemo razgovarati, naravno da je opravdano da ne sankcionišemo preduzeće gdje pojedinac već zloupotrebljava to isto preduzeće. Dakle to je apsolutno također opravdana i kolega Halilović i Pindžo su o tome govorili. Dakle još jedna vrlo suvisla primjedba o kojoj mi treba da razmislimo i vjerovatno ćemo onda brisati taj dio u kojem se kažnjava taj pravni subjekt a pojedince koji to zloupotrebljavaju ukoliko ovi drugi propisi dozvole ministar Nenadić je u svom obraćanju zaista zaslužuje Ministarstvo. Mi jedni druge hvalimo sada zaista je Ministarstvo pravde i uprave uradilo u kratkom roku ozbiljan posao pripreme ovog zakona. Dakle i to je apsolutno opravdana sugestija. Dakle tačno je da se kršio postojeći zakona, to je tačno jer i plate koje imate vidite da su pojedinci sebi isplaćivali stimulacije. U zakonu kaže: uz saglasnost ministara. Ja nisam našao još saglasnost ministra komunalne privrede na tim povećanim iznosima. I mi smo već odmah nakon sjednice Vlade uputili inspekciji dopis da odmah napravi posjetu svim JKP, utvrdi ustanovi ko je kršio procedure i po postojećem zakonu sankcioniše odgovorne pojedince. Dakle taj proces se već dešava i to ste dobro detektovali. Ta gradacija, govorio je i kolega Pindžo i većina vas, je nešto što je naš ustvari osnovni zadatak da u okviru startne plate stimulacije 30% i destimulacije 30%, tu se pojavljuje jedan problem. Destimulacija nije predviđena i nije dozvoljena novim zakonom o radu. Nije dozvoljena. Međutim ima jedna istina, mi smo možda generacija političara i funkcionira koji preuzimaju težak zadatak i moramo biti spremni na različita odricanja. Dakle sigurno drugačija nego što su to radili neki ljudi prije nas, kako bi smo popravili ovo stanje. Onaj ko nije spreman da stane na čelo ovakve ustanove, institucije, zavoda, fonda, preduzeća, ne treba to da radi. Neka se nađe u privatnom sektoru za neke bolje novce i neka se ne prihvata posla. Tu ćemo vjerovatno morati praviti posebne aranžmane s tim ljudima koji pristaju biti destimulisani slobodnom voljom jer vjerovatno ćemo imati problem primjene zakona o radu. Kada govorimo o skupštinama mi smo ovdje predvidjeli maksimalne iznose. Dakle mi već uredbom plaćamo skupštine JKP manje od ovoga što zakona predviđa i naravno ne planiramo to povećati. Ovdje kaže 50% prosječne plate mjesečno a mi sada trenutno čini mi se 200 KM plaćamo, to je 25% prosječne plate. I ne kanimo to mijenjati iako se može desiti u tom našem menadžerisanju da se pojavi sposobna grupa ljudi poštenih, odgovornih, spremna ili dokaže nam da su u rokovima od 3 mjeseca u nekom preduzeću drastično počeli popravljati stanje. Mi ćemo zagovarati da resorni ministar stimuliše i tu skupštinu i tog direktora i njegove pomoćnike da oni imaju plate koje će u konačnici ponovo biti veće od plate premijera. Ja ne mislim da plata premijera Kantona treba biti prva. Ovo nije prvi Kanton koji uređuje ovu oblast. Čini mi se USK je već radikalno donio Zakon. Premijer prvi, svi ostali iza i niko ni marku više. Ja ne mislim, ja mislim da ima članova društva akademske zajednice naših ljekara i onih koji rade odgovorne poslove. Ne treba se mjeriti to s mojom ili vašom platom. Treba se mjeriti s opštim stanjem u društvu i sa mogućnošću te ustanove da finansira jednog sposobnog ili nesposobnog budžetskog ili nekog drugog direktora. Dakle, imamo jednu dilemu koju nam je sugerisalo Pravobranilaštvo. Ona je otvorena. U članovima 7, 9, 11 sve tri su alineje 3. se govori o pravima iz kolektivnog ugovora. Mi smo imali dilemu da potpuno brišemo taj stav i tačno tamo ponovo gdje kolega Pindžo vidimo tako je, taj član 4 stav 4, člana 14 jel? Također još jedan koji je vjerovatno potrebno brisati, ali evo ova tri su identična i mi imamo

dilemu i vjerovatno ćemo u toku rasprave brisati ova prava jer naravno ne može imati nikakvim kolektivnim ugovorom niko veća prava nego što mu Zakon dozvoljava. Dakle to je nešto što je naš princip i od toga se sigurno neće odustati zato spustili smo ovakav dokument u nacrt da čujemo još malo eho šireg kruga javnosti. Sada se vraćamo, i ja ću time završiti, dakle jel ovo uravnilovka? Ja mislim da nije i da baš u tim prostorima u kojima mi predviđamo tih 30% za ili protiv se uspostavlja jedan model odgovornosti. I još jedna stvar je bila za nas vrlo bitna. Nekoliko zaista poštenih, odgovornih, sposobnih ljudi je na čelima JU i na čelima JKP i teško je generalizirati da ne povrijedimo one koji savjesno rade svoj posao, međutim ovdje apsolutno nije bilo izbora da ovu temu na ovakav način otvorimo i njima u korist i idu ovakvi prijedlozi zakona. Brzo će se to iščistiti vidjet ćemo ko i kako radi. Ne mislim da time, a opet s druge strane kada bi smo to fiksirali na neke iznose ii kada bi smo išli sa ovim što je kolega Kojović govorio sa nekim manjim polaznim osnovom, da to bude najniža federalna plata bilo bi slično, onda bi smo govorili onda bi smo govorili o nekih sedam najnižih plata, umjesto tri stajalo bi sedam. Mi govorimo o iznosu koji se kreće cca oko 2500 KM za koji u ovom trenutku smatramo da nije ni premalo ni previše na za nekoga ko radi taj ozbiljan i odgovoran posao. Da se kao takav može sankcionisati, da mu plata može biti 1.700 ili 1.800 KM. I da brzo može biti smijenjen. Kao i da se može stimulisati da ima veću platu od premijera, da ima 3200 start u trenucima u kojima počne rješavati naše probleme recimo u Grasu, da počne rješavati probleme u Toplanama, u drugim preduzećima s gubicima. Tada zaslužuje sigurno veću platu od premijera i resornog ministra jer je opis posla zaista težak. Dakle ne mislim da je ovo uravnilovka i da je taj raspon dovoljan da mi menadžerišemo ovim ljudskim kapacitetima i da onda u njihovim planovima i izvještajima pokažemo šta je to što su neke nove vrijednosti. Moram reći svoj lični stav i završavam. Nisam baš oduševljen inicijativama koje dolaze od ljudi iznutra koji bi trebali biti predlagači nekih procesa prema nama, da se predlože neke nove vrijednosti, neke uštede neki novi prihodi. Do sada nismo baš uspjeli u većini slučajeva probuditi taj njihov potencijal. Mislim da ćemo, taj njihov tako je, menadžerski duh, prihvatam tu sugestiju, da pokažu da jesu menadžeri pa da onda na drugi način posmatramo te procese. Mislim da i ova danas rasprava vrlo korisna. Iskoristit ćemo sve što smo čuli i naravno sve što u ostalim slučajevima budete u konsultacijama sa širom javnosti nama delegirali kao moguće poboljšanje ovog zakona, mi svakako prihvatamo. Evo ja sam tu ako neko još. Vidimo sam neke reakcije.

Predsjedateljica:

Hvala lijepo premijeru. Semir Halilović, vi ste se javili.

Poslanik/zastupnik Semir Halilović:

Hvala lijepo. Dakle potpuna podrška ovom zakonu, naravno ovdje ima ovih nekoliko stvari, vi ste u pravu za ovu stimulaciju ili destimulaciju kada se malo bolje pogleda. Iz prostog razloga što teško ćemo mi naći menadžera koji će za 2000 KM riješiti Gras. I kome će biti gotovo glava u torbi od ovih i onih krugova, od ovih i onih lobija. Mi ćemo se suočiti s drugim problemom nakon što usvojimo ovaj Zakon. Mi smo sada bukvalno u stanju elementarne nepogode, jer smo u tolikim finansijskim gubicima u JP i JU da moramo presjeći da kažemo svi su isti, svima je isto. Ali nisu svi istu i ne može biti svima isto, kada bude došlo vrijeme oporavka preduzeća. Jel ovo je sada zaustavljanje da brana više ne curi. A ovaj Zakon je iz prostog razloga najbolji njegov efekat taj što se centralizuje moć. Tačno se zna ko je odgovoran ko koga postavlja, vi ste do sada imali ovo otuđeni centri moći. Više se nije znalo ko koga dovodi, ko koga smjenjuje, ko koga može smijeniti a ko koga ne može smijeniti. I svi su našli mehanizme zapravo da zaustave svoju smjenu i nastave s proizvodnjem gubitaka. Zbog toga je možda ovaj Zakon najvažnije je da će zaustaviti oticanje gubitaka. Odnosno ako se gubici dozvole, tačno će se znati ko mu je to dopustio. Hvala.

Premijer Elmedin Konaković:

Hvala kolega Haliloviću. Ja sam dio toga preskočio, a baš sam na sličan način htio da interpretiram uz još jedan dodatak. Osim ovoga što mi danas govorimo o zakonu mi uspostavljamo model mnogo kvalitetnije kontrole na još nekim procesima. Moratorij o njemu govorimo kao o onom dijelu kontrole budžetskih korisnika on se smanjuje, istovremeno nismo naravno zadovoljni. Novac nam se nije tako smanjio drastično nije se smanjio uopšte jer još uvijek trošimo isto i nešto malo

više na plate zbog ovih specifičnosti novih prijema odlaska u penziju, otpremnina, to bi trebali ove godine riješiti. Na budžetu je to lakše kontrolisati. Imali smo ogroman problem kontrole broja uposlenih u ovom segmentu koji mi ne kontrolišemo. Ako ste primijetili u zadnjoj koloni tamo pored svakog menadžera stoji broj uposlenih. Dakle mi iz Poreske uprave svaki mjesec po zakonu možemo tražiti informacije o platama, primanjima menadžera i broju zaposlenih ljudi kojima se plaća zdravstveno i penziono osiguranje. Dakle pripadajuće obaveze. To je također vrlo ozbiljan sistem kontrole. Mi smo u zadnjem moratoriju i to unaprijedili. Nema više ni ugovora o djelu, ni povremenih ni privremnih poslova bez saglasnosti ministra i Vlade, pošto zaista nosimo već najveću odgovornost, i naravno izloženi smo svakoj vrsti pritiska. To je opis našeg posla i nekada nas i hvale zbog toga. Želja nam je da se upravo centralizira, ne možemo nazvati moć, nego centralizira se kontrola ovih procesa, koju mi onda vrlo transparentno delegiramo ili prezentiramo Skupštini i mislim da to ustvari jeste i najveća pobjeda ove cijele priče jer je ova transparentnost i mogućnost svih 35 izabranih zastupnika voljom građana. To je ta konekcija koju smo mi čini mi se uspostavili. Do sada ne možemo se pohvaliti da je bila prisutna. Hvala.

Poslanik/zastupnik Predrag Kojović:

Zahvaljujem predsjedavajuća. Ja bih samo jednu ispravku krivog navoda premijera i jedan komentar. Zapravo, kolektivnim ugovorima se mogu ugovoriti bolja i povoljnija prava od onih koja su propisana u zakonu. Recimo naš Zakon o radu propisuje minimum ispod kojeg se ne smije ići, a kolektivnim ugovorima vi naravno ako je ta grana industrije u takvoj situaciji može odrediti bolje. Ali to je manje relevantno. Jedna stvar koju smo možda propustili jeste da kada govorimo o ovim platama, da vas podsjetim a znam da kada ste bili poslanik/zastupnik, ne vjerujem da ste sada promijenili mišljenje o tome, jer ste i vi to govorili, postoji u okviru Vlade neka vrsta nelegalnog isplaćivanja viših plata, radi se naravno o Ministarstvu unutrašnjih poslova, za koje i vi i ja znamo da revizorskim izvještaje iz godine u godinu ukazuje na tu nepravilnost jer ministar MUP-a nije uposlenik ministarstva unutrašnjih poslova nego je uposlenik Vlade Kantona Sarajevo i treba da prima platu u skladu sa tim pravilnikom a ne sa onim pravilnikom koji je rezervisan za ljude u policiji koji rade riskantne ili odgovorne poslove i imaju dodatak. S obzirom da stvarno podržavam mog kolegu i s ponosom kažem prijatelja Ismira u ovome što radi, potpuno sam siguran i već sam razgovarao s njim da će se ta greška koja već godinama traje korigovati uskoro. Ovo što ste rekli o najnižoj plaći da bi bilo nekomforno nezgodno s obzirom da bi onda koeficijenti onda bili veliki. Moguće je da bi puno stvari bilo nezgodno. Ali ono što je mene motiviralo da iznesem ovaj prijedlog i koji ću iznositi i u Federalnom parlamentu je sljedeća stvar. To bi značilo da ukoliko ljudi koji donose odluke, kao što su ljudi u parlamentima, ljudi u izvršnoj vlasti, bi željeli sebi da povećaju platu, oni bi onda morali povećati najnižu platu radnicima u realnom sektoru. I po meni tu bi se stvorila jedna vrlo zdrava motivaciona veza između tih odluka. Znači Vlada bi morala da bi se povećala primanja i naknade ispregovarati sa poslodavcima da povećaju najnižu platu radnicima. To je intencija ovog mog prijedloga. Ja ću ga nastaviti gurati, nadam se sa više uspjeha nego danas ovdje. Ali slažem se da imaju neke. Ali da vam kažem, sada su koeficijenti 2, 3, 4 puta koeficijenti, koeficijenti bi u tom slučaju bili 7, 8, 9 10 puta, pa možda bi i to uvelo neku vrstu nezgodnosti koliko ljudi neki zarađuju, između ostalog ovi koje vi danas spominjete u odnosu na ljude koji su na socijalnoj ljestvici daleko ispred ovoga. Hvala.

Premijer Elmedin Konaković:

Ja mislim da je dovoljno, evo ja kratka replika ili odgovor. Dovoljno je da se iz ove kolone u markama vidi razlika i jasno je izračunati koliko je to puta veće od najniže federalne plate. A ta matematika ili akrobacija koja bi recimo na taj način loša politika bi svakako onda povećavala broj prosječnih plata, rekla bih devet ili deset da bi došli do iznosa tri ili četiri. Bolja politika bi to dovodila u neki racio, u normalne prosjeke 2000 do 2500 KM koliko mi pokušavamo zaista da bude i to bi onda opet bila igra riječi. Ja mislim da ovako pragmatično mi pokazujemo da se ovaj problem rješava. Slažem se da to treba posmatrati i šire ali eto najavljujem vam da će Vlada u četvrtak razmatrati ovaj izvještaj Ekonomskog instituta, jednog nezavisnog tijela i ti će podaci brzo u javnost o vrijednostima Sarajeva na ostatak države BIH, kada je riječ o proizvodnim kapacitetima, o novcu koji se uplaćuje na Jedinstveni račun trezora. Mislim da će nam svima biti lakše malo razgovarati o

stanju u Kantonu Sarajevo nakon toga, a time potvrditi naš stepen odgovornosti, jer mi ne vagamo ni naše prosječne plate sa kantonima u kojima i zastupnici i premijeri i svi ostali imaju mnogo veća primanja nego što mi imamo. Smatramo da je ovo što mi imamo dovoljno za ovaj trenutak u kojem živimo. Hvala.

Poslanik/zastupnik Zvonko Marić:

Evo premijeru ja ću vrlo kratko. Mislim da vi ne treba da se opterećujete ovdje nekim ocjenama kojih uopće bude bilo vezano za uravnilovku. Raspon plus minus 30% omogućava da se, zašto mora biti 30? Može biti 10, 20, da se napravi određena skala. Dakle to je pod broj jedan. Pod broj dva veoma mi se čini važnim, vi to ne ističete, ne znam iz kojeg razloga, da je do sada kako ste govorili saglasnost za nagrađivanje tih rukovodnih struktura bila u rukama resornog ministra. Sada kada je u rukama Vlade time se pojačava i vaša odgovornost a samim tim bolja kontrola, dakle na tome i trebate insistirati i mislim da je to veoma važan kontrolni mehanizam, koji će dati rezultate sasvim sigurno i prema tome i vi dijelite odgovornost na davanje saglasnosti na stimulaciju ili destimulaciju određenih funkcionera u javnim poduzećima. Hvala.

Predsjedateljica:

Hvala lijepo.

Predlažem da Skupština po Nacrtu zakona o plaćama i naknadama članova organa upravljanja i drugih organa i institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo, donese sljedeće Zaključke:

1. Utvrđuje se Nacrt zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće **15 dana**.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo.

Premijer Elmedin Konaković:

Ne znam, neko govori da je 15 dana minimalan zakonski rok, jel postoji zakonski rok? Ako nema, možda bi deset dana bilo dovoljno da stignemo na februarsku sjednicu. A u roku poslati materijale prijedloga kako bi ste u prijedlogu još imali eventualno prostora za amandmane. Dakle prvi do 11, sjednica bi vjerovatno bila 29 kako je to načelno dogovoreno. Tu nam ostaje malo vremena da sublimiramo javnu raspravu i da u roku pošaljemo. Deset dana bi nama bilo dovoljno.

Predsjedateljica:

Onda nema potrebe da glasamo o tom prijedlogu? Nema. Svi smo za, jel tako? Dobro. Molim onda zastupnike da glasamo za ove zaključke.

Tko je za? Tko je protiv? Tko je suzdržan?

Temeljem glasovanja došli smo do zaključka ZA je bilo 32, protiv ništa i suzdržano ništa. Konstatujem da je Skupština donijela ove zaključke.

Predsjedateljica:

prelazimo na sljedeću tačku dnevnog reda a to je tačka broj 5.

PRIJEDLOG ZAKONA O IZMJENI ZAKONA O PLAĆAMA I NAKNADAMA U ORGANIMA VLASTI KANTONA SARAJEVO (HITNI POSTUPAK)

Prijedlog zakona ste dobili uz poziv za sjednicu. Molim predstavnika Predlagača da podnese uvodne napomene. Gospodine Forto izvolite.

Poslanik/zastupnik Edin Forto:

Hvala vam. Poštovane zastupnice i zastupnici, ja bih prvo htio se zahvaliti ovoj Skupštini zbog činjenice da imamo danas ovaj Zakon i da ćemo danas glasati o smanjenju primanja izabranih političara. Morate priznati da je to vrlo rijetka pojava u političkom životu u BIH. Znači htio bih zahvaliti zbog činjenice da uopšte razgovaramo o ovome a nadam se da ću nakon ovoga zahvaliti i zbog pozitivnog glasanja. Pred vama imate Prijedlog zakona o izmjeni Zakona o plaćama izabranih dužnosnika koji između ostalog reguliše primanja ovih ljudi koji sjede u ovoj Skupštini. Znači nas skupštinskih poslanika. Prijedlog koji sam vam dostavio ustvari predstavlja jednu vrlo jednostavnu izmjenu u članu 8 u stavu 3 ukida se mogućnost da poslanici koji su profesionalno prijavljeni u Skupština Kantona Sarajevo i primaju punu platu za svoj rad da nemaju pravo na naknadu za dodatne troškove u radu, tzv. paušal. Znači to je jedina izmjena u Zakonu koju tražimo. A Zakon, ja bih sada to kratko pojasnio, tačno kako piše. U zakonu u članu 8 stav 1 uređuje da izabrani dužnosnici imaju pravo na stalnu mjesečno novčano primanje na ime povećanih materijalnih troškova u obavljanju svojih dužnosti, tj pravo na paušal. U stavu 2 istog člana se precizira da visinu paušala utvrđuje komisija. U stavu 3 se određuje da komisija može utvrditi niži iznos paušala za poslanika koji ostvaruje platu u Skupštini. Da pojasnim, sadašnjim zakonskim rješenjem zadržava se mogućnost da profesionalni zastupnik prima puni paušal svaki mjesec u iznosu od 550 KM kao dodatnu naknadu za svoje materijalne troškove. Želim naglasiti da Zakon o finansiranju stranaka već predviđa svim parlamentarnim strankama značajna sredstva koja su osnovna motivacija za ovakvo zakonsko rješenje ustvari pomoć poslanicima u radu njihovom političkom djelovanju. To je jedan argument više koji ide u ovom pravcu da poslanicima zapravo ne trebaju dodatna sredstva za njihov rad. Želim naglasiti dvije dimenzije ovog zakona i nadam se da ćete me u potpunosti razumjeti. Prva dimenzija je pitanje kredibiliteta ove Skupštine. Onog trenutka kada budemo donosili neke vrlo teške odluke a u Reformskim agendama koje se spominju i kada i mi vrlo često konstruktivno učestvujemo, vrlo je bitno kada radimo nove namete stanovništvu, kada dižemo cijene usluga, vrlo je bitno kada ukidamo neka stečena prava ili umanjujemo neka stečena prava stanovništvu, vrlo je bitno da smo poslali jasnu sliku da je to krenulo od nas. Ovaj paušal je dvostruka naknada za isti rad i na način na koji ćemo se odreći toga ćemo ustvari postići moralni kredibilitet da idemo u teške promjene koje nas čekaju a i narod će puno lakše razumjeti te poteze kada su vidjeli da smo krenuli od sebe. I ovaj Zakon koji je Vlada stavila na raspravu u tački prije ove ide u tom pravcu tako da ne vidim uopšte zašto ne bi i mi krenuli u tom pravcu.

Druga dimenzija ovog zakona je ona materijalna. Nije velika u odnosu na budžet od 690 miliona Km koji je kantonalni budžet ali ipak ušteda između 150 i 200.000 KM koja bi se dobila ovim zakonom mislim da bi mi svi ovdje mogli naći puno bolje načine da potrošimo te novce u mnogo korisnije svrhe nego za naknadu materijalnih troškova poslanicima koji već primaju platu. Nadam se da u ovom prijedlogu, da rasprava o ovom prijedlogu neće otići u pravcu argumenata koje smo čuli na svim nivoima vlasti u BIH. To ide od opštinskih preko kantonalnih entitetskih i državnih, uvijek je sljedeći argument: pogledajte kolika su primanja u drugim kantonima. Pogledajte koliki su paušali u USK. Pogledajte načelnikovu platu na Ilidžu. Pogledajte. Mi možemo sada upirati prstom na sto različitih mjesta gdje ćemo vidjeti da ljudi su stvarno preplaćeni za svoj posao. I onda kada uporedimo to sa njima, mi možemo ovdje reći pa ovaj paušal i ova naša primanja nisu mnogo mi smo već skromni po tom pitanju. Ali to nije dovoljno. Mi moramo napraviti dodatni iskorak i uraditi ovu izmjenu. Odreći se ovog dodatnog paušala za posao za koji smo već plaćeni. Još jednom bih samo naglasio u slučaju da ne bude neke zamjene, radi se samo o paušalima onih koji na istom mjestu primaju i platu i paušal. Ne neko ko je zaposlen na nekom drugom mjestu pa prima paušal

negdje drugo gdje ima dodatni rad. Eto ja bih vas molio da podržite ovaj Zakon da pokažete da smo mi iz pravih razloga u politici, da smo pravi ljudi na pravom mjestu i da možemo kredibilno i moralno krenuti u sve one teške poteze koje najavljuje ova Vlada a sve dobre poteze koje ćemo i mi podržati. Hvala vam.

Predsjedateljica:

Hvala lijepo. Da li predstavnici radnih tijela imaju šta reći? Ne, ovdje nemamo. Ima li pitanja?

Poslanik/zastupnik Mirza Čelik:

Zahvaljujem predsjedavajuća. Ja ću postaviti samo jedno pitanje Predlagaču. Da li je ovakav Zakon o izmjenama Zakona o plaćama i naknadama u organima vlasti Kantona Sarajevo usaglašen, odnosno da li postoji Zakon o izmjenama Zakona o plaćama i naknadama u organima vlasti FBiH? I ako jeste da li i visinu paušala tamo gdje sjede ljudi u Domu naroda i u Predstavničkom domu? A kasnije ću se rado uključiti i u raspravu.

Poslanik/zastupnik Rasim Smajić:

Ja bih također imao jedno pitanje za predlagača ustvari kolega Mirza je većinu pitanja i postavio u svom pitanje, ali eto jedno dodatno direktno pitanje. Zašto nije krenuo od sebe, zašto je krenuo ovako populistički, samo zašto nije direktno krenuo od sebe? A poslije ću mu još jedan dokument dostaviti kada odgovori na ovo pitanje.

Poslanik/zastupnik Edin Forto:

Ako sam dobro shvatio prvo pitanje glasi : postoji li ovakva inicijativa na federalnom nivou? Nakon što sam, ja sam bio u privatnom sektoru kada sam ovdje izabran i u Dom naroda i nisam odmah vidio kakva su primanja, ja sam samo prekrizio u onom formularu gdje sam za paušal i nisam više obraćao pažnju na to. Kada sam se prijavio i profesionalizirao u Domu naroda tek sam tada vidio kakva su primanja i šta ustvari sljeduje kojem poslaniku. Tada sam ja pokrenuo inicijativu. Prva inicijativa koju smo mi pokrenuli ustvari je bilo na Federalnom parlamentu. Naš zastupnik Denis Grac na moje insistiranje je poslao ovu inicijativu u Federalni parlament a slična inicijativa će ići i na Dom naroda također od mene. Znači pitanje je da li postoji? Postoji ista ovakva inicijativa, isti je problem u federalnom zakonu i tamo ljudi primaju i platu i paušal na istom mjestu. Što se tiče ovog drugog pitanja zašto nisam krenuo od sebe, ja ne znam kako bih odgovorio na to. Ne znam uopšte šta znači. Mislim ja sam vratio 5200 KM u budžet Kantona Sarajevo za sve one periode kada sam primao taj paušal uporedo sa paušalom koji je već bio dodijeljen u Domu naroda. Ja nisam znao za ova primanja dok nisam prešao tamo i kada sam to vidio ja sam te pare odmah vratio. Znači ne znam šta ste mislili pod tim da nisam od sebe krenuo. Također postoji korespondencija, mislim ja bih volio, naravno ja sam tu za sva pitanja, i ja sam javna ličnost i sva moja primanja su javna kao i svih ovdje poslanika. Ali volio bih da se skoncentrišemo na današnji prijedlog zakona. A to je ukidanje dvostrukog plaćanja po istom osnovu. Znači ljudi primaju i platu i paušal na istom mjestu, nema nikakve logike, bez obzira kakao se ja nalazim u cijeloj toj priči. A što se tiče moje korespondencije nakon što sam otkrio kakva su primanja postoji pisana korespondencija sa skupštinom Kantona Sarajevo, postoji pisana korespondencija sa Domom naroda gdje sam tražio da mi se objasni zašto se to tako isplaćuje. Postoji naravno i dokument gdje sam ja zahtijevao u Domu naroda da mi se prestane isplaćivati taj paušal. Hvala.

Poslanik/zastupnik Bibija Kerla:

Hvala lijepa. Ja se javljam danas drugi puta, želim samo da kažem čudi me da gospodin Forto nije šest mjeseci znao šta mu liježe na konto, isto košto gospodin Kaplan bivši ministar kulture i sporta FBiH nije znao da prima iznos od 540 KM za dodatni mislim za stambeno poslovni problem. Ja jesam za ukidanje ovoga što gospodin Forto priča, međutim mislim da je trebao prije svega, kao što i ostali kažu krenuti sa sebe i što se mene tiče ja ću vjerovatno glasati za ovaj Zakon. Hvala lijepo.

Poslanik/zastupnik Safet Mešanović:

Ja se izvinjavam ali bih trebao sam ako nije problem da nam predlagač kaže, sada sam malo zbunjen na kojem nivou i koliko paušala odnosno primanja dobija? Ako to nije problema budući da je kolega rekao da je to javna stvar ne vidim razloga da to javno ne kaže. Hvala lijepa.

Poslanik/zastupnik Rasim Smajić:

Ja se izvinjavam neću stajati kao kolege, sjedit ću. Kolega predlaže Zakon a mene ti zakoni ne pogađaju, ja nemam nikakva primanja od ove Skupštine za razliku od kolege koji je 11 mjeseci primao duple paušale protivzakonito, i onda kada su ga skupštinske službe i službe u Domu naroda otkrile da prima duple paušale onda on populistički kreće da ukine svima paušale. Znači ako ne mogu ja primati dva paušala nećete vi ni onaj koji vas sljeduje po zakonu. I nakon toga vraća 6000 KM ovoj Skupštini i automatski objavljuje na Klixu da on vraća narodne pare. Pa i ja ću negdje ljudi uzimati, ima li to da uzimam dok me ne uhvate, a kad me uhvate ja ću vratiti. E to je bilo od strane kolege. Koliko je moralan i realan, prešao je iz realnog sektora prešao je na budžet. Ja sam gospodine u realnom sektoru i ne uzimam pare iz ovog budžeta, ja plaćam porez ovoj državi, plaćam poreze ovoj Skupštini i platio sam poreza više za dvije godine nego što ste vi primili u budžetu para. Znači vi ste prešli iz realnog sektora, bili ste jedan od direktora u Nexeu, prešli ste ovdje, ostavili ste platu Nexeu, uzeli ste platu u Domu naroda, uzeli ste paušal u Domu naroda, uzeli ste u Skupštini Kantona ste uzeli paušal. I onda populistički kao dajte da se ukine. Ako ne mogu ja uzimati dva paušala neka ne može niko ni jedan. Toliko kolega a vi se pravdajte.

Poslanik/zastupnik Edin Forto:

Mislim drago mi je da ovo postaje zabavno pa mislim nema problema, ja mogu odgovoriti na prvo i na drugo pitanje. Gospođa Kerla, ne radi se o pet mjeseci nego o deset ili jedanaest mjeseci gdje sam ja to primao jer nisam znao za to. Znači ne znam uopšte kako da vam objasnim da sam ja primao godinama, ja sam cijeli život u privatnom sektoru primao sam određena primanja i nisam ja ne idem svaki dan na račun da vidim je li mi legla plata. Ja znam je li mi legla plata ili nije kada sam direktor firme koja isplaćuje platu. Znači onoga trenutka kada sam počeo primati budžetska primanja tada sam počeo kontrolisati i čim sam uvidio nepravilnosti odmah sam to objavio. Što se tiče gdina koji tvrdi da su me skupštinske službe otkrile to je potpuno netačno. Mene nisu otkrile skupštinske službe, možete provjeriti i u Domu naroda i u Skupštini Kantona, ja mogu dostaviti svima koji su zainteresovani korespondenciju gdje ja postavljam pitanja o ovim stvarima nakon što ma otkrio šta se dešava. A također vam mogu dostaviti iz korespondencije koju smo mi imali u predsjedništvu stranke odmah nakon što sam ovo shvatio. Znači ovo je potpuna zamjena teza. Vi imate ljude koji primaju neke stvari koje im ne pripadaju i optužuju mene koji sam to vratio i objavio da ja pravim neki problem a ustvari. Da ne idemo dalje. Znači hoću samo reći ispravku krivog navoda. Nije tačno da su mene skupštinske službe otkrile. Ja sam nazvao Dom naroda i doslovno sam pitao sljedeće: kako je moguće da jedan poslanik prima dva paušal. Oni su rekli pa to nije moguće. Ja sam pitao je li vi znate da je to protuzakonito. Oni su rekli pa jeste. Pa kako vi to kontrolišete. Doslovno su mi rekli sljedeće: to je moralna odgovornost svakog pojedinačno. Moralna odgovornost a protuzakonito. I ovom prilikom vam kažem ja sam nakon toga tražio izvode i od doma naroda i od Kantona Sarajevo da vidim ko prima platu ko prima paušal. I poredeći to dvoje vidio sam ko prima sve duple paušale. Vjerujte nisam jedini ali sam jedini koji je objavio da je te novce vratio. Samo htio sam ispraviti krivi navod. Ovo je bilo potpuno dobrovoljno i potpuno u skladu sa politikama Naše stranke, mi se borimo za ukidanje privilegija. Borimo se za smanjenje privilegija izabranih političara. Ako ovo nije to ja ne znam onda šta je. Hvala.

Predsjedateljica:

Hvala lijepo. Samo da ja nešto kažem. Molim vas, dajte da poštujemo ovo nije sudnica, dajte da poštujemo ovo najveće zakonodavno tijelo, koje se zove Skupština Kantona i da se ne ponašamo kao da smo na koridi. Molim vas gospodine Smajiću imate još jednu riječ.

Poslanik/zastupnik Rasim Smajić:

Još jedno direktno pitanje gđinu Forti. Zašto ste napustili realni sektor hrvatsku firmu znači firmu Hrvatske države i prešli ste na budžet? Mogao sam i ja isto tako napustiti firmu i preći na budžet ovaj ali ja nisam prešao, napustio firmu, ja sam ostao u firmi. Znači vi gospodine Forto čuvate budžet Nexea. Sačekaj da završim.

Poslanik/zastupnik Predrag Kojović poslovnička intervencija:

Gđo predsjedavajuća vaša je obaveza da kada neko od poslanika govori o nečemu što nije tačka dnevnog reda, kao što je u ovom momentu to slučaj, da mu oduzmete riječ.

Poslanik/zastupnik Rasim Smajić:

Tačka dnevnog reda je bila plate i naknade zastupnika u Skupštini Kantona gospodine Kojoviću i on je nikad ne bi napustio ne bi nikada vratio taj novac da ga vi niste natjerali kao predsjednik stranke. Još uvijek bi primao novce iz Skupštine Kantona i iz Doma naroda, nego ste vi, vama svaka čast, natjerali svog kolegu iz Kluba da vrati novce Skupštini i da ne prima duple paušale. I vratio je uredno. I ja bih ako bi mogao.

Predsjedateljica:

Dobro. Ja očekujem da ćemo se malo sada uozbiljiti. Otvaram raspravu ako ovo do sada nije bila rasprava.

Poslanik/zastupnik Mirza Čelik:

Zahvaljujem predsjedavajuća. Pa evo prije nego što krenem u raspravu ja ću samo zamoliti da se ne spominju načelnici, pogotovo načelnik na Ilidži. Svi znate da načelnik na Ilidži dosta je toga je uradio i ne bih da komentarišemo ovakve istupe bilo koji od zastupnika. Što se tiče paušala. Ja ću morati napraviti poređenje sa Tuzlanskim Kantona kako to rade u TK što se tiče paušala. Zastupnici koji imaju profesionalni status u Skupštini TK imaju paušal 1140,75 KM. Ako je član Kolegija ima i 380,25 KM naknade a ako je i član radnog tijela ima još 380,25. što u konačnici iznosi negdje oko 1900 KM. Zastupnici koji nisu profesionalno angažovani u Skupštini Kantona u TK imaju 1521 paušal ako je član radnog tijela još 380 i ako je član Kolegija još 380, 25. a podsjećanja samo radi, da znate da je osnovica u kantonu Sarajevo za obračun plaće 276 KM a u TK je 380,25. još nešto uvijek ide Kanton Sarajevo naprijed, jel tako? Prvo smo imali da je u prethodnom mandatu umanjen taj iznos paušala sa 800 na 550. pa evo prvi smo koji su implementirali presudu Sejdić i Finci, pa onda savjetnici ukinuti, pa osnovica ova 276. jedini smo mi koji držimo tu osnovicu. Također poređenja radi, moram reći da na općinski vijećnici dobivaju veće paušale nego poslanici u Skupština Kantona Sarajevo. I na kraju zaista moram da kažem da u ZDK imaju 728 paušala, 150 KM za svaku održanu i 72,80 za svaku sjednicu u radnom tijelu u koje je imenovani. I također imaju i 20% od cijene goriva za pređen jedan kilometar tj naknada za korištenje vozila u službene svrhe. Kada malo to izračunate to ispada puno više nego što zastupnici i Skupština Kantona Sarajevo dobivaju. I naravno evo kolega Rađo reče i jeste činjenica i jeste tačno i taj podatak da smo prvi ukinuli bijeli hljeb. A moram naglasiti da ima i zastupnika koji su društveno odgovorni tako da iz svog paušala odvajaju malte ne i kompletan iznos paušala za stipendiranje djece lošijeg imovinskog stanja tako da iz svih ovih razloga i kada se usaglasi ovaj Zakon na federalnog nivou, mislim da je kolega Edin Forto trebao da krene obrnutim redom da u Domu naroda podnese ovakvu inicijativu za izmjenu zakona o plaćama i naknadama i mi bi jednostavno došli u situaciju da u Kantonu Sarajevo samo primjenjujemo takav Zakon i mislim u tom treba pravcu da ide. Klub SDA će ostati suzdržan na ovakav prijedlog Zakona o izmjeni Zakona o plaćama i naknadama u organima vlasti Kantona Sarajevo i čekat ćemo da riješi u Domu naroda i da podnese na Federalni nivo i vrlo rado ćemo se odazvati čim se usvoji takav Zakon na federalnom nivou i mi ćemo ga početi primjenjivati danom objave u službenim novinama. Zahvaljujem.

Poslanik/zastupnik Predrag Kojović:

U dosadašnjem mandatu ova Skupština je djelovala kao veliki napredak u odnosu na prethodni mandat dok nismo došli do ove tačke kada su se počeli pojavljivati neki simptomi koje smo vrlo često imali ovdje u prošlom mandatu. Ali to je sve normalno i prirodno. Ja mislim samo da bi smo trebali se fokusirati na sam prijedlog i mislim da nema više ni potrebe da diskutujemo o tome da znamo sve. Razlog zbog koga smo mi pokrenuli to sve i na federalnom parlamentu ali naravno tamo nemamo tu mogućnost da nametnemo na dnevni red kao što ovdje imamo jer smo ovdje članovi Kolegija i pokrenuli smo ovdje jer smo bili zavedeni premijerovim nastupima u kojima je uvijek ono govorio kako Sarajevo treba da bude to koje će biti prvo, biti primjer, biti neka vrsta svetionika za ostatak zemlje u kom pravcu treba svi da idemo pa smo pomislili na trenutak povjerovali u to da je možda ova Skupština Kantona spremna da napravi tu vrstu iskoraka. Ali ja bih evo sada pozvao zastupnike da se jednostavno izjasne o prijedlogu koji je vrlo jednostavan pravni propis i da pređemo na sljedeću tačku dnevnog reda.

Dopredsjedavajući Sabahudin Delalić:

Zahvaljujem predsjedavajuća. Samo me jedna stvar interesuje, s obzirom, nisam baš dobro razumio, s obzirom da ste vi prijavljeni u Domu naroda na plaći zasigurno dosta veća nego ova naša ovdje u kantonu a prijavili ste se za paušal u kantonu. Znači vama se ne ukida paušal u tom slučaju pošto ste na institucijama federalnim a u kantonalnom, onda se ne ukida. Ne mogu da shvatim, ne mogu da skontam taj dio. Da li se ukida svima nama koji primamo plate s budžeta ili samo ovim koji smo u kantonu ili ima razlike ako smo u Domu naroda, pošto sam nekako sa najvećim brojem glasova u Skupštini Kantona Sarajevo i u Kantonu Sarajevo, možda čak koliko i vaša politička partija ima, imao sam, pa nisam izabrao nikako Doma naroda ostao sam ovdje u Skupština Kantona Sarajevo. Pa me sada to interesuje, možda vi možete bolje odgovoriti pošto ste već dugi niz godina u Domu naroda, zahvaljujem.

Poslanik/zastupnik Predrag Kojović:

Kolega Delaliću mislim ja znam vas i znam da ovo nije prekomplikovano pitanje za vas. Nego vi postavljate, stavljate svoj komentar u formu pitanja. Ja ću vam odgovoriti. Ja smatram da ako je neko poslanik u Skupštini Kantona Sarajevo i delegat u Domu naroda onda može da izabere jedno od ova dva mjesta gdje će biti profesionalno zaposlen a za rad na drugom organu da prima paušal. Ono o čemu se ovdje radi, jeste da mi ne mislimo da ima logike da budete zaposleni u Kantonu Sarajevo ili u Domu naroda i da u Domu naroda primete pored plate i paušal. Znači to je kako bih rekao naš stav. Ali naravno da mislimo da ako je neko zaposlen u Skupštini Kantona Sarajevo a delegat u Domu naroda ili obrnuto za jedno od ta dva rada kako bih rekao treba da prima paušal a za jedno ako želi može se profesionalno angažovati.

Dopredsjedavajući Sabahudin Delalić:

Dobro, zahvaljujem. Razumio sam vas, vi svakako niste u minusu u ovoj kombinaciji. Hvala.

Poslanik/zastupnik Predrag Kojović:

Ako dozvolite pošto je ovo replika, ja zaista se više neću javljati. Pazite ja zaista razumijem da postoji otpor. Vjerujte mi, ja sam se odrekao ove godine oko 12.000 KM u raznim primanjima koje sam mogao imati. Npr. ja sam izabran u Domu naroda u posebnu zajedničku komisiju za usaglašavanje zakona i naknade za tu komisiju nisu obuhvaćene pravilnikom o naknadama u ostalim regularnim komisija zato što smatram.

Dopredsjedavajući Sabahudin Delalić:

Zahvaljujem. Kada ste već rekli, evo maloprije je kolega Čelik govorio imamo mi ovdje također trajne naloge gdje stipendiramo djecu od naših paušala znate. Na isti način. E sada bih ja volio ako već ukidamo paušal da to ne može ići Vladi, hajmo napraviti neku fondaciju pa nek naš paušal ide na neku posebnu tačku pa ćemo mi nekome dati, da mi odredimo. A ako ćemo već o tome pričati. I ako ćemo na taj način razgovarati. A ovako da neko prima i da ima a da nama govori kako smo mi ovi koji uzimamo mi javno a vi tajno, e baš nije u redu onda. Zahvaljujem.

Poslanik/zastupnik Mirsad Pindžo:

Hvala uvažena predsjedavajuća. Ja da budem iskren nisam se mislio javljati. Ali kako teče rasprava i informacije koje isplivavaju i na ovoj sjednici moram reći svoj stav. Ja molim predlagača da se više ne javlja da nas ubjeđuje neće nas ubijediti da ne podržimo Zakon, podržat ćemo ga. Jer ovo sve što govori ide u smjeru da ne podržimo Zakon. Gospodine Forto pitanje provođenja zakona nije moralno pitanje nego kršiš li Zakon, ili ga ne kršiš, provodiš li ili ne provodiš. Nema tu moralnosti. Imaju tamo i kaznene odredbe. To je kršenje zakona. Za to postoji i sankcija. To ne smije raditi ni jedan građanin u ovoj zemlji a pogotovo izabrani zastupnici oni koji donose zakone. A vi ste kršili Zakon. Svjesno kršili zakona, godinu dana primali dvostruki paušal. A onda kada ste shvatili da ste ipak prekršili Zakon vratili ste jedan paušal i populistički krenuli u priču i onda idete i korak dalje da ukidate prijedlog zakona. E ja ću vam sada reći što se mene tiče kada bih gledao s tog aspekta vi bi mene lično ubijedili da ja glasam protiv ovog zakona. Ali obzirom da mi imamo malo drugačije stavove i da se ne odnosimo samo na bazi pojedinačnih slučajeva, pogotovo onih koji krše propise a jedan ste od njih i vi, ja ću iznijeti stav Kluba DF-a. Nećemo se mi solidarisati ni sa onim što govori kolega Čelik kakvo je stanje u TK ili bilo kom drugom kantonu koliko tamo zastupnici primaju. Na početku prije stava Kluba, samo jedan stav. Moja lična digresija i moj stav. Ja nisam za to da zastupnici na bilo kom nivou vlasti budu kako da se izrazim toliko malo plaćeni, da se od njih može tražiti da ne čitaju ništa, da dižu ruke samo za to što im neko, interesne strukture i da ih ne nazovem drugačije, kažu kako treba da se izjašnjavaju. Da ih se može kupiti za sitnu paru. Ja nisam ni za to. Ali isto tako, e sada je stav Kluba DF-a nismo se osvrtali kada smo predlagali Zakon o ukidanju savjetnika. Ni u Zakon o bijelom hljebu, nismo podnosili inicijative i davali po medijima i širili populističku nego smo sjeli i napisali zakone. Nigdje to još nije urađeno osim u ovoj Skupštini Kantona. I ovaj Zakon koji je danas na dnevnom redu, po nama, bez obzira što mislimo da nije on baš najbolji, ali ga obzirom na stanje u društvu, ekonomsko i socijalno građana koje mi zastupamo ovdje ipak moramo malo pokazati i da smo spremni praviti uštede i na svojim ličnim primanjima bez obzira što ona nisu visoka. Pogledajte ove današnje tabele koje smo dostavili u prijedlogu ovog prethodnog zakona. Pa 50 ljudi samo iz ove tri stranice tabela imaju veća primanja nego mi. Zamislite čovjeka koga postavimo mi, putem Vlade i UO koji sjedi u instituciji koja ima deset uposlenih, koji se finansira iz budžeta, znači ne mora ništa zaraditi samo troši i ima 50% veću platu, osnovnu platu od nas zastupnika i od premijera Kantona Sarajevo. Jel to pošteno? Jel tako trebamo raditi? Ja smatram da ne trebamo, i da ne širim dalje. Ja vas molim kolega Forto nemojte nas dalje ubjeđivati nećete nas uspjeti ubijediti, podržat ćemo vaš zakona kakva će njegova sudbina biti ne zavisi od nas. Vlast je vlast. Mi ćemo poštovati legitimno donesene odluke.

Predsjedateljica:

Hvala gospodine Pindžo. Zatvaram raspravu.

MOLIM POSLANIKE DA PRISTUPE IZJAŠNJAVANJU O PRIJEDLOGU ZAKONA O IZMJENI ZAKONA O PLAĆAMA I NAKNADAMA U ORGANIMA VLASTI KANTONA SARAJEVO.

Tko je za? Tko je protiv? Tko je suzdržan?

Konstatujem za je glasalo 12, protiv ništa, suzdržan 21.

KONSTATUJEM DA JE SKUPŠTINA NIJE DONIJELA OVAJ ZAKON .

Prelazimo na sljedeću tačku dnevnog reda.

AD – 6.

NACRT ZAKONA O NAUČNOISTRAŽIVAČKOJ DJELATNOSTI

Nacrt zakona dobili ste uz poziv za sjednicu. Molim predstavnika Predlagača da podnese uvodne napomene. Izvolite ministre Kazazoviću.

Ministar Elvir Kazazović: UVODNO IZLAGANJE

Predsjedateljica:

Hvala lijepo ministre. Da li predstavnici radnih tijela žele riječ? Ne. Ima li pitanja?

Poslanik/zastupnik Dževad Rađo:

Hvala lijepo. U članu 8 Zakona tačka 1 je propisano da se iz budžeta Kantona Sarajevo osiguravaju sredstva u iznosu 2% Budžeta Kantona Sarajevo. Budžet Kantona Sarajevo za 2016 godinu je 6.963, 3 miliona KM te proizilazi da bi u 2016 godini trebalo izdvojiti iz budžeta za naučno istraživačku djelatnost oko 14 miliona KM. Pitanje je, da li je realno izdvajanje iz budžeta u navedenom iznosu? Drugo, da li su sredstva planirana u budžetu? Ako nisu planirana sredstva u budžetu i ako se ne mogu osigurati navedena odredba je neprimjerena i automatski znači kršenje zakona. U tački 2 istog člana je regulisano da će sredstva iz tačke 1 ovog člana utrošiti u skladu sa strategijom za razvoj nauke, a 5% sredstava će usmjeriti za podršku projektima koji su od posebnog interesa za Kanton Sarajevo. Nelogično je da se samo 5% sredstava izdvaja za projekte u Kantonu Sarajevo koje finansira a preostalih 95% u ostale projekte. 5% od 14 miliona KM iznosi negdje oko 700.000, pa molim da mi ovo malo pojasnite. Hvala lijepo.

Poslanik/zastupnik Mario Vukasović:

Zahvaljujem predsjedavajuća. Pa ja bih se osvrnuo otprilike na slične stvari kao kolega Rađo. Prije nekoliko dana se na jednom od portala pojavila vijest kako se u samo posljednjih nekoliko dana više od hiljadu kandidata upisalo na kurs njemačkog jezika, na Gete institutu Sarajevo a da se među kandidatima nalazi veliki broj mladih medicinskih radnika. Šta ovo govori? Govori nam da mladi odlaze iz BIH, svakim danom sve više, jer ovdje jednostavno ne vide perspektivu. Mlade naučnike smo jednostavno počeli izvoziti kao sirovinu jer za njih ovdje slabo ima mjesta. Ovo govorim jer ovaj nacrt zakona o naučno istraživačkoj djelatnosti sadrži član koji kaže da Kanton Sarajevo za nauku mora izdvojiti do 2%. Tj po zakonu ne mora izdvojiti gotovo ništa iako vjerujem da se slučaj neće dogoditi. Dok se u svijetu ulaže stotine miliona KM u nauku i time stvara jaka podloga za prosperitet i napredak zemlje, mladi se pokušavaju očuvati u državi, Kanton Sarajevo će za nauku u 2015 godini izdvojiti oko 5 miliona KM ili slabašnih 0,75% i to zajedno sa finansiranjem Akademije nauka i umjetnosti BIH. Znamo da nismo stotine miliona KM koje bi mogli uložiti u nauku ali zasigurno da imamo više od ovih pet miliona. Ulaganje zemalja EU u nauku se kreće u rasponu od 1 do 2% PDP dok mi izdvajamo samo 0,75% budžeta a ako bi to preračunali u procenat PDP koji izdvajamo za nauku ta brojka bi bila daleko ispod 0,50%. Klub zastupnika DF-a smatra i predlaže da se član zakona 8 izmijeni i da stoji za izdvajanje za nauku mora biti najmanje 2% a ne do 2% budžeta i to će biti naš uslov podrške usvajanju ovog zakona kada dođe na izglasavanje nakon javne rasprave. Nacrt zakona ćemo svakako podržati jer smatramo da je ovakav Zakon potreban. Hvala.

Poslanik/zastupnik Slaviša Šućur:

Ma evo ja ću samo kratko, također vidim, dakle postoji potreba. Činjenica je da je u BIH i u FBiH i u Kanton Sarajevo već 20 i nešta godina, zadnjih 25 godina oblast naučnoistraživačkog rada zapostavljena stravično. Dakle potpuno je bila preskočena iz bilo kakvog ozbiljnog razmišljanja i planiranja. Ovo je dobro da se uradi jedan Zakon koji će ovu oblast urediti malo bolje urediti odnose, ali opet, govoreći iz iskustva, mi imamo ovu odredbu do nešta posto, u Zakonu o poljoprivredi federalnom i imamo stali rat jer nikada ta cifra ne dobaci. Ne vidim previše svrhe da se ograniči gornji iznos ili procenat. Mislim da najbolja namjera, ova Skupština može pokazati najbolju namjeru ako ograniči nekakvu donju vrijednost. Da ja ne prejudiciram ništa, pošto se radi o raspravi o nacrtu zakona, dakle razgovaramo o principima zakona, ja bih predložio da Vlada dođe uz jednu vjerovatno rezultat javne rasprave u jednu malo ozbiljniju analizu i da bi bilo bolje propisati taj minimalni iznos. Druga stvar koja je meni malo problematična je samo definisanje Savjeta za nauku, njegove uloge, načina kako se on formira. Mislim da to možda nije najsretnije rješenje. Da li je njemu mjestu baš u Vladi, da li mu je mjesto, odnosno da li je baš ministar taj koji bi trebao da isključivo vodi taj proces imenovanja? Vidim da je Akademija nauka BIH na neki način smještena u korisnike ili one koji se bave samo naučno istraživačkim radom. Radi se o instituciji koja po meni, ima malo veći i širi značaj, pretpostavljam da bi njoj trebalo dati značajniju ulogu upravo u donošenju strateških odluka i po meni, naći načina da ona bude uključena i kod

samog formiranja Savjeta za razvoj kao takvog i čak i njegove uloge domene njegovog rada i drugih stvari koje su vezane za ovu problematiku. Hvala.

Poslanik/zastupnik Segmedina Srna Bajramović:

Zahvaljujem još jednom. Pa ja ću samo kratki doprinos ovoj raspravi. Činjenica je, evo svi smo se složili, da znanje predstavlja zapravo najvažniji proizvodni faktor koji zahtijeva da se u njega investira. I između znanja i investicija upravo postoji međusobna povezanost. Naime, investicije mogu povećati znanje a znanje može ubrzati upravo realizaciju novih investicija, čime rast postaje prema onog endogenoj teoriji rasta neograničen. Zbog svega navedenog ovaj Zakon smatram značajnim sistemskim iskorakom u smislu stvaranja institucionalnoga ambijenta da u skladu sa svojim potencijalom maksimalno iskoristimo resurse koje imamo na raspolaganju usvajanjem novih znanja s ciljem podizanja općeg civilizacijskog nivoa društva i korištenje tih znanja u svim oblastima društvenog i privrednog razvoja uključujući i razvoj tehnologije i njihovu primjenu kako je to navedeno u tekstu zakona. S obzirom da se radi o nacrtu, očekujem da svi zainteresovani, prije svega akademska zajednica i privrednici, da se značajno uključe kako bi na kraju svi zajedno imali najbolja rješenja sadržana u istom. Radi se o zakonu koji zbilja po svom sadržaju ne predstavlja apsolutnu osnovu za bilo kakvo političko strančarenje te nam je svima širom otvoren put da u skladu sa svojim kapacitetima budemo samo dio boljih rješenja. Toliko. Zahvaljujem.

Predsjedavajuća:

Hvala lijepo. Zatvaram raspravu, ministre samo molim vas ako možete da me uvažite da kažem jednu stvar.

Služba molim vas, još jednom upozoravam, nemamo kvoruma, ovo je takvo nepoštivanje svih nas, od Vlade, cijele ustanove, zamolite kolege sada, vrlo pristojno ih molim zatvorit ćemo salu i onda ćemo rigorozno se ponašati. Ja nisam policajac. Ministre oprostite, možete nastaviti.

Ministar Elvir Kazazović:

Hvala predsjedavajuća. Evo pokušat ću jako kratko. Apsolutno podržavam razmišljanja kolega zastupnika koji se odnose, ali moram da naglasim da se radi o nacrtu zakona, i da obzirom da nismo imali rješenje, da je ovo pokušaj da se napravi jedno adekvatno rješenje i da smo stvarno tražili mišljenje iz svih visokoškolskih ustanova i svih instituta, institucija koje se bave naukom, i naučnom djelatnošću, i došli smo do ovog nacrta zakona i mislimo da će javna rasprava omogućiti da uradimo i nešto bolje i konkretnije. Ono što želim da naglasim da ne bi trebali idealizirati ovo. Mi smo stavili do 2% iz razloga što je i u prethodnom Zakonu stajalo do 2% nismo imali veća izdvajanja od 2% i sada ako bi stavili da je limitirana donja granica 2% mislim da bi naišli na problem u finansiranju kroz predviđeni budžet. A ono što je intresantno sada da bih trebao sada da kažem a to je da ova Vlada po prvi put konkretno kroz budžet izdvojila 350.000 KM za naučnoistraživački rad. Do sada nije postojao konto. Ili ono što smo uradili danas je potpisan Pravilnik o raspodjeli vanbudžetskih sredstava koji nije postojao na Univerzitetu. Radi se o millionskim iznosima i tu smo predvidjeli do 10% da se izdvaja. Kada bi mi sa sigurnošću znali da je to 100 miliona, onda bi mogli to izračunati i reći koja je donja granica. Međutim ovu prvu godinu sigurno želimo da integrišemo na zajednički račun Univerzitet i tada ćemo imati stvarnu sliku i mislim dok se to ne desi da bi bilo preambiciozno da stavimo da je to donja granica 2%. Mislim nisam siguran, vi ste svi podržali budžet da bi mi mogli u ovom slučaju isfinansirati u ovoj godini. Nemam ništa protiv da se već sljedeće godine kada budemo imali jasnu sliku oko tih vanbudžetskih sredstava to ugradi kao donja granica. I kolega Šućur je spomenuo Akademiju nauka, ja lično sam bio iznenađen da ustvari Kantona Sarajevo ima obavezu da finansira Akademiju nauka i još niz JU i institucija, međutim mi smo tu preuzeli obavezu i bilo kakav potez mene kao resornog ministra izazvao bi osude javnosti da ja. Lijepo bi bilo kada bi vi ispred zakonodavne vlasti bili pokretači tih procesa koji stvarno nisu logični i trebalo bi da rješavamo te probleme. Hvala.

Poslanik/zastupnik Slaviša Šućur:

Samo da ne bi bilo nerazumijevanja. Nisam mislio da Kanton Sarajevo podržava Akademiju nauka i umjetnosti, nego mislim da njena uloga u ovom cijelom procesu trebala da bude možda i veća. Jače naglašena. Dakle da ona bude aktivni dio u kreiranju procesa a ne samo pasivni primalac sredstava iz ove oblasti. Eto to je, da se razumijemo samo.

Poslanik/zastupnik Mario Vukasović:

Zahvaljujem. Pa ja mislim da argument nikako ne smije biti da nema 2% za nauku jer neki dekani imaju po 20.000 ili 15.000 mjesečna primanja. Ako smo evo danas uštedili milion KM na osnovu ovog zakona koji je usvojen koji će ograničiti plate direktora JP mislim da zaista je sramotno da posmatramo nauku kao bilo kakav izdatak. To je ulaganje, jedno od osnovnih ulaganja gdje Kanton Sarajevo može imati ulaganje u nauku i ulaganje u obrazovanje. Tako da molim vas da donja granica bude 2% da se složimo s ovim i da nađemo stvarno taj novac jer ja mislim u mnoštvu komisija koje imamo, koje smo spominjali unutar ministarstava mislim da se mogu naći ti novci i ne da se mogu, nego se mora naći tih 2%. To nije više od 15 miliona KM budžeta koji ćemo izdvojiti za nauku. Sada vidimo da većina izdvajanja za nauku uopšte ne ide na konkretan naučni rad nego ide na finansiranje plata i uposlenih npr. u naučnim institutima što mislim da je poražavajuće. S druge strane opet druga je tema da govorimo koja je uloga tih instituta i Akademije nauke i umjetnosti BIH jer evo imamo mnoštvo problema u kantonu ja ne znam da je Skupština ili Vlada Kantona ikada dobila od tih instituta ili od Akademije nauka i umjetnosti konkretno rješenje za određeni problem, a mislim da bi nam to trebao biti temelj kada govorimo o krupnim problemima u kojima se Kanton nalazi.

Premijer Elmedin Konaković:

Pošto ne bih da ostane nešto što je obaveza Vlade ili obećanje Vlade hoću da bar rečenica kažem o ovoj diskusiji kolege Vukasovića. Kanton je u minusu 70-tak miliona deficita i 40-tak miliona tužbi. Apsolutno se slažem da jedan od prioriteta nauka. Morate biti svjesni realnosti da od nekoga taj novac moramo uzeti. Vi ste vidjeli kako je izgledao prijedlog budžet Kantona Sarajevo za ovu godinu. Svi ste tome dali doprinos, svi ste učestvovali u njegovom kreiranju, pokazali smo zaista zavidan odnos, svi sudionici Vlade, Skupština Kantona i svi politički subjekti. Nisam siguran da iko od vas može sada reći trenutno gdje se vidi taj novac prije nego što završimo za nas neke bitne procese. Ključni proces je integracija UNSA, u kojem po našim procjenama osim 66,5 miliona koje finansira država, akademsku zajednicu, ima u završnom računu, to je ministar Kozadra, dok je bio ministar, zastupnik Kozadra pokazivao neke njihove završne izvještaje u kojima ima oko 187 miliona čini mi se. Govorimo o 100 miliona KM sredstava u kojima mi nemamo uvida, i naravno da ono što vi danas govorite pokazuje gdje se dio tih sredstava odljeva. Ovo što zagovarate kao rješenje nije moguće rješenje. To nisu budžetska sredstava. Mi ne možemo opteretiti budžet 2% a istovremeno, to je vanbudžetski fond i akademska zajednica ako je stavimo na jedan račun, on vjerovatno neće biti jedinstveni račun trezora nego će biti jedinstveni račun UNSA. Jer novac koji nije budžetski a opteretiti ćemo budžet 2% iz njega ćemo opteretiti projekte socijalnog, obrazovnog, boračkog i drugih karaktera i bojim se da ćemo time poremetiti balans koji je trenutno ova Vlada uspostavila. Dakle u ovom trenutku nije realno da kažemo 2%. Napominjem da ni jedna marka nije bila za naučnoistraživački rad dugi niz godina, da je ovo prvi formalan novac koji se pojavio na budžetu, da smo ispoštovali i zahtjeve Naše stranke na kraju, koji su bili naučnoistraživački u smislu mlađih uzrasta da smo tu obezbijedili određenu količinu novca, i pokazali volju da taj budžet bude što veći. Da kažemo da je minimalno 2% ako nam naredne godine budžet 700 miliona i više, a nadamo se da hoće, to je 14 miliona KM u startu. Minimalno. S budžeta bez akademske zajednice. Dakle mislim da bi smo time opteretili druge procese obrazovanja. Ako to ostavimo isključivo Ministarstvu obrazovanja mislim da bi smo time uzdrmali i osnovno i srednje i predškolsko obrazovanje i ne bi smo mogli konsolidavati ga na način kako sada pokušavamo. Tako da za nas ne možemo to prihvatiti kao argument ili reći bit će 2%. Mi nismo sigurni da to može bez da se značajno ukaže na sredstva odakle to može. Dakle, ova o kojima govorite danas, ako ste gledali plate koje su uštede, najveći dio dolazi iz akademske zajednice i iz zdravstva. To su oba vanbudžetska fonda. Ni jedna ta marka ne ostaje ušteda ovdje. Treći problem su komunalna preduzeća. Ni to nisu budžetska sredstva. Dakle, njih ne možemo uzeti i staviti ih u Fond za nauku

budžetom. Možemo samo ove budžetske stavke koje ste iščitali dobro, davali ste dobre prijedloge. Koja od njih je viška da mi kažemo ići će za nauku? Dok ne servisiramo sve tužbe dok ne sredimo minus u budžetu. Dakle, ja mislim da nećemo biti kapacitirani da kažemo 2%. Daj bože da bude što prije 2% i sa budžeta i još sredstava iz akademske zajednice s jedinstvenog računa jer ja mislim da tamo ima prostora posebno za nauku i posebno za standard studenata u Kantonu Sarajevo. Dakle to su dvije oblasti koje namjeravamo obogatiti ovim fondom, ali u budžetu 2% će uzdrmati sve ostale procese. Tako da trebamo govoriti o povećanju konstantnih iznosa. Mi ne možemo dati obećanje da će to biti 2%. Hvala.

Predsjedateljica:

Zaključena je rasprava.

Predlažem da Skupština po Nacrtu zakona o naučnoistraživačkoj djelatnosti donese sljedeće Zaključke:

1. Utvrđuje se Nacrt zakona o naučnoistraživačkoj djelatnosti;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 30 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o naučnoistraživačkoj djelatnosti.

Molim poslanike da pristupe izjašnjavanju o predloženim zaključcima.

Tko je za? Tko je protiv? Suzdržan?

Temeljem glasovanja imamo 27 Za, protiv ništa, suzdržano ništa.

KONSTATUJEM DA JE SKUPŠTINA DONIJELA OVE ZAKLJUČKE.

Prelazimo na sedmu tačku dnevnog reda.

AD – 7.

PRIJEDLOG PROGRAMA RADA SKUPŠTINE KANTONA SARAJEVO ZA 2016. GODINU

Prijedlog ste dobili u dopunskom materijalu. Obzirom da je Predlagač programa rada Skupštine Kolegij, dozvolite mi da iznesem par uvodnih napomena.

Prijedlog programa rada Skupštine za 2016.godinu utvrdio je Kolegij Skupštine, a na osnovu Nacrta programa rada Vlade koji je osnov za pravljenje Programa rada Skupštine i vi ste ga dobili u dopunskom materijalu četiri dana prije Skupštine u skladu sa odredbama Poslovnika. Ukoliko danas usvojimo Program rada Skupštine isti će biti dostavljen Vladi i Vlada će na osnovu našeg Programa rada napraviti svoj Program rada i praktično će biti istovjetan Program rada Vlade i Program rada Skupštine. Tako da ćemo mi izvršavajući naš Program rada pratiti rad Vlade, odnosno da li Vlada dostavlja materijale onako kako je predviđeno Programom rada.

Da li predstavnici radnih tijela žele riječ? Ne. Ima li pitanja? Nema. Otvaram raspravu. Nema rasprave. Zaključujem.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU PROGRAMA RADA SKUPŠTINE KANTONA SARAJEVO ZA 2016.GODINU.

Tko je za? Protiv? Suzdržan?

Konstatujem da temeljem glasovanja imamo 26 ZA, suzdržano ništa i protiv ništa.

KONSTATUJEM DA JE SKUPŠTINA DONIJELA PROGRAM RADA SKUPŠTINE KANTONA SARAJEVO ZA 2016.GODINU.

Prelazimo na osmu tačku dnevnog reda a ona je:

AD – 8.

- a) **PRIJEDLOG ODLUKE O DAVANJU SAGLASNOSTI ZA RAZRJEŠENJE VRŠIOCA DUŽNOSTI PREDSEDNIKA SKUPŠTINE KANTONALNOG JAVNOG KOMUNALNOG PREDUZEĆA "VODOVOD I KANALIZACIJA" D.O.O. SARAJEVO**
- b) **PRIJEDLOG ODLUKE O DAVANJU SAGLASNOSTI ZA IMENOVANJE VRŠIOCA DUŽNOSTI PREDSEDNIKA SKUPŠTINE KANTONALNOG JAVNOG KOMUNALNOG PREDUZEĆA "VODOVOD I KANALIZACIJA" D.O.O. SARAJEVO**

Navedene odluke ste dobili u dopunskom materijalu.

Obzirom da se radi o istim pravnim subjektima predlažem da provedemo jedinstvenu raspravu po ovim odlukama, a izjašnjavanje da uradimo pojedinačno po tačkama a i b.

Molim poslanike da se izjasne o ovom prijedlogu.

Temeljem glasovanja ZA je bilo 21, protiv ništa, suzdržano 4.

Konstatujem da je Skupština donijela odluku da se provede jedinstvena rasprava, a izjašnjavanje pojedinačno po oba prijedloga odluke.

Molim predstavnika Predlagača za uvodne napomene. Nema potrebe. Da li predstavnici radnih tijela žele riječ? Ima li pitanja? Nema. Otvaram raspravu. Zaključujem raspravu.

Molim poslanike da pristupe izjašnjavanju o prijedlozima pod a i pod b?

a)

MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZA RAZRJEŠENJE VRŠIOCA DUŽNOSTI PREDSEDNIKA SKUPŠTINE KANTONALNOG JAVNOG KOMUNALNOG PREDUZEĆA "VODOVOD I KANALIZACIJA" D.O.O. SARAJEVO

Za je glasalo 21, protiv ništa, suzdržano 4.

KONSTATUJEM DA JE SKUPŠTINA DONIJELA OVU ODLUKU.

b)

MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZA IMENOVANJE VRŠIOCA DUŽNOSTI PREDSEDNIKA SKUPŠTINE KANTONALNOG JAVNOG KOMUNALNOG PREDUZEĆA "VODOVOD I KANALIZACIJA" D.O.O. SARAJEVO

Za je glasalo 20, protiv nitko i suzdržano 5. Hvala lijepo.

KONSTATUJEM DA JE SKUPŠTINA DONIJELA OVU ODLUKU.

Prelazimo na sljedeću tačku dnevnog reda. To je tačka broj 9.

AD – 9.

PRIJEDLOG ODLUKE O IZMJENI ODLUKE O IZBORU PREDSEDAVAJUĆIH, ZAMJENIKA PREDSEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO

Prijedlog odluke ste dobili uz poziv za sjednicu. Molim predstavnika Predlagača da podnese uvodne napomene. Nema potrebe. Da li predstavnici radnih tijela žele riječ? Ne. Ima li pitanja? Otvaram raspravu. Nema. Zaključujem raspravu.

Ukoliko se (više) niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENI ODLUKE O IZBORU PREDSEDAVAJUĆIH, ZAMJENIKA PREDSEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO.

ZA JE GLASALO 23, PROTIV ništa i SUZDRŽAN 1.

KONSTATUJEM DA JE SKUPŠTINA DONIJELA OVU ODLUKU.

Predsjedateljica:

Prelazimo na desetu tačku dnevnog reda.

AD – 10.

IZVJEŠTAJ O IZVRŠENJU BUDŽETA KANTONA SARAJEVO ZA PERIOD 01.01. DO 31.12.2014. GODINE

Izveštaj ste dobili u dopunskom materijalu. Molim predstavnika Predlagača da podnese uvodne napomene. Nema potrebe. Da li predstavnici radnih tijela žele riječ? Ima li pitanja? Otvaram raspravu.

Poslanik/zastupnik Mersiha Mehmedagić Mersiha.

Zahvaljujem predsjedavajuća. Pozdravljam sve prisutne, kao i gledaoce TV Kantona Sarajevo koji prate današnje zasjedanje. S obzirom da se Izveštaj o izvršenju budžeta za 2014 godinu našao na dnevnom redu nakon što smo potrošili budžet za 2015 godinu, bilo kakav komentar na stavke iz ovog Izveštaja bi bio besmislen. Osvrnut ću zato samo na mišljenje i preporuke iz Revizije finansijskih izvještaja Budžeta Kantona Sarajevo za 2014 godinu, koji je dao Ured za reviziju institucija FBIH. Provedenom revizijom je utvrđeno da se kod planiranja, donošenja i izvršenja kao i budžetskog izvršavanja, nije pridržavalo odredbi zakona o budžetima u FBIH i pravilnika o finansijskom izvještavanju i godišnjem obračunu budžeta u FBIH. U planiranju nisu uzete u obzir stvarne potrebe budžetskih korisnika, zbog čega je Vlada u toku godine preraspodijelila gotovo 23 miliona KM. Na kraju ni sam izvještaj nije sačinjen u skladu sa Pravilnikom o finansijskom izvještaju i Godišnjem obračunu budžeta u FBIH, s obzirom da na poziciji Planskih veličina nisu iskazane vrijednosti iz budžeta usvojene od strane Skupštine Kantona Sarajevo. Kod izvršenja budžeta nije se pridržavalo Zakona o budžetima i Zakona o izvršenju budžeta za 2014 godinu, pa su budžetski korisnici potrošili 3 miliona KM više od utvrđenih ograničenja iz posebnog dijela budžeta. Zbog ovoga je potrebno dodatno unaprijediti i sistem internih kontrola budžetskih korisnika kako bi se otkrile i otklonile nepravilnosti, ostvarili programski ciljevi rada i osiguralo efikasno i ekonomično trošenje javnih sredstava. Ured za reviziju posebno skreće pažnju na prihode od koncesija gdje se navodi da Ministarstvu finansija nije ispunilo obaveze u pogledu uspostavljanja Registra koncesija, i donošenja Pravilnika o formiranju i vođenju registra, niti je Ministarstvo privrede poduzelo značajnije aktivnosti kako bi naplatilo 8.750.000 KM potraživanja po osnovu koncesione naknade i zaključilo ugovore sa svim korisnicima prirodnih resursa. Ured još skreće pažnju na činjenicu da visokoškolske ustanove još uvijek nisu uključene u sistem trezorskog poslovanja pa Kanton ima apsolutno nikakav nadzor nad trošenjem značajnih prihoda od obavljanja vlastite djelatnosti, koje ubiru ove ustanove. Finansiranje visokog obrazovanja se vršilo bez utvrđenih kriterija i Ministarstvo obrazovanja nije uspostavilo nadzor nad vanbudžetskim fondovima, što je u suprotnosti sa zakonom o visokom obrazovanju. Što se tiče plaća i naknada troškova zaposlenih uočena je potreba za preispitivanjem osnovanosti isplata naknada za prekovremeni rad, te regulisanje isplata plaća i naknada policijskih službenika. Plaćali su se

troškovi privatnih telefona, zaključivali su se protuzakonito ugovori o djelu sa vanjskim saradnicima za poslove koji su sistematizovani pravilnicima o unutrašnjoj organizaciji pa su ih trebali obavljati uposlenici. Uposlenicima se pak plaćao rad u komisijama formiranim za obavljanje poslova iz nadležnosti organa uprave, pa su za redovne poslove u toku radnog vremena bili dodatno plaćeni. Pojedini budžetski korisnici kojima su odobreni namjenski krediti nisu bili u stanju obezbijediti uslove za realizaciju tih sredstava pa su se plaćale kamate u značajnoj iznosu za odobrena a ne povučena sredstva, što je dodatni trošak. Zakon o javnim nabavkama nije se provodio dosljedno i to u pogledu primjene odgovarajuće vrste postupka i propisane konkurentnosti prilikom izbora ponuđača. Ne može se potvrditi ni realnost iskazanih potraživanja jer se određene usluge ne fakturišu, ne iskazuju se u finansijskim izvještajima i ne poduzimaju se zakonske mjere za naplatu istih. Ne može se potvrditi ni stanje obaveza jer nisu iskazane obaveze po pravosnažnim presudama i izvršnim rješenjima koje bez zateznih kamata i sudskih troškova iznose oko 28 miliona KM. Ni stanje imovine nije realno jer nije izvršen popis kod svih budžetskih korisnika, a i kod onih kod kojih je izvršen popis nije usaglašeno stanje sa knjigovodstvenim stanjem. Samim tim, izvještaj o izvršenju budžeta ne prikazuje istinito i fer stanje imovine i obaveza rezultate poslovanja i novčani tok za 2014 godinu. Na osnovu svega navedenog, Ured za reviziju je dao negativno mišljenje na Izvještaj o izvršenju Budžeta Kantona Sarajevo za 2014 i dao je niz preporuka koje su trebale biti primjene. Dio preporuka Vlada je uvažila u toku prethodne godine, međutim o tome ćemo kada na dnevnom redu bude izvještaj o izvršenju budžeta za 2015 godinu i nadam se da ga nećemo čekati toliko dugo, koliko smo čekali izvještaj o izvršenju budžeta za 2014 godinu. Nalaz i mišljenje revizije uzgred pokazuju i da je Klub DF-a bio u pravu kada nije podržao Rebalans budžeta za 2014 godinu, predložen u decembru, samo da se ozakoni potrošeni izborni budžet, te nećemo podržati ni predmetni Izvještaj.

Predsjedateljica:

Hvala. Da li se još neko javlja za riječ? Ne. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O IZVRŠENJU BUDŽETA KANTONA SARAJEVO ZA PERIOD 01.01. DO 31.12.2014. GODINE. ZA JE GLASALO 17 POSLANIKA, PROTIV 5 I SUZDRŽANO 3. KONSTATUJEM DA JE SKUPŠTINA NIJE USVOJILA OVAJ IZVJEŠTAJ.

Pojedinačno izjašnjavanje.

1. Ademović Kemal - ZA
2. Akšamija Goran – NIJE TU
3. Aljović Hamed - SUZDRŽAN
4. Avdibegović Neira – (NIJE PREDSDJEDATELJICA REKLA U MIKROFON)
5. Babić Ana - ZA
6. Bajrović Izudin - ZA
7. Bjelak Nermin - ZA
8. Bukva Sejo – NIJE TU
9. Čelik Mirza - ZA
10. Čomor Eldar - ZA
11. Ćudić Sabina – NIJE TU
12. Delalić Sabahudin - ZA
13. Dovadžija Amar - ZA
14. Filipović Selma – NIJE TU
15. Forto Edin - PROTIV
16. Halilović Semir –
17. Kerla Bibija – PROTIV
18. Lakota Rasim - ((NIJE PREDSDJEDATELJICA REKLA U MIKROFON)
19. Kojović Predrag - PROTIV
20. Kozadra Muhamed - ZA

21. Marić Zvonko - ZA
22. Mašović Amor – NIJE TU
23. Mekić Amel – ZA
24. Mešanović Safet - ZA
25. Mehmedagić Mersiha - PROTIV
26. Okerić Elvedin - ZA
27. Pindžo Mirsad - (NIJE PREDSDJEDATELJICA REKLA U MIKROFON)
28. Pleho Haris - ZA
29. Prevljak Fikret – ZA
30. Pecikoza Fahrudin - ZA
31. Rađo Dževad - ZA
32. Smajić Rasim - ZA
33. Srna-Bajramović Segmedina - (NIJE PREDSDJEDATELJICA REKLA U MIKROFON)
34. Šućur Slaviša - (NIJE PREDSDJEDATELJICA REKLA U MIKROFON)
35. Vukasović Mario – NIJE TU

Gospodine Haliloviću možete li se izjasniti?

/nije se čulo jer se zastupnik izjasnio bez mikrofona, a predsjedateljica nije rekla u mikrofon/

Temeljem ovog usmenog glasovanja, dobili smo 19 ZA, 5 protiv i suzdržanih 3.
Konstatujem da je Skupština ipak usvojila ovo Izvješće.

Prelazimo na 11. točku dnevnog reda a ona glasi:

AD –11.

- a) **IZVJEŠTAJ O RADU I POSLOVANJU JP „TELEVIZIJA KANTONA SARAJEVO“ D.O.O. SARAJEVO ZA 2013. GODINU;**
- b) **IZVJEŠTAJ O RADU I POSLOVANJU JP „TELEVIZIJA KANTONA SARAJEVO“ D.O.O. SARAJEVO ZA 2014. GODINU**

Navedene izvještaje dobili ste uz poziv za sjednicu.

Predlažem da po ovim izvještajima provedemo jedinstvenu raspravu, a izjašnjavanje pojedinačno. Molim vas da se izjasnimo po ovom prijedlogu. Tko je za? Tko je protiv? Suzdržan?

Konstatujem da je Skupština donijela odluku da se po ovim Izvještajima provede jedinstvena rasprava, a izjašnjavanje pojedinačno.

Molim predstavnika Predlagača da podnese uvodne napomene. Ima li potrebe? Nema? Dobro. Da li predstavnici radnih tijela žele riječ? Ima li pitanja? Otvaram raspravu.

Poslanik/zastupnik Zvonko Marić:

Hvala predsjedavajuća još jednom. Na početku bih samo da izrazim nezadovoljstvo što je ovo pod resorom ministarstva pravde ali mislim da će resorni ministar Nenadić u narednom periodu više govoriti o tim stvarima pa da ne oduzimam vrijeme. Moram kazati da je stvarno neprimjereno i vrlo neozbiljno, čak mislim i degutantno da se izvještaji razmatraju za 2013, 2014 godinu i stoga apeliram i pokrećem inicijativu da nam se to više nikada ne događa. Jer zaista, kako ćemo mi razmatrati 2013? Šta su zapravo radile upravljačke strukture ili ljudi koji su se trebali brinuti o ovakvim stvarima? Dakle izvještaj je star tri godine, a sada je 2016. No kako možemo vidjeti i iz prezentiranih godišnjih izvještaja, recimo za 2013 godinu ostvarena dobit u toj godini iznosi 13.868 KM. Bez obzira na ovu malu ostvarenu dobit prihodi su u toj godini opali u visini za 4,65%. Ali su uštede ostvarene smanjenjem troškova. Prihodi iz budžeta su činili 82,14% a znamo kako posluju

privatne televizije, one su samofinansirajuće i to im uspeva da ostanu na tržištu a evo koliko novaca se samo izdvaja i iz Kantona, odnosno koliko građani plaćaju za televiziju koju imamo i za njen rad. U odnosu na ukupne prihode, moram kazati da su vlastita ostvarena sredstva u strukturi od svega 17,86%. Radi ozbiljnosti Skupštine ja ću objediniti pa ću govoriti i za 2014 dati par primjedbi na ovaj izvještaj. Ukupni prihodi su iznosili 4.137.000 KM od čega je budžet Kantona pomogao ovoj TV sa 3.350.000 KM. A vlastiti prihod je oko 787.689 KM. Dakle manji je u odnosu na onaj iz 2013 godine za 8,72% i to je zabrinjavajući trend. Dakle bilježi se pad tako malih finansijskih rezultata ostvarenih u 2013 godini. A konkretan pokazatelj je da je u 2014 iskazana dobit od svega 7.500 KM. Prihod od marketinga su također manji za 4.069 KM u odnosu na 2013 godinu. Bilo bi korisno i zaista mogli bi da vidimo mnogo iz toga što nemamo da vidimo izvještaj za 2015 godinu kako bi smo znali da li je ostvaren neki napredak u ostvarivanju prihoda, posebno onih od marketinga koji vidimo imaju tendenciju pada. To što nemamo izvještaj za 2015 godinu danas također je problem, ali ne samo TVSA nego i struktura koje su trebale osigurati postojanje upravljačkih i nadzornih struktura. Jer podsjećanja radi, posljednja sjednica NO održana je u septembru 2014 godine. Što je neprihvatljivo za sve nas, a posebno za one ljude koji su izabrani da sjede u upravljačkim strukturama i doprinose razvoju ove televizije. Mislim da je slabost ovog Revizorskog izvještaja, i to ćete se svi složiti jer je dostavljeno nam je revizija čini mi se provedena od naručenih revizora a ne od strane revizije do koje se došlo u javnoj otvorenoj i nezavisnoj proceduri. Vrlo je malo školskih, edukativnih i drugih sada govorimo o uređivačkoj politici, a vidjeli smo i nedavne nemile događaje u Kantonu Sarajevo koliko nam je sektor taj zapostavljen i smijem reći potpuno nerazvijen. Detaljnom analizom dostavljenih sadržaja vidljivo je da TVSA nije još uvijek ono što se od nje očekuje a posebno što očekuju građani Kantona Sarajevo. Jedan ozbiljan javni tv servis ima puno propusta i moram kazati da je uređivačka politika na nivou onih iz vremena kada je još sjećamo se Sovjetski savez gubio utakmicu od Jugoslavije pa je nakon mjesec dana su objavljeni rezultati. Skriveni rezultati. To nam ne treba jer evo pogledajte samo portal TVSA. U top deset vijesti imate vijesti stare tri dana. Dakle ako želite da malo zaustavite vrijeme slobodno pogledajte portal TVSA. Ako je to do ljudskih resursa i ako tamo radi jedan čovjek, zašto se ne pojača taj segment. To je greška upravljačkih struktura. Dakle, to su stare informacije i potpuno deplasirane. A cenzura se vrši kao nikada ranije. Imaju dvije osobe koje su zadužene za uređivačku politiku takoreći koje preko te uređivačke politike zapravo siguran sam, na neki način ostvaruju svoje političke ambicije, političke ambicije svojih braćnih drugova ili rođaka itd. što je nedopustivo apsolutno. Probudi se svojevrsni pritisak pa smo svjedoci da ekipa ode i snimi uvođenje dežura u Općoj bolnici a da se ni jednim riječu ne kaže u informativni program na TVSA. Zašto? Pa znate u ovom vremenu u kojem danas živimo svaki portal objavi informaciju. I naravno i vi znate i preko društvenih mreža postoji mogućnost da svaki prijatelj prijatelju preporuči poveznicu ili na neki način pošalje video link da proprati određenu zanimljivu informaciju. Taj uređivački horor koji nije svojstven profesionalnim medijima zaista je nedopustiv. Pa ako ne objavi TVSA što se tiče Kantona Sarajevo objavit će drugi medij onda će se donijeti sud o uređivačkoj politici koja je neprihvatljiva upravo toj televiziji. Takve stvari su zaista nedopustive i mislim da se podhitno mora uraditi nešto imenovanjem novih upravljačkih struktura koje će biti kompetentne da uređuju i na neki način kreiraju program. To oko Opće bolnice što se cenzuriralo, snimatelji su snimili materijal, a nije objavljeno, oko uvođenja dežura. Pa pazite, to bi moglo jedino logikom tom, da možda TVSA ne prati, možda se to događalo u Ruandi, a ne na području Kantona Sarajevo oko Opće bolnice. Isto tako oko određivanja pritvora predsjedniku SBB-a Fahrudina Radončića ni jedne vijesti sa zakašnjenjem od tri dana. Šta je problem u tome da se objavi snimljena recimo izjava Dragana Čovića vezano za to? Ko vrši cenzuru? Ja zapravo i znam određene te ljude koji imaju stalnu tu konekciju sa nekim ljudima iz politike. I na temelju toga određuju i časni ljudi dole ima, ja sam dugo bio rukovodilac, četiri godine i poznajem jako dobro te ljude ali su oni sada izloženi svojevrsnom mobingu i pritisku da se cenzuriraju vijesti, nemajući pri tome u vidu da svi drugi mediji objavljuju. Objavite suhu informaciju, kako mi to zovemo u novinarstvu i ne treba nikakav komentar ali treba registrirati, odnosno zabilježiti taj događaj, jer kako se u novinarskom žargonu kaže ako to ne uradite propucali ste vijest koja se desila na području Kantona Sarajevo. I mogao bih da vam navedem sijaset još primjera koji se odnose na takve stvari i sasvim sigurno da treba ozbiljna intervencija kako bi to napokon postala javnaja javna televizija koja će biti u funkciji

građana. Ako bude trebalo, zadržavam pravo da još nekoliko stvari tražim i da budem konkretan i precizan i ako treba poimenice da kažem, i molim upravljačke strukture da izbjegnu praksu koja se primjenjivala proteklih godina i ja sam ih osjetio dobro na svojim leđima da se ne mijenjaju a taj Poslovnik o radu i interna zakonska akta da bi se prilagodila nekom nekompetentnom izvršnom direktoru ili direktoru. To je nedopustivo u ovom društvu i ako hoćemo naprijed i ako misle ljudi u TVSA da se poboljša gledanost i da bude uvažen medij u konkurenciji toliko medija onda mislim da se treba poraditi ozbiljno i u neku ruku zalažem se za to da se ljudi, da im se više ne pruži prilika onima koji urušavaju ugled ove TV kuće jer ako nastave bojim se da daju za pravo i zastupniku Kojoviću koji u neku ruku u jednom trenutku postavlja i pitanje svrhe postojanosti te televizije s obzirom da se izdvajaju ogromna budžetska sredstva za ono što oni rade odnosno ne rade. Hvala vam lijepo.

Poslanik/zastupnik Neira Avdibegović:

Hvala uvažena predsjedavajuća. JP TVSA je u 2013 i 2014 iskazala dobit u poslovanju. I to 2013 oko 14, a 2014 oko 7000 KM. Pozitivno poslovanje je prvenstveno ostvareno drastičnim mjerama štednje na svim pozicijama. Međutim prostora za dalje uštede nema i to bi moglo prouzrokovati dalje probleme u poslovanju. Analizom izvještaja uočljiv je nedostatak inovativnosti i efikanosti u radu i djelovanju ovog preduzeća kao i preambiciozni godišnji planovi koje nije moguće ostvariti. Primjer nerealnog planiranja je prihod od marketinga koji u 2014 ostvaren svega 75% a kao obrazloženje se navode katastrofalne poplave i odredbe Regulatorne agencije za komunikacije. Poslovanje TVSA otežava i činjenica da nije u sistemu praćenja gledanosti zbog kako stoji izuzetno visoke cijene ove usluge koja iznosi 120.000 KM godišnje. Na ovaj način je međutim onemogućen pristup najvećem broju potencijalnih klijenata, između 80 i 90% tržišnog potencijala što bi sigurno rezultiralo dodatnim profitom. Smatram da se budućem periodu treba preispitati ova odluka menadžmenta i iznaći volje za rješavanjem ovog problema. Također ni u 2014 nije realizovan planirani proces digitalizacije a web portal TVSA čiji se potencijal može i mora dosta bolje iskoristiti je u potpunosti zapostavljen. Dalje, evidentna je kadrovska nepokrivenost i izuzetno dotrajala oprema za rad. Međutim dio odgovornosti za ovakvo stanje snosi sam osnivač, jer se TVSA od oktobra 2014 godine suočava sa problemom nepostojanja uprave,. A od septembra 2014 nisu se održavale ni sjednice NO jer isti nije nikada imenovan. Cijeneći napore uprave da se uz svojevrsne blokade i u vremenu velike konkurencije kada privatni mediji ubiru ogroman profit ostanu u domenu pozitivnog poslovanja, *Klub DF-a će podržati izvještaj uz prijedlog da se održi tematska sjednica na kojoj će se razmatrati uloga TVSA kao javnog emitera, kakav to medij treba Kantona Sarajevo i na koji način se može unaprijediti i obogatiti programski sadržaj istog.* Toliko, hvala.

Predsjedateljica:

Zatvaram raspravu. Izvinite nisam vas vidjela. Gospodine Haliloviću izvolite.

Poslanik/zastupnik Semir Halilović:

Dakle, kada je u pitanju poslovanje TVSA, kao i svake druge televizije u državnom vlasništvu na bilo kom nivou BIH, ti ljudi posluju u skladu sa okruženjem i normama koje im je formirala politika. Politika je kreirala ambijent u kojem oni djeluju. Politika je kreirala i veliki dio uređivačke politike koja se tamo prikazuje i ne treba praviti iznimku ovdje od TVSA. U osnovi svaka druga televizija od općinskog do državnog nivoa funkcionise po istom principu. Ono o čemu Kanton Sarajevo treba razmisliti u budućnosti, ali ozbiljno razmisliti, a to je da li zaista u vremenu brzih medija puno bržih, izgleda da su svi prehladeni danas, puno bržih medija nego što je televizija, da i je zaista opravdano narednih nekoliko, pet ili deset godina imati televiziju na kantonalnom nivou ili je bolje frekvenciju, resurse uz zadržavanje radnika predati privatniku u ruke. O tome treba ozbiljno razmisliti. Kada je u pitanju o čemu su govorile moje kolege uređivačka politika TVSA vjerovatno su vi nezadovoljni ili svi svi našli zamjerku u onom dijelu koji se tiče pažnje koja je usmjerena prema svakom od faktora koji ovdje sjede. Prvo u ovoj Skupštini. Ali u principu, dobre i loša vijest se daleko čuju tako da ne treba tu previše primati k srcu. Ja želim da istaknem jednu pozitivnu stranu TVSA a to je da su u proteklih par godina , sada je to nešto stalo imali sjajan dokumentarni

program sa minimumom sredstava imali su zaista vrhunski predivan program dokumentarnih serijala na svojoj tv, što je recimo u zadnje vrijeme stalo. Izvještaj treba podržati ali mislim da Vlada Kantona Sarajevo u perspektivi treba izaći sa nekom vrstom dugoročnog vizije da li ova i ovakva televizija može ostati u ovakvom obliku i u ovakvoj vlasničkoj strukturi unutar Kantona Sarajevo.

Predsjedateljica:

Hvala lijepo. Zaključujem raspravu.

a)

**MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I POSLOVANJU JP „, TELEVIZIJA KANTONA SARAJEVO“ D.O.O. SARAJEVO ZA 2013. GODINU
KONSTATUJEM DA SKUPŠTINA NIJE USVOJILA OVAJ IZVJEŠTAJ.**

b)

**MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I POSLOVANJU JP „, TELEVIZIJA KANTONA SARAJEVO“ D.O.O. SARAJEVO ZA 2014. GODINU
ZA JE GLASALO 6, PROTIV ništa I SUZDRŽANO 20.
KONSTATUJEM DA SKUPŠTINA NIJE USVOJILA OVAJ IZVJEŠTAJ.**

Prelazimo na 12 tačku dnevnog reda.

AD – 12.

- A) IZVJEŠTAJ O POSLOVANJU KANTONALNOG JAVNOG PREDUZEĆA ZA GAZDOVANJE DRŽAVNIM ŠUMAMA “SARAJEVO – ŠUME” D.O.O. SARAJEVO ZA 2013. GODINU;**
- B) IZVJEŠTAJ O POSLOVANJU KANTONALNOG JAVNOG PREDUZEĆA ZA GAZDOVANJE DRŽAVNIM ŠUMAMA “SARAJEVO – ŠUME” D.O.O. SARAJEVO ZA 2014. GODINU**

Navedene izvještaje dobili ste uz poziv za sjednicu.

Također predlažem da kao i prethodnim tačkama o ovim izvještajima provedemo jedinstvenu raspravu, a onda da se izjašnjavamo pojedinačno.

Da li se slažemo sa ovim? Tko je za? Protiv? Ništa, suzdržan ništa. Dobro.

Konstatujem da smo usvojili ovaj prijedlog. Molim predstavnika Predlagača da podnese uvodne napomene. Nema predlagača. Nema potrebe. Ima li pitanja? Nema. Otvaram raspravu.

Poslanik/zastupnik Slaviša Šućur:

Evo čovjek prosto ne zna odakle bi krenuo kada pričamo o ovom izvještaju. Mislim da ima nekoliko suštinskih problema da je ovo prilika da mi o njima i porazgovaramo. Način na koji je sačinjen ovaj izvještaj je potpuno neadekvatan za firmu kao što je preduzeće Sarajevo-šume. I za njenu ulogu. Dakle to je preduzeće koje ima sasvim specifičnu ulogu, ono ne radi po istim principima kao druga preduzeća i na žalost kreće se u jednom neadekvatnom zakonskom okviru koji traje već u najmanju ruku skoro zadnjih 15 godina. O čemu se ovdje radi? Sarajevo-šume gazduju javnim dobrom, to su naše šume. Ono što je u ovom izvještaju evidentno, da oni dakle u izvještaju vode šume kao vlastiti kapital. Po meni je to potpuno nelogično neadekvatno i to je

revizor istakao u svom izvještaju jer ga nikada nisu registrovali u papirima o registraciji ne postoje šume kao kapital i mislim da je to i logičnije. Kada pogledate vrijednost kapitala, nešto preko 370 ili 380 miliona vrijednost šume, jel iko obračuna amortizaciju na to? Kada bi to neko uradio dobili bi smo sasvim drugačiji rezultat i ovo preduzeće ne bi bilo ni blizu pozitivnog poslovanja. Ali nije to izvor problema. Izvor problema nakon Zakona o pretvaranju društvenog u državno vlasništvo nikada nismo odredili titulara dakle ko je zaista vlasnik nad šumama i šumskih zemljištem koje su bile u društvenom vlasništvu i to otvara čitav niz drugih problema i odatle dolaze svi nesporezumi koji se odnose i na zakonodavstvo i na realizaciju svega onoga što se u šumama dešava. Za razliku od drugih preduzeća koja svoje planove rada formiraju na drugi način, šumsko privredno društvo bi trebala da rade na realizaciji dokumenata koji se zovu šumsko-privredne osnove. To je ono što struka uradi za svako šumsko privredno područje koje pokriva jedno društvo i gdje je opisano kakvi sve radovi treba da se izvedu u periodu od 10 godina. Ovaj izvještaj je nemoguće ocjenjivati bez izvještaja o realizaciji šumsko privrednih osnova i mi smo kao odbor za poljoprivredu tražili dakle kada je ovaj izvještaj bio prvi put na dnevnom redu prije nekoliko mjeseci da se uz izvještaj dostavi i izvještaj o realizaciji. Mi ga do dana današnjeg nismo dobili. Ja slučajno po privatnim linijama znam da je takav izvještaj Uprava za šumarstvo pripremila i mislim da ga je uputila bila prema Vladi, on se jednostavno negdje u svemu tome zagubio. Kada bi ste vi imali priliku da vidite taj izvještaj vidjeli bi ste da smo mi u dubokom problemu. Ovakav izvještaj je rezultat nečega što su šumsko privredna društva shvatila kao izlaz da sakriju probleme koji postoje u oblasti šumarstva i od 2010 oni jednostavno svi su napravili neki koncenzus da se pravi izvještaj ovakav da nigdje se ne spominje osnova. Dakle vi radite one poslove koji vam donose određene prihode. Kada pogledamo ove izvještaje koji se sada kriju a zadnji relevantan iz 2010 koji je zvanično objavljen bio od Federalne uprave za šumarstvo je govorio da se radovi obavljaju otprilike sa 80 do 90%. Šumsko uzgojni radovi, izgradnja komunikacija u neuporedivo manjem procentu. Dakle mi radimo konstantno i uporno na devastaciji šuma ne radeći ono što bi u tim šumama bilo nužno da se radi. Finansijski izvještaj neke dobiti 10, 15 do 30.000 KM sakriva činjenicu o štetama čiji iznosi su milionski. I mislim da je to neodrživo. Ovo nije kritika na račun uprave, da ne bi neko pogrešno razumio mi ocjenjujemo izjašnjavanjem za i protiv izvještaja kao nekakvu ocjenu rada uprave. Ovdje su problemi toliko duboki da ne postoji da samo ovo preduzeće kao takvo zaista ne može puno da učini. Ima slabosti da se razumijemo, da ne bi bilo zablude, puno tu ima elemenata koji pokazuju da se čak evo u okviru ovog izvještaja kriju mnoge nepravilnosti, u praksi se dešava svašta. Ja mislim da mi i ono što usječemo i izvezemo najčešće prodamo ispod realne cijene i opet niko ne prikazuje šta je to što je doznačeno. Zna se tačno vrijednost svakog trupca prije nego što se posiječe i nemamo mi izvještaja o tome koliko šta je doznačeno a koliko se novaca za to uzelo. Tu se krije čitav niz problema. Neću da ulazim u detalje ovom prilikom da zamaram ovaj skup. Ali mi smo i na odboru donijeli zaključak i ja mislim da bi bilo nužno da pripreмимо i da ova Skupština pripremi jednu ozbiljnu tematsku raspravu o tome šta se dešava sa ovim resursom i da budemo spremni, pošto znam da se sprema i Federalni Zakon o šumama, mislim da je logično da taj Zakon i bude smješten tamo a ne u kantone jer granice uticaja gazdovanja šumama daleko prelaze granice bilo kog Kantona. Mislim da bi bilo dobro da budemo spremni da imamo neki stav kojim ćemo uticati na konačni ishod cijele ove priče. da ne kažem da evo kao načelna primjedba zaista raspravljati o izvještajima koji su stari godinu dvije a ne znamo šta se dešavalo u prokletoj godini mada ne vjerujem kažem s obzirom na sve okolnosti koje se ovdje u ovoj oblasti dešavaju, ja jednostavno ne vjerujem da je situacija značajno bolja. Bojim se da može biti samo i gora. Za sada toliko. Hvala.

Poslanik/zastupnik Bibija Kerla:

Meni je žao stvarno što je konkurs za dodjelu Šestoaprilske nagrade Grada Sarajeva završen jer po svojoj prilici ja bih iskreno da kažem da predložim Skupštinu Kantona Sarajevo za dodjelu te nagrade jer smo mi usvojili ili ne usvojili toliko izvještaja iz 2013 ili 2014 da stvarno to više ne pojmljivo. Bilo bi dobro da se stvarno danas ili usvoji i da se konačno kaže da smo završili tu 2013 i 2014 godinu, bez obzira o kojoj se firmi radi. Jer mi ipak smo stupili na dužnost 2015 godine i treba da radimo naš posao a da ne radimo neki posao nekih ljudi koji su bili 2013 i 2014. hvala lijepo.

Poslanik/zastupnik Zvonko Marić:

Hvala predsjedavajuća. Moram da kažem da ovaj izvještaj obiluje nizom nevažnih podataka o svom poslovanju čime je očigledno trebalo da se stvori utisak i da se prikriju one stvarne greške i mane u poslovanju ovoga poduzeća. Ne bih želio da budem nekorektan pa ću reći da za ovo stanje koje je katastrofalno u Sarajevo-šumama nije kriv aktuelni menadžment ali jeste u mjeri u kojoj je na čelu te firme. Dakle ovi nagomilani gubici i ova dubioza u Sarajevo-šumama su posljedica lošeg poslovanja i gazdovanja šumskim sortimentima. Imate niz stvari kojima bih mogao da govorim ali pored ostalog izdvojiti ću samo nekoliko podataka koji zorno govore o tome kako se zapravo gazduje šumama na području Kantona Sarajevo. Ali ovo nije samo svojstveno na žalost Kantonu Sarajevo već i nekim drugim kantonima, uključujući i entitet RS-a. Na početku izvještaja evo obiluje izvještaj stručnom spremom zaposlenika a ni u jednom trenutku ne kaže se koja je potreba za stvarnim optimalnih brojem zaposlenika koji tamo rade. Tamo su uglavnom ne proizvodni kadar. Dakle onaj koji ne donosi neku rekao bih korist za ovo poduzeće ali ono što bih posebno istakao i javna je tajna da uglavnom kooperanti obavljaju mnoge te poslove za poduzeće koje je zapravo košta to poduzeće i zato je ta dubioza toliko evidentna. Ono što je posebno značajno je činjenica da recimo evo da se obiljem podataka detaljnih izvještaja pokušavaju prikriti zapravo taj višak neproizvodnih kadrova. Molim vas da li vi možete da zamislite poduzeće koje prikazuje 14 miliona KM prihoda a ostvareni profit od 10.000 KM. Da li ima to igdje na svijetu? Pa naravno da nema. To ima samo u Sarajevo-šumama i poduzećima sličnim njemu. I jedna je vrlo važna stvar. Pogledajte recimo stavku na kontu 50. na strani 1. nabavna vrijednost prodane robe u toj rubrici stoji 0. dakle nabavne robe za proizvodnju i trgovinu. Ne plaća se uopće. Šuma je zapravo božja blagodet. To je da uprostim ovako otprilike. Kada bi vam neko poklonio tri šlepera telefona Iphon najmoderniji i vi prodate i ostvarite tako gubitak a to vam doniramo i poklonjeno. Tako i sa šumama. To je prava umjetnost kako se proizvode gubici. Dakle, i oni se gomilaju godinama. Isto tako zamislite preduzeće koje ne plaća tu sirovinu i koje iskaže stopu profitabilnosti od 0,07%. U šume na raspolaganje i materijalna pomoć koja stalno pristiže od Kantona. Čak im se dotiraju sredstva za njihovo poslovanje. Ta rastrošnost taje zaista nepodnošljiva. Umjesto da ovaj izvještaj sadrži ovakve i slične analize i umjesto da se bavi podacima o realizaciji šumsko privredne osnove i ciljeva zadatih izvjestilac trošeci novac za papir tonere uposlene ovo preštampavanje preslikavanje itd. želi da obmanu ovdašnje zastupnike što je zaista neprimjereno. U izvještaju na strani 56 izvjestilac prezentira recimo podatke o potraživanjima o obavezama društva. Dakle, ta potraživanja iznose cca 1,5 milion KM a zamislite obaveze su 6.400.000 KM. Što znači da su obaveze društva veće od potraživanja za cca 5 miliona. Međutim ovaj podatak se uopće ne komentariše. Prolazi se mimo njega i onda razumijem zašto je već jednom povlačen ovaj izvještaj iz procedure iako je bio uvršten u tačkama dnevnog reda. U tabeli koja prezentira izvršenje šumsko uzgojnih radova na strani 19 konstatuje se izvršenje šumsko privrednom osnovom planirani od 84% ili 1.173.917 KM . dakle osnovni predviđeni trošak je otprilike 1,4 miliona KM. Ako pogledamo izvore finansiranja u istoj tabeli proizilazi da od obavezujućih 1,4 miliona Sarajevo – šume su u šumu vratile svega 200.000 KM. Treba li išta govoriti o ovome. Zaista su rezultati poražavajući i ja bih molio ako je moguće, recimo navest ću još jedan primjer znate da zapravo kooperanti rade veliki dio ovih poslova i izvođač i nadzor dozvoljava i takvu situaciju da se recimo ugrađivanje žičane ograde sa hrastovim kolcima plaća dobavljačima 12 KM. A znamo iz iskustva da to ne košta ni 5 KM. Dakle rastrošnost ova je nedopustiva i sasvim sigurno nije bilo razloga ni za bilo kakve šumarijade koje se dešavaju do jutarnjih ranih sati uz živu muziku, odlazaka, zamislite u Mađarsku. Kako je moguće u Mađarsku otići na stručnu ekskurziju. To je samo po sebi nespojivo. Šta zapravo polučiti takva posla? Pa ja mislim da bi se ministar privrede morao zabrinuti oko toga i zaista učiniti da počne sa ozdravljenjem ovog neslućenog blaga koje ima Kanton Sarajevo. I da ne bih više nabrajao takve primjere a ima ih veliki broj. Evo mogu ih, u rukopisu sam zabilježio mnogo tih cifara predlažem da se na neki način upravljačkim strukturama skrene pažnja ili da se u neku ruku ouszbilje upravljaajući ovim resursima koji su zaista, ponavljam, božja blagodet koja ide u nepovrat. Hvala vam puno.

Predsjedateljica:

Hvala lijepo gospodine Marić. Za riječ se javio gospodin Amar Dovadžija. I molim zastupnike da se ne igraju na mobitelima jer se to jako vidi i nije primjereno. Znam da gubimo koncentraciju, ali budimo strpljivi još malo.

Poslanik/zastupnik Amar Dovadžija:

Zahvaljujem. Obzirom da dolazim sa općine koja značajno tj više od 50% učestvuje sa prirodnim resursima u ukupnom prihodu KJP Sarajevo-šume doo Sarajevo želim da se osvrnem na ove izvještaje. Prije svega želim da napravim mali uvod kako je trenutno rukovodstvo Sarajevo – šuma zateklo na čelu sa gđinom Nerminom Demirovićem. U 2012 godini gubitak Sarajevo – šuma je bio 1.462.4447 KM: a neizmirenih obaveza po osnovu poreza i doprinosa za period 01.01.2010 do 31.01.2011 u iznosu od 2.049.602 KM. A obaveze koje je KP Sarajevo – šume imalo za period na dan 31.12.2012 9.220.550 KM. KP Sarajevo –šume doo Sarajevo na čelu sa pomenutim direktorom jedno od preduzeća u Kantonu Sarajevo koje u posljednje godine bilježi uspon u svom radu. Danas je u ovom preduzeću slika sasvim drugačija od one koju su oni zatekli tamo. Preduzeće uredno isplaćuje sve obaveze prema radnicima, napravila se značajna ušteta u svim segmentima u poduzeću t je preduzeće po prvi put od nastanka preduzeća iz vlastitih sredstava izvršilo nabavku opreme i sredstava za rad. Uzimajući u obzir da je osnovna djelatnost kojom se preduzeće bavi i da se ta djelatnost smatra opasnom i teškom jer se radi o šumi i izuzetno teškim i nepristupačnim terenima, također se radi o djelatnosti koja zavisi od vremenskih uslova a svi smo svjedoci kakvi su vremenski uslovi bili u prethodne tri godine. Mislim da je ovo rukovodstvo opravdalo na neki način iako evo apsurdno je da usvajamo 2013 i 2014 iako uvijek mora i može bolje, mislim da su oni na neki način, uzimajući u obzir također da je na dan 31.12.2015 godine obaveze ovog preduzeća smanjili su sa 9.220.000 na 5.100.000. Naravno uvijek se mora i može bolje ali želim da vidim neke pozitivne stvari. Slažem se ima tu i negativnih stvari. Ima nekih stvari na kojima treba raditi ali nekada moramo vidjeti i ove pozitivne stvari. Zahvaljujem.

Predsjedateljica:

Hvala gospodine Dovadžija. Nema više niko za javljanje, zatvaram raspravu. Zaključujem raspravu i prelazimo na pojedinačno izjašnjava.

Dakle po ovoj prvoj tački:

a)

MOLIM POSLANIKE DA PRISTUPE IZJAŠNJAVANJU O IZVJEŠTAJU O POSLOVANJU KANTONALNOG JAVNOG PREDUZEĆA ZA GAZDOVANJE DRŽAVNIM ŠUMAMA “SARAJEVO – ŠUME” D.O.O. SARAJEVO ZA 2013. GODINU

Ko je za? Ko je protiv? Suzdržan? Dobro.

KONSTATUJEM DA JE SKUPŠTINA USVOJILA OVAJ IZVJEŠTAJ.

Idemo pod b.

b)

MOLIM POSLANIKE DA PRISTUPE IZJAŠNJAVANJU O IZVJEŠTAJU O POSLOVANJU KANTONALNOG JAVNOG PREDUZEĆA ZA GAZDOVANJE DRŽAVNIM ŠUMAMA “SARAJEVO – ŠUME” D.O.O. SARAJEVO ZA 2014. GODINU

Ko je za? Protiv? Suzdržan?

Znači Za je 23, protiv 3 i 4 suzdržana.

KONSTATUJEM DA JE SKUPŠTINA USVOJILA OVAJ IZVJEŠTAJ.

Nastavljamo dalje.

Imamo 13. tačku dnevnog reda.

Poslanik/zastupnik Mirza Čelik:

Predsjedavajuća, ja bih vas samo molio trenutak pažnje, ako može. Pošto vidim da i kolege i kolegice zastupnici već gube koncentraciju, ja bih vas molio da prekinemo ovu današnju sjednicu a da nastavak planiramo ili 10 ili 11 februara ovu sjednicu da završimo.

Imamo puno toga. Imamo informaciju o kojoj bi trebalo raspraviti vezano.

Predsjedateljica:

Imamo još dva izvještaja pa sam ja, ja sam svjesna toga da smo iscrpljeni.

Poslanik/zastupnik Mirza Čelik:

Ja bih vas lijepo molio imamo informaciju o maloljetničkoj delikvenciji i mislim da bi o njoj trebali da raspravljamo kvalitetno i da prenesemo sliku, naravno ono što je radilo i Vlada i premijer zajedno sa resornim ministrima da to jednostavno bude slika onoga što se i radilo. Evo ja bih vas molio da prekinemo današnju sjednicu ako se kolege i kolegice slažu.

Predsjedateljica:

Da li želite da o ovome glasamo? Ja mislim da nema potrebe. Slažemo se s ovim. Hvala gospodine Čelik.

Zaključujem sjednicu i najavit ćemo nastavak ove sjednice i datum, naravno. Hvala lijepo na saradnji i na radu koji je bio iscrpljujući i kvalitetan.

Sjednica zaključena u 17,21 sati.

STENOGRAM
NASTAVKA 11. RADNE SJEDNICE
Skupštine Kantona Sarajevo
održane 10.02.2016 godine sa početkom u 10,00 sati

Predsjedateljica:

Otvaram nastavak 11. Radne sjednice Skupštine Kantona Sarajevo. Pozdravljam uvažene kolege i kolegice zastupnike, članove Vlade i uvažene goste, kao i predstavnike medija koji prate današnju sjednicu. Nadam se da će cijenjeni gledaoci Televizije Kantona Sarajevo sa pažnjom pratiti rad današnje Skupštine, te im upućujem pozdrave, a nama želim ugodnu radnu atmosferu. Prema evidenciji Službe, sjednici prisustvuje 32 zastupnika što je dovoljan broj za punovažan rad i odlučivanje.

Izostanak sa ove sjednice nisu opravdali, odnosno odsutni su: Pecikoza, Filipović i gospodin Mešanović je najavio kašnjenje od 30 minuta.

Podsjećam vas da smo na prethodnom zasjedanju koje je održano 01.02.2016.godine obradili dvanaest tačaka Dnevnog reda, te nam tako preostaju sljedeće tačke:

13.

- c) Izvještaji o poslovanju KJKP "Rad" d.o.o. i KJKP "Sarajevogas" d.o.o., za 2013.godinu;
- d) Izvještaji o poslovanju KJKP „Tržnice i pijace“ d.o.o., KJKP „Rad“ d.o.o., i KJKP „Sarajevogas“ d.o.o., za 2014.godinu;

14. Izvještaj Ministarstva saobraćaja Kantona Sarajevo o broju dopunskih taksi oznaka u Kantonu Sarajevo;

Koristim priliku da napomenem da je tehničkom greškom na pozivu koji ste dobili za nastavak ove radne sjednice redni brojevi 8 i 9, greškom upisan umjesto 13 i 14.

Tako da sada prelazimo na realizaciju preostalog dnevnog reda. Znači to je tačka 13.

AD – 13.

- a) **IZVJESTAJI O POSLOVANJU KJKP "RAD" D.O.O. I KJKP "SARAJEVOGAS" D.O.O., ZA 2013.GODINU;**

- b) **IZVJEŠTAJI O POSLOVANJU KJKP „TRŽNICE I PIJACE“ D.O.O., KJKP „RAD“ D.O.O., I KJKP „SARAJEVOGAS“ D.O.O., ZA 2014.GODINU;**

Navedene izvještaje dobili ste također dobili uz ovu sjednicu.

Kao i prethodnim tačkama dogovorili smo i predlažem da po ovim izvještajima provedemo jedinstvenu raspravu, a da se izjašnjavamo pojedinačno o svakoj tački.

Pa vas molim da se izjasnimo glasanjem da li se slažete sa ovim prijedlogom. Tko je za? Tko je protiv? Suzdržan? U redu.

32 ZA, protiv ništa, suzdržano ništa.

Konstatujem da je Skupština donijela odluku da se po ovim izvještajima provede jedinstvena rasprava i pojedinačno izjašnjavanje.

Molim predstavnika predlagača da podnesu uvodne napomene. Nema. Dobro. Hvala. Ima li pitanja? Nema pitanja. Otvaram raspravu. Zaključujem raspravu.

Predlažem da se pojedinačno izjašnjavamo po tački 13 a. A ja moram zbog stenograma, izvinjavam se.

Dakle,

a)

MOLIM POSLANIKE DA PRISTUPE IZJAŠNJAVANJU O IZVJEŠTAJU O POSLOVANJU KJKP "RAD" D.O.O. ZA 2013. GODINU

Temeljem glasanja ZA je bilo 21, protiv ništa, suzdržan 11.

KONSTATUJEM DA JE SKUPŠTINA USVOJILA OVAJ IZVJEŠTAJ.

-0-

MOLIM POSLANIKE DA PRISTUPE IZJAŠNJAVANJU O IZVJEŠTAJU O POSLOVANJU KJKP "SARAJEVOGAS" D.O.O., ZA 2013.GODINU

Temeljem glasovanja Za je bilo 20 poslanika, protiv ništa, suzdržano 12.

KONSTATUJEM DA JE SKUPŠTINA USVOJILA OVAJ IZVJEŠTAJ.

b)

MOLIM POSLANIKE DA PRISTUPE IZJAŠNJAVANJU O IZVJEŠTAJU O POSLOVANJU KJKP „TRŽNICE I PIJACE“ D.O.O. ZA 2014 GODINU

Za je bilo 19, protiv ništa i suzdržano 13.

KONSTATUJEM DA JE SKUPŠTINA USVOJILA OVAJ IZVJEŠTAJ.

- 0 -

MOLIM POSLANIKE DA PRISTUPE IZJAŠNJAVANJU O IZVJEŠTAJU O POSLOVANJU KJKP "RAD" D.O.O. ZA 2014.GODINU

Temeljem glasovanja Za je bilo 21, protiv ništa, suzdržano 11.

KONSTATUJEM DA JE SKUPŠTINA USVOJILA OVAJ IZVJEŠTAJ.

- 0 -

MOLIM POSLANIKE DA PRISTUPE IZJAŠNJAVANJU O IZVJEŠTAJU O POSLOVANJU KJKP "SARAJEVOGAS" D.O.O. ZA 2014.GODINU

Temeljem glasovanja Za je bilo 19, protiv ništa, suzdržano 13.

KONSTATUJEM DA JE SKUPŠTINA USVOJILA OVAJ IZVJEŠTAJ.

Prelazimo na 14 tačku dnevnog reda.

AD – 14.

IZVJEŠTAJ MINISTARSTVA SAOBRAĆAJA KANTONA SARAJEVO O BROJU DOSTUPNIH (rekla sam dopunskih) DOPUNSKIH TAKSI OZNAKA U KANTONU SARAJEVO

Izvještaj ste također dobili. Molim predstavnika Predlagača da podnese uvodne napomene. Ima li potrebe? Nema. Hvala. Ima li pitanja? Nema. Otvaram raspravu. zatvaram raspravu. zaključujem raspravu i prelazimo na izjašnjavanje.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU MINISTARSTVA SAOBRAĆAJA KANTONA SARAJEVO O BROJU DOSTUPNIH TAKSI OZNAKA U KANTONU SARAJEVO

**Temeljem glasovanja imamo 30 ZA, protiv ništa, suzdržano 2.
KONSTATUJEM DA JE SKUPŠTINA USVOJILA OVAJ IZVJEŠTAJ.**

Ovim smo iscrpili sve tačke Dnevnog reda.

Shodno zaključku Skupštine sa zasjedanja održanog 01.02.2016.godine, danas ćemo razmatrati također i informacije i informativni materijal, koji nam je dostavljen u materijalima:

1. Izvještaj o zaduženju Kantona Sarajevo kod Sberbank d.d. Sarajevo broj: JN-ZP-08-01-14-18572-19/15, koji je podnio ministar finansija Kantona Sarajevo;
2. Informacija Ministarstva za obrazovanje, nauku i mlade Kantona Sarajevo o realizaciji Zaključka Vlade Kantona Sarajevo broj: 02-05-211-5/16 od 07.01.2016. godine;
3. Informacija Ministarstva za rad, socijalnu politiku, raseljena lica i izbjeglice Kantona Sarajevo o realizaciji Zaključka Vlade Kantona Sarajevo broj: 02-05-211-5/16 od 07.01.2016. godine;
4. Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za period decembar 2015. godine;
5. Informacija Tima za implementaciju Akcionog plana za prevenciju maloljetničkog prijestupništva i rad sa maloljetnicima u sukobu sa zakonom 2014-2016., o učinjenim mjerama koje su predviđene navedenim Akcionim planom

Molim zastupnika Mirzu Čelika, obzirom da je on insistirao na prekidu 11. Radne sjednice kako bi smo se posvetili temeljito navedenim informacijama, da nam sada obrazloži svoj prijedlog. Izvolite gospodine Čelik.

Poslanik/zastupnik Mirza Čelik:

Zahvaljujem. Poštovana predsjedavajuća, dopredsjedavajući, sekretaru, premijeru, ministrice i ministri u Vladi, kolegice i kolege zastupnici, dragi gosti, gledaoci pored malih TV ekrana, esselamu alejkum i dobro jutro. Obzirom da sam i ja na 11. sjednici tražio da se odgodi sjednica, a po osnovu Izvještaja radnih tijela koje imamo, a zbog građana Kantona Sarajevo koji nemaju ove informacije, evo ja danas tražim i molim ministre, ovako kako je to i navedeno, Ministarstvo za rad i socijalnu politiku, raseljena lica i izbjeglice Kantona Sarajevo odnosno ministricu da nam da uvodne napomene i informacije šta je to Ministarstvo uradilo odnosno koje su to mjere predložene i šta je realizovano od tih mjera do sada. Također informacija Tima za implementaciju Akcionog plana za prevenciju maloljetničkog prijestupništva i rad sa maloljetnicima, evo kolegu Okerića ću zamoliti također pošto je član Tima toga da uvodne napomene da i da kaže koje su to mjere i zaključci koje ovaj Tim uradio. Također Ministarstvo za obrazovanje uvaženog Kazazovića, nauke i kulture Kantona Sarajevo da nam kaže koje su to mjere i zaključci koje je to Ministarstvo realizovalo. Evo ja vam se zahvaljujem. A kasnije nadam se da će se i zastupnici uključiti u raspravu i da otvorimo raspravu.

Predsjedavajuća:

Hvala lijepa. Obzirom da se informacije odnose na isti Zaključak Vlade, to predlažem da nam podnosioci informacija odmah iznesu uvodna izlaganja, a potom ćemo i raspravu voditi objedinjeno. Ukoliko bude zaključaka o istima ćemo se na kraju izjašnjavati. Kao što znate, informacija se prima k znanju.

Da li se slažete sa ovakvim prijedlogom, molim vas, tko je za? Tko je protiv? Suzdržan?
Temeljem glasovanja, Za je glasalo 22 zastupnika, protiv 3 i suzdržano 7.
Konstatujem da smo podržali prijedlog da vodimo objedinjenu raspravu. Hvala lijepo.

Molim predstavnike podnosioca Informacija da nam daju uvodna obrazloženja. U ovom slučaju to je ministar Kazazović, Ministarstvo obrazovanja, nauke i mladih Kantona Sarajevo. Izvolite.

Ministar Elvir Kazazović:

Zahvaljujem predsjedavajuća. Selamim i pozdravljam sve prisutne kao i gledaoce pored TV ekrana. Neću čitati obrazloženje već samo Zaključak, tj Zaključke:

Vlada Kantona Sarajevo je na 28. sjednici održanoj 07.01. donijela Zaključak

Stručni nadzor ministarstva za obrazovanje, nauku i mlade Kantona Sarajevo i inspekcijski pregled Uprave za inspekcijske poslove Kantona Sarajevo Međunarodne osnovne škole u Sarajevu. Informacija :

Ministarstvo za obrazovanje, nauku i mlade Kantona Sarajevo je uputilo tim stručnih savjetnika Prosvjetno pedagoškog zavoda da izvršni vanredni usmjereni stručni pregled Međunarodne osnovne škole u Sarajevu. Savjetnici su 06.01.2016. godine izvršili uvid u relevantne dokumente u skladu sa članom m85 i 86 Zakona o osnovom odgoju i obrazovanju Kantona Sarajevo. Izvještaj o obavljenom stručnom nadzoru stručnih savjetnika je dostavljen Ministarstvu iz kojeg se vidi da je škola uredno registrovana, da ima adekvatne uvjete za rad, te da radi u skladu sa Zakonom i uz primjenu svih relevantnih podzakonskih akata Kantona Sarajevo i internih provedbenih akata. Međunarodna osnovna škola Sarajevo osnovana je 1998 godine, kao devetogodišnja osnovna škola, verifikovana je pod brojem 223304 2.2005 godine, njen osnivač je Bosna Sema, obrazovne institucije. Škola radi u dva objekta. Objekat na Vracama gdje se odvija razredna nastava i centralni objekat na Ilidži gdje se realizira predmetna nastava. U školi se primjenjuje i realizira nastavni plan i program za OŠ Kantona Sarajevo sa zakonom dozvoljenim odstupanjem iz biologije, hemije, engleskog jezika, a izučava se i turski jezik kao treći strani jezik. Pedagoška dokumentacija i evidencija vodi se u skladu sa pravilnikom o vođenju pedagoške dokumentacije i evidencije. Ocjenjivanje učenika je kontinuirano i u skladu sa zakonom tj Pravilnikom o ocjenjivanju učenika Kantona Sarajevo. Nastavnici škole redovno se stručno usavršavaju prema planu koji donosi Školski odbor na početku svake školske godine. Saradnja škole sa porodicom odvija se kontinuirano uz primjenu različitih oblika saradnje, redovni roditeljski sastanci, informacije, telefonski kontakti, kontakti putem maila, putem smart school programa, program putem kojeg roditelji u svakom trenutku, to su tzv. elektronski dnevници, sa svakog mjesta mogu pristupiti evidenciji o dnevnim zapažanjima, ponašanja napredovanja svoje djece. Uvidom u razredne knjige, utvrđeno je da u protekloj školskoj godini evidentirana saradnja sa roditeljima u obliku roditeljskih sastanaka, informacija, te da u skladu sa godišnjim programom rada škole. Ministarstvo aktom od 04.01.2016 godine tražilo od Inspektorata rada zaštite na radu i socijalne zaštite i Prosvjetne inspekcije da je hitno obavljen inspekcijski nadzor u Međunarodnoj osnovnoj školi Sarajevo sa nadležnostima a prosvjetni inspektori izvršili su uvid u diplome 49 nastavnika i konstatovali da ovi nastavnici u pogledu profila i stručne spreme ispunjavaju uslove utvrđene nastavnim planom i programom koje je Ministarstvo odobrilo svojim aktom. Inspekcijski nadzor je nastavljen a Ministarstvo očekuje sveobuhvatnu informaciju o cjelovitom inspekcijskom nadzoru nakon što bude završen. Ministarstvo će od nadležnih institucija tražiti da nastave pojačan stručni inspekcijski nadzor nad radom svih osnovnih i srednjih škola Kantona Sarajevo.

Drugi zaključak odnosi se na pripreme za izmjene i dopune Zakona o osnovnom i srednjem obrazovanju sa ciljem poboljšanja uređenja protoka informacija i komunikacije unutar odgojno obrazovnog procesa u školama. Ministarstvo za obrazovanje, nauku i mlade Kantona Sarajevo je formiralo radne grupe u mjesecu novembru za izradu teksta Zakona o izmjenama i dopunama Zakona o osnovnom odgoju i obrazovanju i Zakon o izmjenama i dopunama Zakona o srednjem obrazovanju. Radne grupe već rade na izradi tekstova pomenutih zakona, a jedan od fokusa radne grupe je i rad na poboljšavanju zakonskih propisa sa kojim će se poboljšati oblast odgoja i bezbjednost učenika kao i protok informacija i komunikacije unutar odgojno obrazovnih procesa. Zaključak tri se odnosi na implementaciju Akcionog plana za prevenciju maloljetničkog prijestupništva i rad sa maloljetnicima u sukobu sa zakonom koji je donijela Skupština a odnosi se na period 2014, 2016 godina. Ovo je sada dosta opširno ali evo pokušat ću da sažeto iznesem.

Mjera broj 1 koja se odnosi na Akcioni plan odnosi se na Primarnu prevenciju - Jedinstven program u oblasti primarne prevencije-aktivnost se provodila u kontinuitetu i u saradnji sa

ministarstvima u čijoj se indirektnoj ili direktnoj nadležnosti nalazi ova problematika; ja moram da kažem da smo mi formirali još jednu radnu grupu osim ove koja je predložila hitne mjere od kompetentnih kadrova koji su dali i konkretne naloge šta treba da uradimo. Detekcija najčešćih oblika antisocijalnih ponašanja djece i mladih u osnovnim i srednjim školama, vršnjačko nasilje, neodgovorno seksualno ponašanje, konzumiranje alkohola, droge i duhana, nezainteresovanost za školu, nastavu i postignuća, prije svega odnosi se na izostanke sa nastave, loša organizacija slobodnog vremena, saobraćajni prijestupi djece i mladih, sklonost hazardnim igrama, trajno i povremeno napuštanje kuće, neadekvatno suočavanje sa školskim neuspjehom, vršnjački pritisak, nasilje putem savremenih informacionih tehnologija, disfunkcionalna porodica, delinkvencija djece i mladih, odupiranje vršnjačkom pritisku. Druga aktivnost je detekcija najčešćih neprihvatljivih oblika ponašanja djece predškolskog uzrasta. Prkos, nametljivost, agresivnost, laganje, potištenost i povučenoost. I treća aktivnost se odnosi na temelju detektovanih neprihvatljivih oblika ponašanja djece i mladih, pripremiti i realizirati radionice, odrediti uzrast djece nastavni predmet u koji će se sadržaj radionice integrirati kroz izmjenu nastavnih planova i programa. Nositelji aktivnosti su vrtići i škole.

Ciljevi ovih aktivnosti tj mjera je podučiti nastavnike da lakše detektuju pojavu antisocijalnih oblika ponašanja, pomoći djeci i mladima da se uspješno suoče sa rizicima u odrastanju te da ih prevaziđu. Smanjenje tendencije rasta društveno neprihvatljivog ponašanja djece predškolskog uzrasta, djece, osnovnih i srednjih škola. Očekivani ishodi su smanjeno ili odsustvo antisocijalnog ponašanja, češće iskazivanje poželjnih oblika ponašanja i smanjenje maloljetničke delinkvencije. Nosilac aktivnosti je Ministarstvo za obrazovanje nauku i mlade Kantona Sarajevo, a ciljana grupa su učenici.

Mjera broj 2 iz Akcionog plana je Izrada strategije odgoja djeteta - ova mjera nije realizovana, planirana je za ovu godinu. I u međuvremenu radni timovi su pripremili i Strategiju odgoja djece i mladih u Kantonu Sarajevo. Ona uključuje jačanje ličnosti djeteta, samopoštovanje, samopouzdanje, pozitivna slika o sebi, osnaživanje socijalnih vještina djece, razvoj emocionalne inteligencije, komunikacijskih vještina. Jačanje nastavnikove ličnosti i kompetencije, jačanje roditeljskih kompetencija, značaj porodice kao prve socijalne sredine pojedinca, značaj učenja po modelu očekivanja roditelja utječu na ishode odgojno obrazovnog rada, jačanje roditeljske odgovornosti, a formacije simbioze roditelja i nastavnika, razvijanje partnerskog odnosa učenika škola porodica i jačanje međusobnog povjerenja i uvažavanja. I ima još niz mjera koje su vezane za Strategiju odgoja.

Mjera broj 3 - Priprema odgojno-obrazovnih projekata - saradnja sa elektronskim medijima - aktivnost je realizovana djelimično, i sprovodi se i u ovoj godini u smislu da se i ovdje radi o kontinuiranoj aktivnosti; želim da napomenem da ministarstvo je zajedno sa TVSA snimilo već jedan edukativni materijal i jedan edukativni film koji se odnosi na bezbjednost pješaka u saobraćaju, prevencija saobraćajne delinkvencije i da u budućnosti radimo na snimanju još jednog video materijala. Čak smo ustupili taj materijal i ostalim kantonima jer je jako kvalitetan i oni su bili jako zahvalni.

Mjera broj 4 - Program jačanja roditeljskih kompetencija - realizirane različite aktivnosti u saradnji sa Ministarstvom unutrašnjih poslova Kantona Sarajevo, kao i ustanovama iz oblasti socijalne zaštite. Ostvarena je saradnja između Vijeća roditelja Kantona Sarajevo i Fakulteta za kriminalističku, kriminologiju i sigurnosne studije u cilju edukacije i prevencije vršnjačkog nasilja. Podrška vijeća roditelja Strategiji odgoja djeteta i uz njihovu podršku sačinili plan realizacije edukacije za roditelje, kao i ostvariti saradnju između vijeća roditelja i centra za mentalno zdravlje.

Mjera broj 5 - Uspostavljanje saradnje Vijeća roditelja i Vijeća učenika. Moram da napomene da je još 2008. godine je formirano Udruženje vijeća roditelja učenika osnovnih škola, a 2011. godine je došlo do formiranja Udruženja vijeća roditelja učenika osnovnih i srednjih škola u Kantonu Sarajevo. Spomenuto udruženje kontinuirano provodi različite aktivnosti u odgojno-obrazovnim ustanovama, samostalno i u saradnji sa MUP-om, te ustanovama iz oblasti socijalne zaštite. Održavaju se različita predavanja za roditelje, učenike, nastavnike i menadžmente škola. Na nivou svake osnovne i srednje škole postoji formirano vijeće učenika, saradnja se intenzivira i ostvaruje unutar škole. Postojale su određene aktivnosti na nivou srednjih škola, ali generalan zaključak je da

nije na zadovoljavajući način realizirana predložena mjera u smislu saradnje Udruženja Vijeća roditelja i Vijeća učenika.

Mjera broj 6 odnosi se na Upošljavanje školskih psihologa i diplomiranih socijalnih radnika što je bilo predviđeno i jedna od tački na Vladi je bilo prijedlog ministarstva za upošljavanje ovog stručnog kadra. Neophodno je da Ministarstvo što je pripremio za sljedeću Vladu prikaže sva upražnjena mjesta po standardima i normativima, u međuvremenu, to će reći kolegica ministrica za socijalu da oni su iznaći rješenje za zapošljavanje ovog kadra tako da se nadamo a će jako brzo i biti realizovana ova mjera.

Mjera broj 7 se odnosi na Dodatni programi video-nadzora, ograđivanje školskih dvorišta, saradnja sa policijom - Sve osnovne i srednje škole imaju ugrađen video - nadzor. Većina školskih dvorišta je ograđena, skoro sve škole imaju ograđena školska dvorišta i Kroz rad policije u zajednici je ostvarena kvalitetna saradnja sa MUP-om i ova aktivnost je kontinuirana. Moram da kažem da trenutno se radi u svim školama na uvođenju vatro dojave i alarmne dojave tako da sa ministrom MUP-a sam razgovarao da to u budućnosti ne rade sigurnosne agencije će da MUP direktno bude povezan sa alarmnom dojavim jer oni imaju veći broj patrolnih kola i imaju također veće ovlasti i mogu puno lakše a intervenišu.

Ova mjera broj 8 nju ću kasnije reći kao hitnu mjestu jer ona je ovdje tehničkog greškom.

Mjera broj 9 - Pomoć studenata i stručnjaka učenicima sa poremećajima u ponašanju - aktivnost se djelimično provodila - potrebno je nastaviti. Moram da kažem da smo napravili saradnju sa Filozofskim fakultetom i to je prijedlog hitnih mjera Tim je to predložio, radi se da kadar koji su već psiholozi, nisu diplomirani, uđe u sve škole, održi radionice koje bi se održavale kontinuirano ne samo ciklično, već u kontinuitetu u toku cijele školske godine.

Mjera broj 10 je Multisektorska saradnja i aktivnosti na prosvjećivanju mladih o štetnosti sredstava ovisnosti - MUP Kantona Sarajevo je u kontinuitetu realizirao aktivnosti iz navedene mjere sa nadležnim centrima za socijalni rad, kao i ustanove iz oblasti socijalne zaštite.

Mjera broj 11 odnosi se na Redovni mjesečni tematski sastanci direktora i pedagoga/psihologa škola na području svake općine. Moram da kažem da ova aktivnost koja je realizirana je prekinuta i mi da tražimo da se ona ponovo reaktivira.

Zaključak:

Mišljenja smo daje dio mjera većim dijelom realizovan, dok se dio mjera realizira u kontinuitetu, odnosno potrebno ih je realizirati i u narednom periodu.

Osnovno pitanje nam je ovo zapošljavanje za šta su neophodna dodatna sredstva u budžetu KSa i mislim da će ministrica pojasniti na koji način ćemo riješiti ovaj problem.

Još ću pročitati hitne mjere koje nam je predložila ova radna grupa koja je formirana od strane ministarstva koje bi se realizovale sada početkom drugog polugodišta do kraja ove tekuće školske godine. Znači, prije svega odnosi se na zapošljavanje psihologa u školama. Hitna mjera je bilo da se zaposli 20 psihologa i toliko je predviđeno bilo u vrijednosti od 400.000 KM međutim rješenje je još bolje koliko sam ja sada upoznat od kolegice ministrice da ćemo uspjeti i nešto više da uradimo od toga.

Druga hitna mjera je Istraživanje o percepciji nasilja u školama u cilju identifikacije percepcije nasilja. Znači neophodna nam je materija, upitnik kako da prepoznamo tu djecu koja su sklona nasilju. Koja su agresivna u koja će u budućnosti preventivno raditi. Sada imamo problem bilo kome od roditelja kada saopštite da njegovo dijete pokazuje neke poremećaje u ponašanju uglavnom roditelji to ne žele da prihvate I sada tražimo od stručnjaka da naprave tu materiju da pripreme upitnik da dobiju dozvolu od roditelja I to nam je isto neophodno i za inkluzivnu nastavu da bi mogli također unaprijediti.

Hitna mjera 3: Na osnovu Istraživanja identificiraće se osnovne škole u kojima je percepcija nasilja najviša (do 40 škola) I u njima će se provoditi serija radionica sa djecom u 6 i 7 razredu. To sam rekao da će se uraditi sa Odsjekom Filozofskog fakulteta u Sarajevu.

Ova 4. mjera se odnosi za izradu Izrada matrice indikatora koje sam već spomenuo i hitna mjera koju je Vlada predložila je da i već je realizujemo da se u svakoj školi postavi po jedno sanduče gdje ključevi neće biti kod menadžmenta škole, kod direktora, već u resornom ministarstvu gdje ćemo mi periodično imati priliku da uzmemo te materijale koji su anonimno ubačeni u sanduče a odnosi ne vršnjačko nasilje ili bilo kakve druge oblike nasilja unutar škole. Imamo takve činjenice

da većina rukovodilaca JU izbjegava i pokušava da prikrije ako se slučajno nešto dešava u cilju zaštite te škole, znamo svi o kakvom se mentalitetu radi ljudi da obično ako se nešto desi u nekoj školi ona je osuđena kasnije da ima probleme i sa upisom djece i ima neke posljedične veze, tako da pokušat ćemo da mi kontroliramo to i da formiramo jedan stručni tim koji će analizirati te dopise i adekvatno reagovati.

Imamo prijedlog ovog Radnog tima također za uvođenje telefona gdje će moći da se anonimno obavijesti o bilo kakvom obliku nasilja. Bilo je prijedloga i nekih političkih partija da to budu volonteri koji će raditi na tim telefonima. Mislim da bi profesionalnije bilo da se radi sa Ministarstvom unutrašnjih poslova sa profesionalcima koji mogu adekvatno da reaguju na sve te pozive.

Eto toliko. Tu su i kolege, tj kolegice koje su realizovale ovaj Akcioni plan. Ukoliko ima pitanja ili potrebnih objašnjenja mi ćemo rado odgovoriti. Hvala.

Predsjedateljica:

Hvala lijepo. Ministrice Dautbegović, izvolite vi.

Ministrica Amela Dautbegović:

Poštovana predsjedateljice, dopredsjedavajući, uvaženi zastupnici, članovi Vlade i ostali prisutni. Ministarstvo za rad Ministarstvo za rad, socijalnu politiku, raseljena lica i izbjeglice Kantona Sarajevo je po pitanju prevencije maloljetničkog prijestupništva i rada sa maloljetnicima u sukobu sa zakonom, sa akcentom na iniciranju poboljšanja pojedinih pravnih rješenja kroz izmjene i dopune propisa koji tretiraju ovu problematiku, prvenstveno Zakona o zaštiti i postupanju sa djecom i maloljetnicima u krivičnom postupku i Zakona o socijalnoj zaštiti, zaštiti civilnih žrtava rata i zaštiti porodice sa djecom, dana 25.01.2016. godine organizovalo sastanak kojem su prisustvovali predstavnici: kantonalnih ministarstava (Ministarstvo pravde i uprave, Ministarstvo za obrazovanje nauku i mlade, Ministarstvo zdravstva, Ministarstvo unutrašnjih poslova), federalnih ministarstava (Ministarstvo rada i socijalne politike, Ministarstvo zdravstva i Ministarstva pravde), federalnih inspektora iz pomenutih resora, Kantonalnog tužilaštva, Institucije Ombudsmena za ljudska prava BiH, Fakulteta za kriminalistiku, kriminologiju i sigurnosne studije i javnih ustanova iz oblasti socijalne zaštite.

Nakon trosatne konstruktivne diskusije po ovoj temi, u kojoj su učestvovali svi prisutni konstatovano je da zakoni koji tretiraju oblast maloljetničkog prijestupništva (Zakon o zaštiti i postupanju sa djecom i maloljetnicima u krivičnom postupku, Zakon o krivičnom postupku, Krivični zakon, Zakon o prekršajima, Zakon o izvršenju krivičnih sankcija i Zakon o socijalnoj zaštiti, zaštiti civilnih žrtava rata i zaštiti porodice sa djecom) sadrže kvalitetna rješenja i različite mogućnosti tretiranja ovog problema, ali nedovoljna primjena istih za posljedicu ima sve veće prisustvo međuvršnjačkog nasilja i nasilja u porodici.

Kao uzroke nedovoljne primjene zakona učesnici sastanka su istakli sljedeće:

Zakon o zaštiti i postupanju sa maloljetnicima u krivičnom postupku bez obzira što je stupio na snagu u februaru 2015. godine nije u potpunosti u primjeni iz razloga što nije obezbijeden minimum pretpostavki kao što su: certificiranje službenih lica (policajaca, socijalnih radnika, tužilaca, branitelja); nije blagovremeno donesen Pravilnik o primjeni mjere policijskog upozorenja (Pravilnik usvojen u novembru 2015. godine); nije usaglašena Uredba o primjeni odgojnih preporuka prema maloljetnicima; nije donesen Pravilnik o primjeni posebnih obaveza prema maloljetnim učionicama krivičnih djela; nije donešeno Uputstvo o načinu vođenja evidencije o izrečenim odgojnim mjerama; nije izvršena preregistracija postojećih ustanova za izvršenje mjera i sankcija koje propisuje ovaj zakon; nije izvršeno usaglašavanje odredaba Krivičnog zakona, Zakona o krivičnom postupku i Zakona o izvršenju krivičnih sankcija, Zakona o prekršajima kao i Zakona o socijalnoj zaštiti, zaštiti civilnih žrtava rata i zaštiti porodice sa djecom.

Generalni stav učesnika sastanka je da su rješenja u Zakonu o zaštiti i postupanju sa djecom i maloljetnicima u krivičnom postupku kvalitetna, da su usaglašena sa međunarodnim aktima, da sadrže elemente prevencije, te da bez obzira na nomotehničke greške u ovom momentu nema potrebe za suštinskim izmjenama ovog Zakona nego da je potrebno donijeti provedbene akte i početi sa primjenom istih.

- Maloljetničko prijestupništvo ima korijene u porodici koja evidentno gubi osnovne funkcije (odgojnu, zaštitnu, ekonomsku...) a društvo nije obezbijedilo pretpostavke za preuzimanje tih funkcija.
 - Djeca u porodici ne mogu zadovoljiti svoje potrebe što dovodi do njihovog zapostavljanja i zanemarivanja a to za rezultat ima izraženo devijantno ponašanje prema okolini (što se najčešće manifestuje u školi).
 - Propuštanje pravovremenog otkrivanja, evidentiranja i prijavljivanja nadležnim organima prisustva rizika devijantnog ponašanja.
Obzirom na uzroke učesnici sastanka su konstatovali da je bez obzira na postojeće kapacitete (prostorne, finansijske, kadrovske, tehničke...) hitno potrebno mobilizacijom raspoloživih resursa uticati na prevenciju maloljetničkog prijestupništva i aktivno raditi na eliminaciji uzroka koji do istog dovode.
Imajući u vidu naprijed izloženo, Ministarstvo za rad, socijalnu politiku, raseljena lica i izbjeglice Kantona Sarajevo predlaže slijedeće mjere:
 - poduzeti aktivnosti na praćenju dosljedne primjene odredaba Porodičnog zakona u dijelu koji se odnosi na poduzimanje potrebnih mjera radi zaštite prava i najboljeg interesa djeteta.
 - pružiti podršku roditeljima u ostvarivanju njihovih roditeljskih prava i dužnosti (zaštita djeteta od svih oblika poroka: droga, alkohol, skitnja, prosjačenje, nasilje...)
 - u saradnji sa JU "Služba za zapošljavanje Kantona Sarajevo" Sarajevo kroz programe mjera zapošljavanja obezbijediti kadrovske kapacitete u javnim ustanovama iz oblasti socijalne zaštite nadležnim za primjenu Zakona, a u cilju intenzivnijeg rada na identifikaciji djece u riziku (sačinjavanju individualnih planova zaštite za svako identificirano dijete u riziku, identifikaciji svih institucija i njihovo uključivanje u rad na eliminaciji uzroka rizika) i osnaživanju porodice.
 - obezbijediti pretpostavke za dosljednu primjenu odgojnih preporuka (uključivanje maloljetnih počinitelja krivičnih djela u: rad bez naknade u humanitarnim organizacijama ili poslove socijalnog, lokalnog ili ekološkog sadržaja, redovno pohađanje škole, liječenje u odgovarajućoj zdravstvenoj ustanovi, uključivanje u pojedinačni ili grupni tretman odgojnih, obrazovnih, psiholoških i drugih savjetovališta)
 - planirati i obezbijediti finansijska sredstva za sticanje sertifikata medijatora a radi izvršenja odgojnih preporuka (lično izvinjenje oštećenom i nadoknada štete oštećenom), te radi obezbjeđenja pretpostavki za vanredno školovanje (polaganje ispita) djeci maloljetnim počiniocima krivičnih djela koja su izgubila pravo na redovno školovanje.
 - u cilju obezbjeđenja uslova za izvršenje izrečene sankcije upućivanja u posebnu ustanovu za liječenje i osposobljavanje, Ministarstvo će pristupiti izradi izmjena i dopuna Zakona o socijalnoj zaštiti, zaštiti civilnih žrtava rata i zaštiti porodice sa djecom u djelu dopune djelatnosti JU Terapijska zajednica - Kampus Kantona Sarajevo koja se odnosi na izvršenje sankcije.
Predložene mjere će se realizovati putem javnih ustanova iz nadležnosti ovog ministarstva i to: JU "Kantonalni centar za socijalni rad", KJU "Porodično savjetovalište", KJU "Disciplinski centar za maloljetnike" i JU Terapijska zajednica - Kampus Kantona Sarajevo, a uz aktivno učešće Ministarstva za obrazovanje nauku i mlade Kantona Sarajevo, Ministarstva zdravstva Kantona Sarajevo, Ministarstva kulture i sporta Kantona Sarajevo, Ministarstva unutrašnjih poslova i Ministarstva pravde i uprave Kantona Sarajevo u okviru njihove nadležnosti. Napominjemo da bez ozbiljne participacije navedenih resornih ministarstava u okviru njihovih nadležnosti, u realizaciji individualnih planova zaštite djece u riziku i djece maloljetnih počinioca krivičnih djela, nije moguće postići očekivane rezultate na planu prevencije maloljetničkog prijestupništva (primarne, sekundarne i tercijarne).
- Nakon ovoga Vlada Kantona Sarajevo donijela je Zaključak kojim je za praćenje i provođenje utvrđenih mjera u informaciji dostavljenoj naložila da se formira radna grupa, prva Radna grupa koju će činiti predstavnici: Ministarstva za rad, socijalnu politiku, raseljena lica i izbjeglice, Ministarstva za obrazovanje nauku i mlade, Ministarstva zdravstva, Ministarstva kulture i sporta, Ministarstva unutrašnjih poslova i Ministarstva pravde i uprave Kantona Sarajevo.
- To je jedna Radna grupa, a druga Radna grupa gdje je zaduženo Ministarstvo za rad, socijalnu politiku, raseljena lica i izbjeglice da je formira u okviru predstavnika iz ovih JU koje sam sada napomenula. Te

radne grupe su u toku formiranja i mislim da će već biti formirane sljedeće sedmice i krenut će aktivno djelovati.

Ono što vezano za Službu za zapošljavanje Kantona Sarajevo samo da vam dostavim i što moramo pomoći Ministarstvu za obrazovanje i u koordinaciji s njima raditi, najvjerojatnije ćemo pokrenuti program sufinansiranja zapošljavanja 100+ gdje bi u tom programu sudjelovali diplomirani socijalni radnici, diplomirani pedagozi i diplomirani psiholozi i diplomirani pedagozi psiholozi a prema potrebama škola koje službi dostavi Ministarstvo za obrazovanje, nauku i mlade Kantona Sarajevo. Ja ovdje imam i podatke Službe za zapošljavanje koliko imamo trenutno na birou psihologa, pedagoga, socijalnih radnika i sa kojim godinama radnog iskustva. Ostalo ima puno toga želimo raditi i što ćemo raditi već od sljedeće sedmice. Detalje a ovdje su prisutni i direktori ovih JU jer Porodično savjetovalište već provodi niz aktivnosti iz svoje djelatnosti. Centar za socijalan rad također. Disciplinski centar za maloljetnike ukoliko ima potrebe možemo i to detaljno ovdje iznijeti. To je što se do sada radilo a za u buduće evo ja vam obećavam u roku mjesec dana imat ćete sljedeću informaciju šta su ova dva tima koja su formirana dalje uradila i sljedeće aktivnosti koje će poduzimati.

Poslanik/zastupnik Elvedin Okerić:

Zahvaljujem predsjedavajuća. Selamim i pozdravljam sve prisutne. Ja ću vam se obratiti kao član Tima za implementaciju Akcionog plana za prevenciju maloljetničkog prijestupništva i rad sa maloljetnicima u sukobu sa zakonom 2014-2016 godina. Pokušat ću da prisutne malo uvedem u problematiku i aktivnosti Tima a sve u cilju boljeg razumijevanja ove problematike.

Na sjednici održanoj dana 27.11.2013. godine Skupština Kantona Sarajevo je donijela Odluku o usvajanju Akcionog plana za prevenciju maloljetničkog prijestupništva i rad sa maloljetnicima u sukobu sa zakonom 2014-2016.

Vlada Kantona Sarajevo je na sjednici održanoj dana 21.05.2015. godine donijela Rješenje broj: 02-05-8923-41/15 od 21.05.2015. godine o imenovanju Tima za implementaciju Akcionog plana za prevenciju maloljetničkog prijestupništva i rad sa maloljetnicima u sukobu sa zakonom 2014-2016. godine:

Tim čine predstavnici određenih resornih ministarstava i nekih javnih ustanova koji se bave ovom problematikom. Oni su ministarstva za rad i socijalna pitanja, predstavnici MUP-a Kantona Sarajevo, ministarstva pravde i uprave, Ministarstvo zdravstva, obrazovanja, kulture i sporta, zatim predstavnici Kantonalnog tužilaštva, predstavnici općinskog suda, predstavnici JU Kantonalni centar za socijalni rad, predstavnik JU Disciplinski centar za maloljetnike. Pored članova tima, prisustvuju i predstavnici JU Porodično savjetovalište, zatim predstavnici JU Dom za djecu bez roditeljskog staranja i predstavnik JU Terapijska zajednica KAMPUS. Zavod za vas pitanje muške djece i omladine „HUM“ ne prisustvuje sastancima iako smo uputili nekoliko dopisa da se odazove sastanku. Iskreno se nadamo da će evo i danas javni poziv ovako dobiti pa da se priključe našem radu.

Sastancima Tima također prisustvuju i predstavnici Centra za istraživanje politike suprotstavljanju kriminaliteta (CPRC) i to gđa Elma Datzler i gosp. Srđan Vujović zajedno sa UNICEF konsultantom i rukovodiocem Katedre za kriminologija UNSA prof dr. Elmedinom Muratbegovićem sa kojim tim ima odličnu saradnju. U nedostatku materijalnih sredstava ali i stručne pomoći UNICEF BIH je ponudio Kantonu Sarajevo pomoć u finansiranju nekih novih institucija koje se po ovom Zakonu moraju uspostaviti. Ovdje prvenstveno mislimo na dnevni centar za djecu u riziku od prijestupništva i djecu u sukobu sa zakonom. UNICEF je osigurao sredstva za stručnu obuku dva policajca službenika, dva tužioca i jednog sudije koji se bave problemom prijestupništva mladih kroz moderni interaktivni pristup ali i sredstva za pet socijalnih radnika i 15 pedagoga iz osnovnih i srednjih škola Kantona Sarajevo. Aktivnosti tima koje su bile u nešto više od osam mjeseci ja ću ih sada ovako pokušati najbitnije predstaviti.

Tim je uputio u skladu sa Akcionim planom i obavezama koje proizilaze iz istog da formiraju savjete sigurnosti, te Timu, u roku od 30 dana, dostave imena i prezimena članova savjeta. Tim je dobio odgovor samo dvije lokalne zajednice Općine Stari Grad i Općine Novi Grad. Također ostale općine su se oglušile o ovaj poziv iako ih to sljeduje, obavezuje Akcionim planom Vlade Kantona Sarajevo.

Također, Tim je uputio dopise resornim ministarstvima i ustanovama u Kantonu Sarajevo da, u skladu sa obavezama koje proizilaze iz Akcionog plana, dostave informaciju šta je do sada urađeno i aktivnosti koje su provedene po pitanju implementacije Akcionog plana. Sva resorna ministarstva i JU su uredno dostavile svoje informacije i uskladile ih sa provedbom Akcionog plana odnosno sa mjerama Akcionog plana.

Tim je, u saradnji sa CPRC-om, pripremio Dopunu Akcionog plana kako bi isti uskladio sa Zakonom o zaštiti i postupanju sa djecom i maloljetnicima u krivičnom postupku u Federaciji BiH. Navedena Dopuna Akcionog plana dostavljena je Vladi Kantona Sarajevo na razmatranje i usvajanje.

Nešto ću se kasnije malo značajnije uključiti u ovom Federalnom zakonu koji je donešen 2015 godine u februaru mjesecu. On je stupio na snagu. Zakon o zaštiti i postupanju sa djecom i maloljetnicima u krivičnom postupku u FBiH. Akcioni plan koji je donesen 2013 nije usklađen sa ovim zakonom zato smo promptno morali djelovati i uskladiti Akcioni plan Vlade Kantona sa novim zakonom iz 2015.

Tim je u saradnji sa CRPC-om pripremio izmjene i dopune Zakona o zaštiti i postupanju sa djecom i maloljetnicima u krivičnom postupku u FBiH. Ove ćemo izmjene i dopune u narednom obraćanju značajnije obraditi. Tim je imao aktivnosti poput učestvovanja na radionicama i okruglim stolovima, kao što su "Specifičnosti odredbi Zakona o zaštiti i postupanju sa djecom i maloljetnicima u krivičnom postupku" i svim drugim radionicama i okruglim stolovima koji se bave ovom problematikom. Moram da izvijestim i ovu skupštinu i javnost da sastancima Tima iako sam ih pročitao iako su delegirani ovdje ne prisustvuju predstavnici MUP-a Kantona Sarajevo koje je imenovan za koordinatora tima ni predstavnici Općinskog suda a što znatno otežava rad Tima. Također vas obavještavam da u Budžetu Kantona Sarajevo nisu predviđena sredstva za implementaciju Akcionog plana za prevenciju maloljetničkog prijestupništva i rad sa maloljetnicima u sukobu sa zakonom što otežava implementaciju istog i zbog toga nam je jako bitna ova saradnja sa UNICEFOM i drugim nevladinim organizacijama koje nam pomažu u provedbi ovog Akcionog plana. U februaru 2015 godine u FBiH stupio na snagu Zakon o zaštiti i postupanju sa djecom i maloljetnicima u krivičnom postupku u FBiH. Međutim još se uvijek nisu stvorili uslovi za nesmetanu provedbu ovog zakona posebno imajući u vidu da većina tužilaštava nije kadrovski ni materijalno tehnički opremljena za njegovu adekvatnu primjenu. Posebno skrećem pažnju na ne usklađenost Krivičnog zakona FBiH, Zakona o krivičnom postupku sa novim zakonom o zaštiti i postupanju sa djecom i maloljetnicima u krivičnim postupku FBiH što je trebalo biti urađeno do početka primjene ovog Zakona. Ovo je po prvi put u historiji BiH da se djeca u sukobu sa zakonom ali i djeca žrtve i djeca svjedoci tretiraju posebnim zakonom. U postupanju sa djecom i maloljetnicima neophodna je kontinuirana edukacija koja zahtjeva posebno edukovan kadar u radu sa maloljetnim prijestupnicima. Ne samo tužilaca nego svih aktera koji postupaju sa djecom i maloljetnicima u krivičnom postupku kao što su policija, sudije, ovlaštene službene osobe, organi unutrašnjih poslova, stručne osobe, organa starateljstva, advokati, osobe za izvršenje krivičnih sankcija. Svi procesni subjekti koji rade sa djecom i maloljetnicima moraju imati poseban certifikat kojim se dokazuje stručnost i senzibilnost za rad sa djecom. Kontinuirani proces ima za svrhu sticanje posebnih dodatnih zvanja i vještina koje službene aktere krivičnog postupka čine kompetentnim za rad sa djecom i maloljetnicima. Bilo da su u sukobu sa zakonom ili su žrtve i svjedoci krivičnog djela. Cilj novog zakona je smanjiti recidivizam, kako onaj kriminogeni, tj mali broj djece čini veliki broj krivičnih djela. Tako i onaj viktimgeni ista djeca su nam žrtva više puta u slučajevima

nasilja u porodici i slično. Filozofija zakona je takva da je 50% aktivnosti okrenuto tzv alternativnim mjerama za maloljetnike. I ovdje je jako važno spomenuti da je primjena alternativnih mjera posebno policijskog upozorenja ali i seta odgojnih preporuka u postupcima protiv maloljetnih počinitelja krivičnih djela. Pored primarne prevencije čije je djelovanje mora biti konkretizovano u pravcu odgojno obrazovnih institucija, tj uključivanje svih raspoloživih resursa te razmotriti mogućnosti koje nudi Ministarstvo za obrazovanje, nauku i mlade Kantona Sarajevo iskoristiti ih na najbolji mogući način. Posebna pažnja ovim programima i praćenjem akcionog plana će se posvetiti programima sekundarne prevencije kroz prepoznavanje djece u riziku i kreiranja posebnih programa za tu populaciju. Ovim Vlada Kantona Sarajevo pokazuje da u ovoj sferi bavi ranim prepoznavanja, upozoravanja ali i djelovanja. U zadnjih nekoliko godina jako puno se radi na problematici suzbijanja maloljetničkog prijestupništva i radu sa maloljetnicima u sukobu sa zakonom. Međutim slabi efekti ovog rada su rezultat nekoordiniranosti formiranih timova i raznih aktivnosti koje se bave ovom problematikom , te indolentno ponašanje zakonodavnih organa prema nadležnim zakonskim rješenjima profesionalaca iz Kantona Sarajevo koji su naveli značajan broj nedoumica i izazova za provedbu Zakona o zaštiti postupanju sa djecom i maloljetnicima u krivičnom postupku. Diskusije o istaknutim izazovima koja stoje ispred profesionalaca rezultirale su konkretnim zaključcima. Jedan dio zaključaka odredio je buduće postupanje profesionalaca i uspostavljanje dobrih praksi dok je drugi dio zaključaka ukazao na potrebu razmatranja izmjena i dopuna zakona. Nakon sagledavanja velikog broja primjera konstatovano je da Zakon koji uređuje oblast postupanja sa djecom i maloljetnicima u krivičnom postupku u pojedinim dijelovima nije dovoljno precizan pa treba biti izmijenjen i dopunjen. Zakon naglašava neophodnost pridržavanja međunarodnih standarda i potenciranje obaveze države u oblasti maloljetnika u krivičnom postupku, alternativnim modelima postupanja tzv. diverzionim postupcima. Primjenom principa oportuniteta kada se krivično gonjenje ili obustava postupka prema maloljetniku uslovljava izvršenjem određenih obaveza gdje maloljetni prijestupnik preuzme odgovornost za ono šta je učinio i shvati težinu neprihvatljivog ponašanja te se nakon preodgoja vrati u društvo kao njegov koristan član. Ja ću vam samo navesti nekoliko primjera koji znatno otežavaju, primjera u zakonu koji znatno otežavaju rad profesionalaca na terenu. Pa recimo, u dijelu Zakona u kojem se definiše pojam maloljetnik potrebno je pojasniti da se radi o osobama koje su u vrijeme izvršenja krivičnog djela imale navršanih 14 godina. A nisu bile starije od 18 godina. Naime potrebno je u članu 2 stav3 riječi „16 godina“ zamijeniti riječima „14 godina“. Mi sada imamo u zakonu da tek možemo nekoga sankcionisati kada navršši 16 godina. A šta je sa maloljetnicima koji imaju 14 i 15? Znači oni su u ovom nekom vakumu. Terorišu naše građane dok jednostavno ne navršše 16 godina. Tek kada navršše 16 godina onda možemo s njima postupati. Zatim, u članu 77 Zakona potrebno je precizirati da svi branioci maloljetnih izvršilaca krivičnih djela moraju imati posebna znanja. To su oni certifikati o kojima sam ranije govorio. A ne samo oni koji su određeni po službenoj dužnosti. Iako se princip mjesne nadležnosti organima koji donosi odluku podrazumijeva u članu 86 Zakona, pominje se samo nadležnost suda. Potrebno je precizirati da se isti princip primjenjuje kada je u pitanju rad policije i tužilaštva. Npr. ako jedan maloljetnik dođe iz Zenice i počini krivično djelo u Kantonu Sarajevo nije precizirano ko je nadležan nad tim maloljetnikom. To su stvari koje realno otežavaju stanje na terenu. Potrebno je uspostaviti adekvatno kapacitirati ustanove za izvršenje zavodskih mjera. Ovo su samo neki prijedlozi Tima za dopune i izmjene Zakona koje ćemo zajedno sa ostalim resornim ministarstvima uputiti Vladi Kantona Sarajevo. Posebno je važno istaći da je neophodno pristupiti procesu standardizacije u prepoznavanju djece i riziku u osnovnim i srednjim školama. S tim u vezi neophodno je izraditi održivu matricu indikatora za prepoznavanje djece u riziku, kriminogenom i viktimogenom kontekstu. Na ovaj način možemo uspostaviti adekvatne programe prevencije i angažovati posebna stručna lica za rad sa djecom. Npr psihologe iz škola kroz njihov angažman u dnevnom centru sa djecom u

riziku. Sistem rane detekcije i prepoznavanja znakova prestupničkog ponašanja djece i mladih u BIH ne postoji. Uvjereni smo da posljednim aktivnosti Kanton Sarajevo čini velike korake da se ovaj sistem uspostavi i to ne samo u Kantonu nego u cijeloj BIH. Ja vam se zahvaljujem. Ukoliko bude nekih pitanja ja sam tu.

Ministar Ismir Jusko:

Poštovana predsjedavajuća, premijeru, uvažene kolege, članovi Vlade i svi koji nas gledate putem malih ekrana. Ja sam također dužan kao ministar MUP da obavijestim sve vas i javnost, kao što je to rekao kolega Okerić po pitanju učešća MUP-a u ovom Akcionom planu. Članovi MUP-a su na zamolbu tadašnjem premijera napravili plan i nacrt ovog Akcionog plana. U okviru ovog akcionog plana predviđeno je da se osnuje stručna grupa koja će realizovati isti Akcioni plan. Koja nikada nije bila napravljena i samim ti participacija MUP-a nije mogla biti adekvatno realizovana na taj način. Sa druge strane MUP u ovom momentu dok smo mi na ovoj sjednici svoje ljude ima na terenu koji rade rad u zajednici, koji obilaze škole i direktno rade na terenu. Ja sam prije nekoliko dana na sjednici Vlade pitao uvaženog kolegu Peljtu koliko ste sjednica održali u proteklih godinu dana. Rekao mi je osam. Koliko vas je djece vidjelo? Koliko ste predavanja održali? Koliko ste puta bili na terenu? Nije imao adekvatan odgovor. MUP neće participirati u sjednicama koje će trajati satima, ispijanjem kafa i sokova. Nas interesuje konkretan teren, rad na terenu, rad sa djecom, rad sa roditeljima, rad sa nastavnicima. A ne da svaki akcioni plan koji je sjajan na papiru kada gledate ga vi se oduševite sa njima kada pitate koliko vas je djece vidjelo, koliko je imalo ljudi koristi od toga nije imao niko. Mi smo praktičari. MUP je represivni organ, međutim mi i te kako imamo namjeru da radimo zajednici da damo svoj doprinos. Ja vjerujem da nova energija u ovoj Skupštini na čelu sa gđinom Okerićem i svim ostalim kolegama iz ministarstva nema namjeru da provodi sate i sate u kancelarijama, a da nas ni jedno dijete, ni jedan nastavnik, ni jedan roditelj ne vidi da vidi naše konkretne rezultate na terenu. Ja odgovorno tvrdim da ćemo aktivno učestvovati i u ovom momentu već smo imalo niz sastanaka u okviru MUP-a i želimo svoj doprinos da damo. U koga ćemo ulagati ako nećemo u našu djecu? Vidimo šta nam se dešava u zadnje vrijeme i znamo da svako to dijete stoji na raskrsnici gdje u svakom momentu dobar nastavnik, dobar profesor, dobar sportski radnik to dijete može odvesti na pravu stranu. A sa druge strane mali milion regrutera koji stoje da nam djecu odvedu također na onu stranu sa koje više nema povratka. Imajte uvjerenje i vi kolege iz Skupštine i građani Kantona Sarajevo da će MUP puni doprinos dati u ovome. Neće nam smetati da dignemo sve jednog čovjeka koji može dati doprinos u tome da našu djecu sklonimo sa ulice da ih uputimo na prvi put. Ali ne želimo da budemo dio sastanaka i Akcionih planova gdje ćemo godinu dana provoditi iza nekih zatvorenih vrata da nas ni jedno dijete ni jedan profesor ne vidi na terenu. Hvala vam.

Poslanik/zastupnik Elvedin Okerić:

Uz puno uvažavanje ministara Juska, ovdje se ne radi o satima ispijanja kafe, upravo ne bi bio ovako ovaj izvještaj sadržajan da su se ispijale kafe. Nije godinu dana već osam mjeseci. Za osam mjeseci je formiran Tim, zatim dopunjen Akcioni plan i predložene dopune i izmjene Zakona o zaštiti i postupanju sa djecom maloljetnicima u krivičnom postupku. Jako je bitno da se zalažemo sistemskom radu i Tim Vlade Kantona Sarajevo radi na tome da postignemo neka zakonska rješenja gdje se nećemo uvijek baviti posljedicama već uzrocima. Zahvaljujem.

Poslanik/zastupnik Zvonko Marić:

Hvala predsjedavajuća. Pozdravljam vas i naravno predsjedništvo Skupštine, premijeru, predstavnici Vlade, kolege uvaženi zastupnici, dame i gospodo, drugarice i drugovi, malobrojni gosti, naravno i gledatelji pored tv ekrana. Ja sam pomalo zbunjen, ali nisam

jedini. Ovakvim scenarijem rasprave, odnosno početka rasprave o ovom golemom problemu. Budući da su ministri izišli prije toga, evo ovdje imaju ljudi koji rade na filmu i drami itd. ali im nije jasno. Nekako je obrnuti redoslijed bio. Izišli su resorni ministri i predložili nove mjere. A mi bi smo trebali da raspravljamo o Akcionom planu pa da kažemo šta mislimo o tome, da bi resorni ministri nakon toga izišli i pojasnili šta pripremaju novo što nije bilo dobro u Akcionom planu. Mi smo pomalo zbunjeni ali nadam se da ćemo ući u raspravu na način na koji je to trebao obrnuti redoslijed nas je pomalo zbunio. Što se tiče ovog Akcionog plana ja bih nekoliko rečenica rekao. Imam dojam nakon što ga iščitam uvaženi kolega Okerić mi neće zamjeriti da ovaj upravo Izvještaj potvrđuje da je ovo društvo zapravo društvo propuštenih šansi i propalih akcionih planova. Meni je žao što moram da konstatiram ali ohrabruje me istup ministra MUP na energičan način koji je rekao i uočio sve te probleme i nedostatke a oni se očituju i kroz ovaj izvještaj na koji nailazi Akcioni plan i nikakvog učinka od toga. Ta nova energija onako kako je ministar Jusko nastupio obećava nešto da će biti bolje ali je meni nejasno. Evo primjera radi, da budem precizan. Kaže gospodin Okerić da sastancima nije prisustvovao direktor Zavoda za vaspitanje muške djece i da će mu danas otići kao i ranije uredan poziv. Ne mogu da vjerujem u ovom vremenu da nema komunikacije. Možda mu je trebao poslati dimne signale. Pa ne razumijem kako je moguće da takav čovjek koji je odgovoran, pa onda predstavnici općina da ne govorim Stari Grad, Novi Grad, naravno su se odazvali, ostali nisu. Ili kaže napominjemo da sastancima Tima ne prisustvuje predstavnik MUPa Kantona Sarajevo koji je imenovan za koordinatora tima. Molim vas, to je ključan čovjek. Pa on između različitih segmenata treba da koordinira taj rad. A onda nakon toga kaže, također vas obavještavamo da implementacija Akcionog plana otežava i nedostatak finansijskih sredstava. Ovaj izvještaj definitivno me podsjeća na nešto što u narodu zovu račun bez krčamara. Nema ključnih ljudi, nema predstavnika MUPa, ni jednom nije prisustvovao, a zar nije to najvažniji segment u svemu ovome, jer se radi o sigurnosti itd. Meni je zaista mučno da moram da raspravljam o ovom Akcionom planu pa ću se suzdržati nekih ocjena za koje sam u početku mislio da ću iznijeti, ali s obzirom na ove mjere koje je ministar Kazazaović i ministrica Dautbegović posebice opet naglašavam, ministar Jusko predložio, upravo je to razlog što ću se suzdržati toga. Međutim, molim vas, ovaj Akcioni plan ako ga imamo ovakvog kakav jeste, neću da ulazim znate ovo zaista me iscrpljivala činjenica ovo je javni dokument i za ovakve stvari se možda treba na neki način angažirati i lektor ili ne znam ko, i onda govorim na najbolji mogući način o onome ko piše ovaj plan. Evo kaže Odjeljenje za edukaciju nije imalo aktivnosti po Akcionom planu. Valjda u realizaciji Akcionog plana. To je samo jedna u nizu primjera. Zamislite to odjeljenje za edukaciju nije imalo udjela u radu odnosno realizaciji Akcionog plana. I o čemu mi onda pričamo. Kakav je to Akcioni plan? Čiji? Ja neću možda biti oštar kao ministar Jusko koji je rekao ispijanje kafe i sjedenje na sastancima. Ali mislim da je čak i gore od toga. Jer nema apsolutno ni jedne mjere ni jednog rezultata ja neću da govorim o ovim slikovnicama itd. ali pazite jednu stvar koja je zaista frapantna. Predstavnici MUP-a bivši ministar se za medije slikao kada su tobože nabavljen detektor vrata, metal u Trećoj gimnaziji i to se pominje u ovom akcionom planu. Znate gdje se nalaze ta metalna vrata? Pa nalaze se ispod stepenica u Trećoj gimnaziji. Fotografisao sam ih. Nisu u funkciji. Ali su nabavljena i oštećen je budžet. Bitno je da se nabavilo nešto i da se radilo za medije i slikali se ljudi a onda su sklonili ispod stepenica. Zaista poražavajuće. Ja ne znam čemu onda vodi ovo. I na kraju krajeva molim vas neka mi objasni možda sam ja neinformiran neka mi ovo neko iz MUP a ili gospodin Okerić objasni kako je moguće da budu u funkciji detektor vrata metalna u školi ako pri tome nije obučen čovjek i radi na tom kako se to već zove, detektoru? Pa mora biti obučeno lice. I osim toga, vi znate u zračnim lukama ili aerodromima imate detektor kroz koji morate svoje stvari staviti, pa pregled, i to traje onda bi djeca čija nastava počinje u 8 sati, trebala dolaziti u 6 sati da bi na vrijeme došla na nastavu. I to traje jel tako? Čija je to ideja da se kupe detektori vrata? Ja insistiram na odgovornosti. Ni u nauci nema apsolutno je nemoguće ne rješavati

uzroke problema, pokušati da riješite problem. Pa gdje to ima? Dajte malo odgovornosti da se malo uozbiljimo jer je ovo vrlo ozbiljna tema kojoj treba pridavati i imati multidisciplinarnan pristup i ja se slažem s tim i naravno nadam se da će se ispraviti ove negativnosti i ovaj rad koji je stvarno u neku ruku i besmislen i uzaludan i kako god hoćete. Na kraju krajeva, koliki je procenat. Evo razmišljajmo o tome, koliki je procenat počinjenih krivičnih djela unutar učionica? To je sve u dvorištima dakle. I kaže video nadzor. Pa znamo u školi u kojoj je pohađao mali koji je izvršio samoubistvo, Rakovac i video nadzor kaže briše se nakon 10 dana. Pazite. Kakav je to video nadzor. Dakle, praksa je jedno a akcioni planovi su sasvim dijametralno suprotne stvari. Ja sam iskreno da vam kažem zabrinut jako zbog tog vršnjačkog nasilja zato što sam u porodici imao i sina i kćerku koji su bili žrtve vršnjačkog nasilja. Ja neću da pominjem i ne treba nikada amnestirati roditelje za sve ovo što se dešava. Tačno je, neko rekao ovdje i za govornicom, da roditelji, mislim ministar Kazazović da je rekao da roditelji ne prihvataju činjenicu da su njihova djeca devijantnog ponašanja. Pa pazite, to su djevojčice bile drugi razred srednje škole i pred moju zgradu su došle da tuku njih četiri moju kćerku i maltretirali je u školi itd. Svjedok sam svega toga pa sam otišao jednom, pa drugi put. Jedna je bila kćerka jednog inspektora, svaka čast, čovjek je fanstatičan, razgovarali smo i nakon toga se nije više dešavalo. Također još jedna druga, a one dvije koje su ponavljačice, da tako kažem, u žargonu, nisam želio ni da im vidim roditelje. I rasformiran je taj razred. Drugi razred srednje škole. Sin je morao da stoji mirno dok mu vršnjaci prilaze uzimaju kapu, šal, mobitel i hiljadu tih stvari je doživio. Ta pojava je evidentna ona postoji. U tramvajima na svakom mjestu. Ali mene brine jako izostanak, nesolidarnost ljudi koji posmatraju kao što je ubijen pokojni Mrnjavac u tramvaju, niko da mu pomogne. Otkud to? Pa svi imamo mi djecu. Ja neću sada da govorim o čovjeku koji predstavlja ovdje nekoga a doživio sam i ako treba i reći ću, sjedi u ovoj Sali i dolazi kao gost i nema ga zato što ga nema, neću da govorim, o toj primitivnoj svinjariji koju je demonstrirao on je sada u neku ruku i partner Vladi, prema mojoj kćerki u mom prisustvu ne znajući da je moja kćerka a radi u obrazovanju. Pa znate gdje to vodi. Pa pazite jednu stvar. Svi segmenti ovog društva su zakazali zbog toga vam i govorim da se ovom problemu treba i te kako ozbiljno pristupiti i nadam se da ovo suzdržat ću se daljnjih komentara se mora ozbiljno uraditi i napokon da jedan taj akcioni plan uspije. Evo završavam i hvala vam.

Poslanik/zastupnik Amel Mekić:

Hvala vam predsjedavajuća. Dobar dan i selam svim prisutnim, premijeru Konakoviću, vama predsjedavajuća, dopredsjedavajući, ministrima, kolegama zastupnicima, dragim gostima i naravno gledaocima ispred TV ekrana. Ja sam se detaljnije pozabavio ovim problemom i na jednoj od prethodnih Skupština pokrenuo inicijativu ali se niko nije oglasio nažalost. Tražio sam od ministra da se izvrši izmjena predunapređenja kako bi se sudijama omogućilo da se osobe koje su učinile prestup zadrže u pritvoru dok traje proces tužbe i presuda istog. Zbog čega ovo govorim? Pa gledajte, povratnici, odnosno to su sve iste osobe koje teroristu cijeli Kanton uhvatite istu osobu deset puta i više sa nelegalnim oružjem i ne zadržite ga u pritvoru. Pogotovo oni koji upotrijebe vatreno oružje i rane nekoga a ne budu pritvoreni. Kakvu poruku šaljemo potencijalnim prijestupnicima? Sa moje strane a mislim i sa većine ovdje koji su u skupštinskim klupama mogu da kažem da Akcioni plan i strategija izgleda smiješno kada ne možemo da se uhvatimo u koštac sa problemom onda se krijete iza strategija. Najbolje rješenje je promjena zakona kako bi se tužiocima omogućilo da budu efikasniji te pojačati sankcije u vidu novčanih kazni i dužine presuda. Toliko od mene i hvala.

Poslanik/zastupnik Segmedina Srna Bajramović:

Zahvaljujem uvažena predsjedavajuća, dopredsjedavajuća, dopredsjedavajući, pozdravljam sve prisutne, dopustite mi, ali također moram izraziti svoje neslaganje dakle ne vidim niti jedan razlog za objedinjavanje rasprave osim da neko pokušava prezentaciju systemske nemoći

skratiti na najmanje moguće vrijeme. Šaljemo dakle lošu poruku jer se radi o stvarima u kojima moramo pokazati političko jedinstvo, rješenja oslobođenog bilo kakvog političkog pragmatizma. Ja sada naprosto ne znam odakle bih krenula. Evo krenut ću možda od informacije ministarstva za rad i socijalnu politiku a vezano za realizaciju zaključaka Vlade Kantona i vezano za izmjene zakona i za mjere koje je potrebo što prije realizirati u cilju što kvalitetnije prevencije, dosljedne primjene Zakona o zaštiti i postupanju sa djecom i maloljetnicima u krivičnom postupku. Dakle, prema mom mišljenju ova informacija je izuzetno korektna. Mjere su korektno postavljene, no možda bi bilo važno da upravo zastupnici danas traže informacije od Vlade kontinuirane informacije o realizaciji tih mjera. Ministrica je obećala da će već za narednu sjednicu nas informirati o tome. Dakle to je jedini način da ono što je usvojeno bude u praksi provedeno. Također važno pitanje je i pitanje u kojem roku će biti obezbjeđena sredstva za realizaciju mjere obezbjeđenja sredstava za podmirenje troškova polaganja ispita za medijatora. Od te mjere upravo će ovisiti izvršenje vaspitnih preporuka ličnog izvinjenja ili naknade štete oštećenom. Istina medijacijom mogu raditi sve osobe koje imaju certifikat medijatora ali toj medijaciji po zakonu mora prisustvovati predstavnik centra. Zašto bi onda trošili vrijeme i izlagali djecu tretmanu drugih osoba ako medijaciju može završiti uposlenik centra. No da bi uposlenik centra dobio certifikat, potrebna su sredstva za polaganje koja nisu zanemariva i nisam baš sigurna da će neko od uposlenika biti spreman sam platiti to polaganje kako bi dobio još posla. Dakle, hoće li se osigurati sredstva za ovu namjenu? I još jedno, kada je riječ o podršci resornih ministarstava realizaciji individualnih planova zaštite djece koji prema mom mišljenju trebaju predstavljati podršku recimo u savladavanju školskog gradiva ili podršku organizaciji slobodnog vremena ili podršku porodici u prevazilaženje izvjesnih rizičnih stanja, očekujem također kontinuiranu informaciju koliko je ovih individualnih planova sačinjeno, koja ministarstva i u kojem vidu su participirala u njihovoj realizaciji, da li su participirala, isti je slučaj i as ostalim mjerama. Evo otprilike pokušavam samo navodeći ove primjere objasniti da su mjere dobre, da je informacija korektna ali da nema ništa od toga ukoliko Skupština uredno od Vlade ne traži izvještavanje o realizaciji po mjerama. I sada Akcioni plan, nezaobilazno. Eh, kada je u pitanju analiza ove informacije, ona nam čini mi se pokazuje kontinuitet u našoj realnosti, tj stalnim problemima neodgovorne realizacije onoga što se sami dogovorimo. Naravno, i u ovom slučaju ne želim govoriti generalno jer je jasno kako postoje odgovorni i pojedinci i institucije koji sa svoje strane pokušavaju dati maksimum. Međutim činjenica kako pričamo o problemu koji je po svojoj prirodi višedimenzionalan i složen jasno je ukoliko nismo sinhronizovani i dovoljno posvećeni ne možemo ni očekivati bolje rezultate nego što ih imamo danas. Informacija o nedolasku članova tima koji su predstavnici dva izuzetno važna faktora u cijelom ovom procesu, pokazuje da neki sebi daju za pravo da imaju autonomiju koja je meni jednostavno neobjašnjiva. Dodatno zabrinjava činjenica da se veliki broj učesnica u realizaciji Akcionog plana poziva na nedostatak sredstava za realizaciju planiranih aktivnosti, što na kraju rekla bih čitav plan obesmišljava potpuno. Nemam namjeru zaista da u diskusiji o ovoj informaciji bilo ko shvati nešto lično, cilj mi je da naredna informacija bude lišena prije svega logističkih nedostataka i neodgovornih pojedinaca. A svi ćemo zajedno sa strukom i nadležnim institucijama nositi teret odgovornosti za uspješnu realizaciju planiranih aktivnosti. I smatram da je u interesu svih nas da prije svega definišemo indikatore kako bi smo kroz vremenski period imali jasniji model praćenja uspješnosti realizacije aktivnosti iz Akcionog plana. Nabranjanje svih realiziranih aktivnosti po institucijama predstavlja deskriptivni pregled što moramo priznati svi zajedno nije dovoljno za ono što smo sebi postavili kao društveno prihvatljiv cilj. I evo uskoro završavam. Na kraju nisam sigurna zapravo šta još reći. Uglavnom svako priča svoju priču koja osim par časnih izuzetaka ili aktivnosti da ponovim i to, potpuno prazna. I opterećenje i za papir i za ljude. Meni naprosto nije jasno kako nakon toliko godina nije savladana metodologija izrade strategija i akcioni planova i kako ljudi sami sebi neće da olakšaju. Umjesto da imaju tabelu u

koju će pobrojane aktivnosti, nosioce, rokove, sredstva indikatore, rizike i da ne nabrajam dalje u koju će samo unositi informaciju šta je od planiranih aktivnosti realizirano ako nije zašto nije, i li da jednostavno konstatuju da se neka aktivnost ne može provesti i da je zbog toga treba nisati. Ovdje po meni najveći dio onoga što su stavili na papir nema nikakvog smisla. Što se mene tiče ovaj akcioni plan podhitno treba zamijeniti novim akcionim planom koji će biti urađen kako bog zapovijeda.

Predsjedavajuća:

Gospođa Sabina Ćudić. Ne, ne preskačem vas, vi ste sljedeći. Pa dobro, vi gospodine Halilović sjedite na mjestu gdje ne treba da sjedite tu. E pa dobro.

Poslanik/zastupnik Sabina Ćudić:

Pozdravim svima. Vudi Alen je imao jednu interesantnu anegdotu, rekao je ocjenjujući hranu u jednom restoranu, rekao je: hrana u ovom restoranu je katastrofalna i porcije su premale. Mislim da je vrlo slično s Akcionim planom koji danas analiziramo. On je loš a njegova realizacija katastrofalna. Al se onda postavlja pitanje da li je to dobra strana ovog Akcionog plana, što loše mjere nisu sprovedene. Također na tragu ovoga što je kolegica Segmedina rekla žao mi je što je objedinjena rasprava zato što se energija i pozitivne mjere ministricice Dautbegović se na žalost pomiješale i samim tim poslali smo jednu zbunjujuću neadekvatnu poruku javnosti kao o kolegama ovdje u Sali šta se dešava, a šta je neophodno da se desi. Pa tako imamo tri zapravo zbunjujuća izlaganja. Prvo smo imali izlaganje ministra obrazovanja koji nam je izložio akcioni plan svih deset mjera sa nekim indikatorima, odnosno bez indikatora i ulaznih i izlaznih ali dao naslutiti na neki način da je Vlada zadovoljna akcionim planom i njegovim sprovođenjem da bi onda naravno ministrica Dautbegović izašla rekla šta je zapravo sve neophodno sprovesti i kako je maloljetničko nasilje u porastu odnosno negirala ono što je ministar Kazazović rekao odnosno ponudila razloge što akcioni plan ne funkcioniše i šta je potrebno uraditi da bi se predložene mjere i na koji način, odnosno da i se željeni rezultati postigli pa nam je na kraju opet izloženo zašto sam Akcioni plan apsolutno nije funkcionisano. Iz tog razloga je poruka izuzetno zbunjujuća pa iz tog razloga naravno teško učestvovati u samoj raspravi. Ako krenemo od Akcionog plana, dakle nije nam ponuđeno u Akcionom planu niti u izvještaju o Akcionom planu niti jedan statistički podatak. Čini se da ovoj Vladi i svim vladama možda u dosadašnjem u Kantonu Sarajevo je potrebna obuka iz riječi indikatori, pokazatelji s kojim ulaznim podacima, šta želimo promijeniti i na osnovu čega zaključujemo da je Akcioni plan uspješan ili neuspješan. Odnosno šta smo postigli? Da li smo se pomjerali sa onih indikatora koji su bili ulazni indikatori što nam je naravno iz ovog Akcionog plana nejasno. Isto tako Akcioni plan čije se ključne aktivnosti sprovode na radionice i okrugle stolove nije akcioni plan, on je neakcioni plan pogotovo kada se radi o maloljetničkoj delikvenciji a ne recimo reformi Ustava koja bi možda i trpila radionice i okrugle stolove. Prevencije maloljetničke delinkvencije definitivno nije nešto što se rješava okruglim stolovima i nije nešto čija centralna aktivnost mogu biti rasprave. Hitne mjere koje su naknadno dodane na akcioni plan pokazuje neadekvatnost postojećih, odnosno inicijalnih mjera ali ono što je ključni problem sa ovim Akcionim planom jeste da se on primarno i gotovo isključivo bavi prevencijom. Na loš način. Niti će se kao što sam rekla kroz ove mjere desiti prevencija ali je činjenica da ne postoji stopostotna prevencija maloljetničke delikvencije. I ovaj Akcioni plan se ne bavi mjerama šta kada se maloljetnička delinkvencija desi, odnosno ne bavi se odgojnim kazneno popravnim mjerama već polaže svu nadu da će ovi spomenuti okrugli stolovi i saradnja roditelja i učeničkih vijeća i roditeljskih vijeća sto postotni ukinuti maloljetničku delikvenciju u Kantonu Sarajevo. Itd. Naravno apsolutno se slažem sa svim koji su do sada izlagali, sa kolegama koji su spomenuli da u principu Skupština Kantona Sarajevo ne treba da prima informacije o tome ko je došao na sastanak i ko nije došao na sastanak. Već je to stvar naravno organa i komunikacija sa nadležnim

institucijama i organima je nešto što treba da bude u odgovornosti tog radnog tima. E sada da se vratimo na ovu informaciju ministrice Dautbegović, ali vrlo interesantno ono što je spomenuo i ministar MUP-a tu su dakle ključne mjere koje se moraju desiti, ja bih posebno da podcrtam dopunu djelatnosti ustanovama sa ciljem izvršenja sankcija odnosno da osnažimo postojeće institucije. Prvo sprovedemo postojeće zakone a onda izmijenimo zakone u onoj mjeri u kojima je potrebno završiti dopunu djelatnosti ustanovama kako se ne bi samo zaustavili samo na prevenciji već i samoj izolaciji počinioca od žrtava maloljetničkog nasilja. To je ono što akcioni planovi ozbiljnih država sadržavaju. Dakle ne možete zadržati u toj školi počinioca, kontinuiranog počinioca maloljetničkog nasilja zajedno sa žrtvama nadaju se da ćete ih kroz rad vijeća roditelja i okruglim stolovima potpuno reformisati. Dakle, mora postojati specijalizovana izolacija i obuka i ono što je ministrica rekla mogućnost nastavka alternativnog puta školovanja za maloljetne počinioce. Isto tako snažiti rad inspekcija. Nije nam jasno u onoj informaciji koju smo dobili o Međunarodnoj osnovnoj školi u Sarajevu koju nam je ministar izložio i rekao je da su inspekcije izvršile uvid na terenu. Interesuje me, zapravo postavljam pitanje koliko inspektora imamo obrazovnih na raspolaganju i koliko se često vrši inspekcija i koliko inspekcija obavljena u protekle dvije godine u ustanovama osnovne škole i do koje mjere oni ulaze u problematiku koje se tiče ovaj izvještaj. Konačno, ja bih samo da dam malu ispravku vezano za s obzirom da se radi o Našoj stranci, našoj inicijativi vezano za hrabri telefon i javno sam pozitivno prozvala i ministra obrazovanja i ministricu Dautbegović da kažem da podržavamo, da smo naišli na razumijevanje i voljela bih da to bude zajednička inicijativa, ne inicijativa samo Naše stranke, jer nas taj predznak apsolutno ne interesuje, ali mala je ispravka je što se tiče rada sa MUP-om da li to trebaju biti volonteri, psiholozi, ili to treba biti u saradnji sa MUP-om. To apsolutno treba biti u saradnji sa MUP-om. Ali MUP ne treba da angažuje školovane psihologe da pružaju psihološku pomoć maloljetnicima koji su žrtve nasilja a kojima je psihološka pomoć potrebna u momentima kada između ostalog razmišljaju i o suicidu. Tako da u svijetu praksa hrabrih telefona jeste prvenstveno pružanje pomoći žrtvama maloljetničkog nasilja i roditeljima koji uvide imaju sumnju da je njihovo dijete žrtva maloljetničkog nasilja, a ona se ozbiljni slučajevi, krivična djela, u saradnji sa MUP-om prosljeđuju MUP-u. Tako da ne postoji ta diskrepancija između psihologa i MUP već da se to treba raditi u saradnji. I naravno mi ostajemo potpuno otvoreni za saradnju sa ovim institucijama i iskreno se nadam da će taj telefon biti realizovan u narednih mjesec dana. Ponavljam podržavam energiju koja je izražena ali je sve u ovom izvještaju vezano za akcioni plan, dokaz da je Akcioni plan neadekvatan i da se podhitno mora pristupiti kao što je uostalom i kolegica Srna prije mene rekla, izradi novog savremenog plana koji bi obuhvatio ove mjere o o kojima je ministrica govorila. Hvala.

Poslanik/zastupnik Semir Halilović:

Hvala lijepo. Moglo bi se reći da patnje i lutanja mladih ljudi o kojima je danas ovdje riječ su ogledalo njihovih roditelja, njihovih rođaka, starijih ljudi koji su o tome trebali voditi brigu pa nisu, nisu ni o samima sebi mogli voditi brigu. U Sarajevu nije riješeno ni krupni, ni sitni ni organizovani, ni neorganizovani kriminal, pa ni maloljetnički. Jedan drugi je vukao iz jedne posude se prelijevalo u drugu. Što se tiče postojanja timova, radnih grupa, okruglih stolova itd. to je samo dokaz da sistem ne funkcioniše. Jer kada sistem funkcioniše onda za to nema potrebe. Radna grupa se formira da utvrdi šta ne funkcioniše. Okrugli sto se održava da bi se nešto itd. Znači sistem ne funkcioniše pa to i sam čin postojanja ovih timova itd. znači da sistem koji se ovdje plaća ne funkcioniše. Nema koordinacije, loš sistem ulaganja itd. Pazite vi ovdje imate tim za implementaciju Akcionog plana za prevenciju maloljetničkog prijestupništva formiran novembar 2013. pardon plan. Tim za implementaciju Akcionog plana maj 2015. godinu i pol prošlo. Do tada je moglo da bude šta god hoćete. Sve je konstatovano. Zakon ne radi, video nadzor u školama i ovi detektori slabo. Tužilaštvo, vidim i danas ih

nema ovdje, ni Općinski sud, to je posebna priča. Oni su odredili dva tužioca, tri tužioca i to je kao riješeno već problem. I ovdje se jedino postavlja pitanje kako ćemo zaposliti još 20 psihologa i kako to kada bude e onda smo na zelenoj grani. Samo još tih 20 psihologa hvali, sve drugo ima. Koliko se vodilo računa prethodno i danas o prevenciji maloljetničkog prestupništva i kriminalu govori činjenica da mi danas u Sarajevu imamo čitave bande formirane kriminalaca maloljetnika, starijih maloljetnika ili tek ljudi koji su postali punoljetni. Znači da je to kontinuiran problem koji traje nekoliko godina. Nije ih uspjeli suzbiti ni školstvo, ni policija ni Tužilaštvo. Ljudi funkcionišu potpuno autonomno i očito im dobro ide jer nema ko to da zaustavi ovdje. Na kraju krajeva imali su od koga da nauče jel? Stari rade to bolje od njih. Vidjeli su kako se može i jeftino i dobro živjeti. Zašto da ne. Zašto ne bi kriminalac. To je danas popularno. Očito. Sistem rane detekcije dakle nula. Nema ko kome dojaviti da se to tamo nešto događa. Ovdje po meni treba Vlada Kantona Sarajevo da u saradnji s nekoliko ministarstava jer ovi akcioni planovi, radne grupe, bojim se da to sve ne odvuče na drugi kolosijek. Da se tačno uspostavi sistem rane detekcije, ranog dojavljivanja, rane prevencije i uključivanja tih ljudi da se tačno vidi. Imate ljude koji su genetski predisponirani da budu kriminalci. Neke ljude nećete moći da ispravite, ma koliko ulagali vremena i truda u njih. Ali zato postoji sistem koji to treba da odredi ko je za šta. I ovdje imate oki moron jedan kaže ovo Tim za implementaciju akcionog plana itd ne valja, ne valja ono, i kaže na kraju nema finansijskih sredstava za njihov rad. A ergo se kaže obezbjediti pretpostavke za dosljednu primjenu odgojnih preporuka, uključivanje maloljetnih počinitelja krivičnih djela u rad bez naknade. Ko biva, mi ćemo naš rad naplatiti a oni nek se snalaze kako znaju i umiju. Maloljetničko prestupništvo proističe iz nepravednog društva. Ja sam skoro slušao tim psihijataru i vrlo su dobro rekli. PTSP pojačan. Pojačan nivo kriminaliteta, pojačan nivo frustracija su obilježje nepravednih društava gdje imate to znači da se sistem ne odnosi dobro prema svojim građanima i to je bunt prema nepravednom sistemu. Volio bih da se ovdje nešto promijeni ali čisto sumnjam jer gotovo sam siguran da ćemo ovdje nažalost sjediti za godinu dvije dana i kada bude neka nova tragedija i opet konstatovati iste ove ili slične činjenice koje će biti u pet deka gore ili dole. Hvala vam.

Poslanik/zastupnik Eldar Čomor:

Hvala uvažena predsjedavajuća. Sve vas selamim i pozdravljam. Pa mislim da i ova današnja naša diskusija vezano za ove informacije koje smo dobili po ovim pitanjima nisu toliko zbunjujuća koliko ih mi sami pravimo zbunjujućim. Mislim da je i naša današnja diskusija na način da se normalno u demokratiji postoje različita mišljenja itd. ali mislim da bi mi odavde kao zakonodavna vlast najveće tijelo u Kantonu Sarajevo trebali da pošaljemo jednu jedinstvenu poruku i građanima Kantona Sarajevo i roditeljima i djeci. Mislim da ove naše prepirke danas ovdje, pod navodnim znacima prepirke, šta radi Tim, kakav je Tim, kakav je akcioni plan itd. Kakvi su zakoni, mislim da smo možda trebali ovu stvar hajd da kažem prije svega definisati šta i kako i onda ovdje jedinstveno izaći i poslati jedinstvenu poruku građanima Kantona Sarajevo. Govorimo o Akcionom planu. Akcioni plan je usvojila Skupština prije gotovo tri godine, nije niko drugi već ova Skupština. Naravno ne u ovom sastavu. Ako ne valja ova Skupština može da ga izmijeni. Akcionim planom je definisano da taj akcioni plan prati određeni tim. Ako danas zamjeramo ovome timu onda smo trebali reći da ne postoji taj tim. Ako je Vlada u maju mjesecu prošle godine usvojila i imenovala tim samo na Vladi Kantona Sarajevo treba da se pokrene inicijativa da pripadnik određenog organa ne bude u tome timu i da ne ispija kahve. To se može uraditi na Vladi ne mora ovdje na Skupštini. Izmijenite taj tim na Vladi Kantona Sarajevo i recite naš član neće dolaziti na te sastanke i neće pratiti provedbu akcionog plana na takav način već će raditi ono što ste rekli i naravno vi u skladu sa svojim ovlastima i zakonima koji opet na kraju krajeva i MUP-u Kantona Sarajevo drže po mnogim pitanjima svezane ruke, isto tako treba i pripadnicima MUP-a Kantona Sarajevo dati podršku i veće ovlasti izmjenama zakona da provode i da rade

prevenciju ovih dešavanja koja imamo ne samo u posljednje vrijeme već dugi niz godina. Nema tog, radio sam u obrazovanju, i nema tog zapamtite dobro nastavnika, učitelja profesora, direktora koji može išta pozitivno napraviti ukoliko u tome radu ne učestvuje roditelj. Uzmite informacije iz škola kakav je odaziv roditelja na roditeljske sastanke, informativne sastanke itd. Katastrofalan. Pedagozi, psiholozi, nastavnici kažu i govore o tome da je alkohol porok i da ga ne treba konzumirati i da će on tom djetetu u budućnosti napraviti problem. A šta pojedini roditelji urade? Kada dođe dijete kući evo ti marka uzmi mi pivu. Dijete od šest, sedam godina. A šta će to dijete raditi kada bude 14 ili 15 godina. Govorimo o porocima kladionica itd. A onda dođe dijete evo ti pa uplati neku kako se to zove, kombinaciju itd. U osmoj, devetoj godini. Pa šta će to dijete biti u 14, 15 godini? Mislim da se mi kao društvo prije svega moramo okrenuti tome i shvatiti da je osnovna ćelija društva a to je porodica, totalno ugrožena. Neću reći rasturena ali sigurno jeste dobrano ugrožena. I mislim da svi ovi planovi itd. trebaju se usmjeriti ka tome da govore o tome da je porodica ono što je najvažnije u životu. Da je roditelj neko ko vam želi najbolje u životu. I da roditelj treba da shvati da evo za moje dijete meni niko nije kriv osim mene samog. Znači mi moramo kao roditelji preuzimati odgovornost i svojoj djeci pomagati u onome što oni rade a ne bitno je pustiti ga u školu u prvu smjenu u osam sati kada će doći, kako će doći, gdje će biti šta će raditi itd. to je briga nekog tamo. Jeste briga i posao učitelja, nastavnika, psihologa, pedagoga ali ne mogu oni bez podrške roditelja. Roditelji moraju shvatiti da moraju voditi računa o svojoj djeci. Škola nam je na žalost uglavnom je tretiramo kao isto tako obrazovnu ustanovu. Ali zaboravljamo i onaj segment odgoja. Ali vjerovatno taj segment odgoja smo izgubili zbog toga što je saradnja po meni između roditelja i obrazovnih institucija vrlo mala. I da znate, jedan učenik koji se ovako devijantno ponaša u jednom razredu od ne znam 25 učenika može napraviti haos. Šta će nastavnik učiniti po tom pitanju? Takva djeca dolaze ili ne dolaze na nastavu i kada dođu prave probleme. Recite mi koje je zakonsko uporište ili mogućnost da takvo dijete bude sankcionisano na kvalitetan način tako da se pošalje poruka ostalim njegovim kolegama u tome razredu da to ponašanje nije dobro. Osim smanjenja vladanja i eventualno kazne maksimalne kazne a to je promjena škole. Druge mogućnosti ne vidim. I na kraju takva djeca zbog svog takvog ponašanja u tome društvu postaju heroji, postaju prvaci, i na kraju krajeva nastavnici se većinu vremena provode baveći se tom djecom već onom djecom koja su tu došla da uče rade, da se školuju, da se na kraju krajeva i druže, da budu od koristi društvu. Mi imamo situaciju da se škole uglavnom bave sa tih nekih 5% djece u školi a ostali ono ko biva podrazumijeva se da ostala moraju biti dobra. Mislim da je to po meni potpuno pogrešno. Vratimo se porodici a onda nam neće trebati ni timovi, ni planovi ni ostalo. Hvala.

Poslanik/zastupnik Kemal Ademović:

Hvala. Uvažena predsjedavajuća, zamjenici predsjedavajuće, sekretaru, premijeru, članovi Vlade, cijenjene kolegice i kolege zastupnici, predstavnici svih institucija, udruženja, predstavnici građana, dragi gledaoci sve vas selamim i pozdravljam. Ovo je zaista tema koja, barem u mandatu jednog saziva Skupština zaslužuje tematsku sjednicu, kao svakako i stanje ukupne sigurnosti u Kantonu Sarajevo. Barem u sazivu jedne Skupštine zaslužuje jednu tematsku sjednicu. Neću to naravno elaborirati jer to nije predmet današnjeg razmatranja. Nadležnost u postupanju i suzbijanju, a pored ostalog maloljetničke delikvencije jeste prije svega na pravosudnim i policijskim institucijama, tj provedba zakona koji su na snazi, koji su pozitivni pravni propisi koji su na snazi je u nadležnosti prije svega te institucije. Skupština i Vlada u prethodnom sazivu ocijenili su da stanje u ovoj oblasti kada se tiče suzbijanja ovog prijestupništva nije zadovoljavajuće. I zato je Skupština i Vlada poduzela određene dodatne aktivnosti da detektuje i pokuša da prevenira takvo stanje, uključujući što više subjekata koji utiču na odgoj djeteta. Zbog toga je donesen Akcioni plan koji kako reče kolega Čomor je usvojila u ova Skupština i planirana njegova implementacija na način da je tek Vlada u ovom

sazivu koja je imenovana u martu 2014 godine promptno i jako brzo već u maju formirala taj tim koji će se baviti provođenjem tog Akcionog plana. Prije toga nismo imali taj formiran Tim. Dakle, nije se našlo za shodno da se formira. Ovaj tim koji je formiran, iako ja nisam član tog Tima, ali znam koliko vremena posvećuje kolega Okerić koji jeste u tom Timu i koji je danas imao izlaganje, mislim da je uložio jako puno truda i pokrenuo više pravaca aktivnosti koje do sada nisu bile pokrenute što je sadržano i u ovom izvještaju svakako koji i s druge strane manjka kako reče kolegica Ćudić nema mjerljivih podataka šta je to bilo, prema čemu se ide itd. Mislim da je to jedna od manjkavosti koje treba popravljati u budućnosti. Ali kolega Okerić je naveo da treba svakako dopuniti ovaj Akcioni plan. I da treba ići dalje. Jer alternativnih rješenja u drugim pravcima izuzev dobrog funkcionisanja svih segmenata društva uključujući porodicu, obrazovne institucije od predškolskog pa nadalje odgoja i obrazovanja očigledno ne mogu ili nisu ispunile svoj zadatak tako da imamo ovo što imamo danas. Mada bih ja sasvim slobodno kazao da stanje u oblasti samo oslikava stanje društva. Dakle ovo je stanje društva u potpunoj njegovoj svjetlosti. Stanje društva je takvo kakvo jeste i ja ga neću analizirati jer je to uradio kolega Halilović, iznoseći neke primjere i pojedine segmente u društvu. Stanje u društvu jeste takvo da se treba i mora popravljati i na tom mi svi treba da radimo. Da li kroz radeći u institucijama tamo gdje profesionalno primamo platu, kroz akcione planove ili kao roditelj ili kao komšije itd. moramo raditi na tome da se stanje u društvu popravlja. A svi vrlo dobro znate da počevši od komšijskih odnosa da tu nešto ne štima, da smo svi prezauzeti da nemamo vremena više za nekakva sijela, druženja itd. Da smo u vremenu informatizacije gdje je internet elektronski medij mobiteli, sve ostalo, društvene mreže značajan faktor koji utiče na odgoj djeteta. A mobitel je gotovo dostupan svakom djetetu. Jednostavno živimo u takvom vremenu koji je u dobroj mjeri u jednom dijelu negativno utiče na psihi i psihologiju te djece. Ove mjere što sam ja čuo, što su pročitali ministar i ministrica su sasvim sigurno jedan korak naprijed, ali ima jedna mjera sa kojom se ne bih potpuno složio, koju je iznio ministar Kazazović a odnosi se na sljedeće: u osnovnim školama radi racionalizacije ili ne znam ko zna čega ukinuti onog tamo portira domara ili kako se već zove koji je jedna vrsta fizičkog obezbjeđenja te škole. Živi čovjek je u tom objektu. I zamijeniti to samo kamerama, nadzornim itd. Mislim da to nije dobro rješenje. S druge strane nije dobro rješenje ni to da pored toga što ćemo se osloniti na taj video nadzor koji čini mi se se uvodi kao jedna nova norma u ponašanju i ustanovljavanja ponašanja čovjeka u ovom modernom vremenu, savremenosti, što svakako ponovo utiče na psihi čovjeka, ali izgleda neminovnost zbog pojave terorizma, ovog onog itd. Ali šta hoću da kažem, sa čime se baš ne slažem jeste da MUP bude taj koji će držati na nadzornom centru ove kamere i intervenisati i izlaziti na teren itd. Mislim da to MUP ne može i to smo vidjeli na nekoliko primjera sjetit ćete se na Ilidži kada je bila prije nekoliko mjeseci ona pljačka u kojoj je poginuo jedan sugrađanin na biciklu, gdje je prema izjavama policije ili ovamo kolega rekli su mi nemamo dovoljno motornih vozila morali smo čekati da vozilo dođe s jednog slučaja pa onda da ga uzmu drugi da idu na taj drugi itd. Dakle nemaju motornih vozila. S druge strane agencije zaštitarske koje se bave tim poslom zakonom im je propisano ta intervencija, brzina intervencija i nadzorni organ u tim situacijama im je upravo MUP. Ali svakako treba dodatno definisati čuvanje tih materijala itd. u slučajevima ako se nešto desi, izuzimanje tih materijala i u ovoj oblasti ima dosta neuređenosti. Ima situacija u kojima svaka firma danas može da proda kameru, da ugradi kameru itd. a samo su zaštitarske firme odgovorne pred zakonom, imaju inspekciju i kontrolu u pogledu tih aktivnosti. I na kraju, osvrnuo bih se kao dvije replike ministru Jusku i zastupnici Ćudić. Naime, ministar Jusko je u jednom rezolutnom svom nastupu kazao da je policijski organ represivni organ i da neće ispijati kafe itd. Policijski organ nije samo represivni organ, policijski organ ima širok dijapazon preventivnih mjera među kojima ima i jedna mjera koja se zove saradnja sa lokalnom zajednicom, saradnja sa građanima itd. Gdje kako je sam ministar kazao gdje policajci obilaze čak i osnovne škole itd. družu se sa djecom, imaju oni te svoje dane, jedne u godini gdje prikazuju svoju opremu

naoružanje, dostignuća itd. Isto tako je zastupnica Čudić kazala da Akcioni plan ne bi trebao da se bavi samo preventivnim mjerama nego represivnim. Represivnim mjerama se bave kao što sam na početku kazao organi koji su zakonima zaduženi da to rade. Tužilaštva, policija, sudovi, itd. Akcioni plan bi mogao u jednom dijelu da se bavi analizom zakona propisa, i da predlaže i pokreće inicijativu kao što su to već uradili da se ti propisi izmjenjuju ali nikako ne bi mogao da se pojavi kao organ koji se bavi represijom, represivnim mjerama, planiranje represivnih mjera itd. Eto toliko za sada. Hvala vam.

Poslanik/zastupnik Izudin Bajrović:

Hvala uvažena predsjedavajuća. Pozdrav svima. Ovo je tema o kojoj uvijek i možemo i imamo šta da govorimo i svi možemo na neki način da budemo pametni ali možemo i da budemo korisni u tome. Ja se ne bih ni javio ali sam ponukan događajima od prije par dana. Na neki način to mi je otvorilo oči, razmišljam već danima o tome. Naime jedan od onih dječaka koji peru stakla na automobila na semaforima mi je rekao da je bolje da radi to nego da pljačka ili da ubija. I stvarno me je doveo u dilemu šta je to njegova alternativa. On dakle nije u školi u tom trenutku, ima desetak godina. Nije u kući s roditeljima, nije u nekom skloništu za neku djecu koja su ostavljena bez brige ili bez nadzora. Eto šta je alternativa tom djetetu on je ne vidi u drugom nego da pljačka ili da ubija, pa je onda bolje da pere šajbe na automobilima na prozorima i na taj način zaradi koju marku, koju vjerovatno proslijedi nekom drugom. Sumnjam da ostane njemu. Korijeni ovog problema su mnogo dublji oni su zaista duboki. Ne treba biti ni previše pametan da bi se to vidjelo , vršnjačko nasilje, maloljetnička delinkvencija ili nasilje među maloljetnicima je samo proizvod onoga što smo mi njima dali kao temelj, dakle onog nasilja koje je nastalo među odraslima, među njihovih roditeljima, među njihovim prijateljima, među njihovim komšijama. U onome o čemu oni slušaju o čemu pričaju o čemu razgovaraju, dakle na neki način smo postali društvo gdje se nasilje isplati. Gdje se kriminal isplati, gdje se ne sankcioniše, već gdje se može sebi priuštiti na neki način lagodan život ne poštujući ni jedan od zakonskih pa ni moralnih ni drugih kodeksa. Sve dok je to tako bit će još gore. Uništena su radna mjesta, ljudi su ostali bez posla, bili su prinuđeni da se snalaze i pušteno im je na volju da se snalaze kako žele. Neki su izabrali taj put i ispostavilo se da je on možda i najisplativiji u ovom trenutku. I ako hoćemo da pravimo akcione planove, onda moramo da pravimo akcioni plan kako ovo društvo učiniti boljim. Kako ga učiniti poželjnim za ljude koji žele radom, koji žele sposobnostima, ne u kriminalnom domenu, nego u nekim drugim da ostvare sebi dobar život. Sve dok je ovako kako sada jeste, dok se ne počnemo baviti korijenima problema bojim se da nam represija na akutne probleme ostaje kao jedini mogući put i način da na neki način to umanjujemo koliko je moguće, a da se molimo bogu da će nekome pasti na pamet da kaže čekajte, hajde da pravimo sistem u kome će maloljetnička delinkvencija, vršnjačko nasilje biti ipak incidentni kojih na žalost uvijek ima, i vjerovatno će ih uvijek i biti, ali da busu damo na nivou incidentna a ne da budu na nivou pravila i da postanu nešto sa čime zaista nemamo ni načina ni mogućnosti da se borimo i da se izborimo. Hvala.

Poslanik/zastupnik Muhamed Kozadra:

Zahvaljujem predsjedavajuća i pozdravljam sve prisutne. Ja ću se kratko obratiti na onaj dio iz naše nadležnosti koji je pokriven stotpostotno u ovoj priči koju su prethodnici rekli ovdje svako iz svog ugla. Radna grupa i Akcioni plan i primarno što je, čime bi se ona trebalo da bavi po meni, akcioni planovi radne grupe trebali bi da ukažu na sinhronizaciju svih aktivnosti koje trebaju da akteri koji su dobili zadaću a ako sam ja pokušao poredati ovdje nekako po važnosti, od rođenja, od ove sale gdje je ulazak u brak gdje se zaklinjemo na određeni način da ćemo provoditi sve moralne, normalne i zakonske odredbe prema onima koji će doći iza nas, ako krenemo od roditelja, sredine u kojoj živimo, profesora institucija

kulture, sporta, socijalnog rada, zdravstva , MUP i sudstva i onda kada poredamo mjere koje ko poduzima i mi ih definiramo da li one odgojne da li su vaspitno obrazovne da li su represivne, itd. Ovdje bih zaista ukazao na obavezu nas , bar u ovim skupštinskim klupama koji sjedimo da imamo oko 165 institucija koje su definirane sa opisima svoga rada, sa statutima sa zakonima itd. Tako da ne bih formalno govorio ii aktivnosti ni mjerama koje bi trebala ta radna grupa i taj akcioni plan, a imamo ovdje i materijale koji su predočeni u planovima rada ministarstva i svih institucija koje obavljaju ove poslove i primjenjuju mjere o kojim a mi danas govorimo. Činjenica da nema nevinih u svemu ovome što se dešava u svim deformacijama i dešavanjima. Neko je davno rekao da je najteže biti čovjek i da je najteže odgojiti čovjeka. U to smislu mi bi trebali da raspravljamo iz ugla da li mi provodimo sve ono što propisano ako trošimo 700 miliona i ako trošimo vrijeme od jedne kalendarske godine a u toj godini lagano pređemo preko svih izvještaja koji nam dođu ovdje primamo ih samo kao statističke pokazatelje i sada kada dođe jedan od događaja koji zaista ubija sve i moral i običaj i zakon, ubija i svoje. Izvinjavam se na ovom izrazu. Ubija zdrav razum, ona se pozabavimo je li, ili pokušamo da prebacimo odgovornost jednih na druge. Odgovornost je na svima. Ali ću reći samo reći običajnu normu kao jednu od najstarijih izvora prava. Mi strašno jako brzo odlazimo i bježimo od nje. Običajna norma jeste i poštivanje komšije, poštivanje prvo svog roditelja, poštivanje profesora, poštivanje policajca i tako dalje. Ako mi bježimo od toga i ako mi čujemo a to smo zaboravili prije desetak godina, znate, ako jedan maloljetnik pravi neko od djela i policajac mu želi da priđe, odnosno nedjela, mi smo u ovoj Sali to raspravljali. Kaže: prijavit ću te ja sada OHR-u, prijavit ću te IPTF-u itd. Znači to nije smio jedan maloljetnik niti odrasli reći nekom policajcu u ono vrijeme kada smo mi odrastali nije smio pomisliti da mu kaže a ne kamo li da to kaže. Ja nas molim da svi iz svojih nadležnosti, ministri su ovdje iznijeli svoje programe rada, ono što čini se aktuelnim kroz ovaj Akcioni plan koji je nama ovdje predočen i oni to obavljaju i ja mislim da im trebamo da ti podršku da u svakom trenutku svako svoj dio posla obavi i da što manje dolazimo do ovih primjena represivnih mjera. Da što manje MUP ima posla i sudstvo a da na ovaj način kako sam otprilike poredao ove aktere i aktivnosti iskoristimo u cilju odgoja naše djece i zdravog društva. Zahvaljujem.

Poslanik/zastupnik Slaviša Šućur:

Pozdravljam sve prisutne. Pa evo na neki način tok ove rasprave i u kom pravcu se ona odvija zaista ukazuje na nešto što ja mislim da je ključni problem ovog društva i to je da je jedna od najvećih i najtežih žrtava svega što nam se desilo upravo potpuni nestanak sistema vrijednosti, bilo kakvog sistema vrijednosti. Sve ovo što nam se dešava je direktna posljedica toga i dobro je da smo mi otvorili priču i da vidimo šta je to šta mi možemo učiniti po tom pitanju i koji su to mehanizmi koje mi imamo na raspolaganju. Pored onoga što se direktno odnosi na rješavanje konkretnog problema maloljetničkog prestupništva i kriminala, mi imamo nešto što je opšta pojava u društvu. Mi smo izgubili granicu odnosno pojam o tome šta je društveno prihvatljivo a šta nije. Mi smo potpuno nekritički promovisali kriminalce u zvijezde. Opjevali ih u pjesmama, stvorili od njih idole a da ne kažem evo ono što imamo danas medijska slika internet da se od ljudi bez ikakve vrijednosti nekakvih selebritija, ljudi koji na brzinu steknu, bez ikakvog pravog merituma i bogatstvo materijalno, slavu, opet pravimo idole u koje naša djeca treba da se ugledaju. I to je nešto što je zaista tragično po meni. Mnogo je ljudi ovdje reklo da imamo taj problem, ja također, jedina mjera vrijednosti postaje materijalno bogatstvo i da ljudi koji opet na način koji je vrlo čudan, sumnjiv je, ja ne znam da u svijetu neko može takvom brzinom steći bogatstvo kako kod nas ljudi stječu stvarno njih kao mjeru vrijednosti, a ljudi koji su ozbiljni radnici, koji su ozbiljni naučnici, koji su zaista nešto što bi trebalo kreirati kao nekakve uzore žive potpuno anonimno i ustvari ne doživljavaju nikakvu nagradu , nikakvu satisfakciju. Mjera svakog društva ako ljudi koji se smatraju uspješnim su oni su ustvari mjera onog što društvo promovise kao ključnu vrijednost. Gdje mi možemo bilo šta tu

poduzeti. Mi ustvari imamo vrlo malo vrijednosti. Mi imamo samo jedan mehanizam gdje možemo, ako uspijemo postići koncenzus, a sudeći po onome što se moglo čuti ovdje, svi mi razmišljamo vrlo slično. Šta je to prihvatljivo, šta je neprihvatljivo. Mislim da je škola jedino mjesto zaista gdje mi možemo povući granicu i unutar škole uspostaviti onaj sistem vrijednosti za koji mi mislimo da je ispravan. To podrazumijeva ozbiljan rad na edukaciji prosvjetnih radnika, dakle da oni osim ljudi koji će djeci prenositi određena znanja moraju biti ljudi koji će ponovo početi malo da se bave i onim što se zove vaspitanje. Moramo u školi postaviti jasne granice šta je to prihvatljivo šta je neprihvatljivo. I moramo zaštititi školu i ljude koji rade u školi od roditelja koji su na žalost silom, bahato onako nažalost onako kako su naučili da se ponašaju u društvu počeli da nameću te loše negativne vrijednosti i u samoj školi. To je ozbiljan posao za ozbiljne ljude. Ali ja mislim ako mi imamo koncenzus i ako se posvetimo tome možemo napraviti nešto što dugoročno može dati rezultat. Dosta je urađeno na onome, svi smo rekli što se zove nekakve mjere postfestum, tretman samih maloljetnih prestupnika, u jednom dijelu kada dođe do sudstva. Ali šta je sa onim što prolazi kao asocijalno ponašanje a nikada ne dođe do ovih represivnih sistema. Mi moramo unaprijediti takve sisteme i u samom sistemu školovanja, moraju postojati jasni kriteriji, jasne mjere kažnjavanja i izdvajanja takve djece koja zaista predstavljaju ozbiljan problem za normalan razvoj svih drugih koji se nalaze oko njih. Ono što je također jedan od segmenata koji su potpuno zanemareni, a eto znam zaista ovaj fenomen me zanimao ranije i više puta sam razgovarao sa ljudima koji su se bavili ovom problematikom i prije rata i svi oni kažu da je ključni problem što mi nemamo nikakvih mehanizama resocijalizacije. Dakle, nekada su djeca koja su završavala u ovim ustanovama za vaspitanje maloljetnih prestupnika nisu bile vremenske kazne. Dijete iz te ustanove je izlazilo onog momenta kada bi vaspitač koji je zadužen za njega procijenio da je ono spremno da se vrati u društvo. Vrlo često društvo je vodilo računa o tome, za one koji su već dostizali granicu punoljetstva da im se nađe radno mjesto. Mi nemamo ni jedan od mehanizama koji bi zaista vodili računa te ljude vratili na nekakav pravi put nego jednostavno ih vraćamo tamo odakle smo ih i pokupili odnosno u istu situaciju koja ih je upravo i navela da čine to što čine. Svi smo rekli da je problem u porodici. Jeste. Ja tvrdim da je izvor sigurno svakog pojedinačnog slučaja da apsolutno leži u porodici. Mi moramo naći mehanizme da taj teret odgovornosti zaista dosljedno i u zakonu ostavimo tamo gdje treba. Roditelj mora odgovarati za ponašanje svog djeteta, mora odgovarati zakonski. Niko nema pravo. Dakle, kaže ja sam dijete rodio, napravio da ga pusti i stavi na teret društvu. Nosi odgovornost dok god to dijete ne postane samostalno ljudsko biće i to mora biti vrlo, vrlo jasno definisano i postavljeno.

Predsjedateljica:

Hvala lijepo. Evo i ja bih nešto rekla na ovu temu. Evo danas razgovaramo o informacijama iz oblasti socijalnog rada, obrazovanja, o Timu za Akcionog plana itd. što je jako bitno jer je to očito ključni problem svih nas. Ključni problem kada kažem pri tome mislim da živimo sa tim problemom, živimo u tom problemu i nekako mirno prolazimo i mirno živimo i konstatujemo evo da ne bih ponavljala sve ono što ste vi do sada u raspravama konstatirali. Ja se slažem da je problem u porodici, problem i u nama samima. Bojim se da smo mi nekako zaboravili da se pogledamo u ogledalo i da obavimo razgovor sami sa sobom jer mislim da 90% nas je ovdje roditelji i znamo šta znači odgajanje djeteta. Zaboravili smo da ubijamo čovjeka u sebi, i ubijamo instituciju porodice. Mislim jedna ovakva tema nije dovoljna za par sati da se riješi. Mislim da moram o ovome razgovarati mnogo više, mnogo češće, da ne trebamo donositi zaključke ad hok i dizanjem ruku riješiti problem. Ono što ja mislim a to je da se ozbiljno pozabavimo, pomognemo jedni drugima da zaboravimo predznake naših partijskih obilježja, da počnemo razgovarati čovjek sa čovjekom i da vrijednosti koje jesu vezane za čovjeka postanu imperativ. Mi moramo mnogo više pažnje posvetiti onome što se zove sloboda. Mi

smo zaboravili šta je sloboda, jer mi živimo u strahu. Ne samo roditelji kao osobe koje su rodile tu djecu i imamo tu djecu dok ih ne dovedemo do samostalnosti, nego cijelo vrijeme živimo u strahu. Mislim da je to nešto o čemu mi moramo i te kako ozbiljno razmišljati kako se osloboditi tog straha i kako da budemo slobodni ljudi. Ovdje u ovom najvišem zakonodavnom tijelu, i kao osobe koje smo prisutne u donošenju tih zakona moramo vrlo savjesno i odgovorno sudjelovati u rješavanju problema i zadataka koje imaju resorna tijela, odnosno resorni ministri i službe. Tako da mislim da danas ne znam da li možemo donijeti neki zaključak ali je lijepo što šaljem poruku da razgovaramo o tome, razmišljamo o tome i sudjelujemo u tome. Ne znam da li moja priča djeluje patetično ali ja mislim da uz sve ovo što sam rekla da gubimo slobodu, da gubimo vjeru, da gubimo nadu u čovjeka je jako bitno da bi naše društvo bilo malo malo bolje. Hvala lijepa.

Poslanik/zastupnik Hamed Aljović:

Zahvaljujem predsjedavajuća. Selamim i pozdravljam sve prisutne. Pa ova današnja rasprava izlaganje, uglavnom ne bih se složio s tim neko ko sa strane gleda ima dojam da su nam učenici, odnosno djeca jako loši. Za 20 godina rada u školi najmanje sam imao problem s djecom. Mi imamo danas veći problem oko škola sa cukama, nego sa djecom. Po 20, 30 komada hoda oko škole nemate se kome obratiti. Najmanji problem, 15 godina sam radio u nastavi direktno. Nikad nisam imao problem s učenikom. To su uglavnom bili roditelji i raznorazna udruženja i neodgovorni pojedinci. Znači vi sada imate problem kažete čovjeku nemojte se parkirati tamo gdje djeca uigraju lopte on hoće da se bije s vama u školi. Vrijeđa vas, evo mene kao direktora nema šta mi ne nagovori čovjek. Ima znak zabrane ali niko to ne poštuje. Pošaljete poziv roditelja, bolje da vam ne dođe. Kada vam dođe opsuje vam sve koga skine tamo psuje od ulaza pa do kancelarije. Ti nastavnici koji rade su nezaštićeni ljudi. Javno se ne priča. Svake godine se desi da roditelj pretuče nastavnika u nekim školama. To se krije. Evo ja svako sedmice doživim situaciju dođe roditelj traži nastavnika, psuje mu pred djecom. Nemate nikakvih mjera da zaštitite tog čovjeka. Škole su nam predate raznoraznim udruženjima pa država ne upravlja. Ja sam na nekoj četvrtoj sjednici premijeru postavio pitanje kada će vratiti nadležnost škole pod državu, odnosno pod ingerencije države? Sedam članova školskog odbora ima samo jedan je predstavnik države. Sve ostalo su raznorazna udruženja. Evo vidimo na 9 sjednici sam postavio pitanje školske odbore pa u ovoj Međunarodnoj školi država nema ni jednog člana. Da li je neko odgovarao? Nije. Ili radnici ministarstva po tri školska odbora, krše Zakon. Radnici ministarstva. Ili direktor ili nije bitno. Kako možemo očekivati od djece da ne krše Zakon ljudi koji donose te zakone krše. Znači dobio odgovor jeste istina, radnici ministarstva su u tri školska odbora a Zakon rekao da može maksimalno biti u dva. Imamo situaciju da evo odgovorno tvrdim poslije 20 godina staža da najmanji problem su djeca u školi. Najmanji. Zadnjih deset godina se samo priča o pravima ovoga ili onoga. Pravima bilo koga a o obavezama, odgovornostima nema nikad se zadnjih, evo tek se sada malo počelo sa ovom vladom pričati o odgovornosti. Znači vi imate u školi situaciju da se radnici, odnosno nastavnici koji se trude da nešto rade ismijavaju. Zato što su nam škole predate raznoraznim udruženjima pa se samo tamo bave ko će gdje biti direktor, ko će se gdje smjestiti. Znači roditelji biraju direktora, onda se on dodvorava tim roditeljima, struke nema nigdje. Ako nastavnik da 4 iz matematike ne daj bože, dođe roditelj direktoru naravno te ocjene se popravljaju. Pa imamo da nam je srednja ocjena u Kantonu Sarajevo 4,6. isto ko da smo svi eksperti. Ili srednja ocjena iz matematike 4,2. mislim svi matematičari. A niko ne zna sabrati, tablicu množenja izađu na kraju ne znaju. Zato što su ljudi nezaštićeni, daj pet da nemam problema. Znači samo se bavimo tamo kakim kadrovskim križaljka po školama. Evo navest ću vam primjer ove godine komisija koja je formirana za tehnološki višak je zaposlila 300 ljudi u osnovne škole. Ko je s tim ljudima obavio razgovor? Ko radi? Ko je otišao u tu školu? Nije ga ni vidio niko. Od toga, ti članovi komisije ni jedan ne radi u školi. To je strašno, formiramo timove od ljudi koji nikada nisu radili u školi. Niko ne pita

pedagoge, sekretare, nastavnike, te koji se susreću s problemima da njeg stavi u komisiju pa oni znaju koji je problem. Kako će čovjek znati, da li čovjek može postati plivač ako nije ušao nikad u vodu? Ne može naravno. E to vam je problem. Sve komisije koje se formiraju formiraju se od ljudi koji nikada nisu radili u školi. I ne znaju kakvi su problemi. Komisija ona, komisija ova, akcioni plan ali nema ljudi koji se susreću jel pitao neko sekretare o izmjeni zakona? Ili pravljenu zakona o osnovnim školama i srednjim. Pa nije. A ti se ljudi svaki dan sreću sa zakonom koji ne mogu provesti u školi. Znači nema odgovora. Pošaljete poziv roditeljima, dijete mu pola godine ne ide u školu, roditelj se ne odazove, nema odgovora šta uraditi s tim roditeljem. Kako privesti dijete da uđe u školu. Evo imate sada u svakoj školi pet učenika koji se nikad pojavili nisu do polugodišta u školi. Pošaljete poziv roditeljima, poštar vam vrati, kaže adresa nepoznata, nema toga tamo gdje je prijavio. Ne mogu udruženja građana upravljati školom. Država mora upravljati, osnovnim pogotovo školama. A ne da se prepusti raznoraznim. Pa vi imate sada situaciju da nastavnik matematike ne može biti izabran za direktora jer ako daje loše ocjene nikada ga neće izabrati. Daj peticu i ti si najpopularniji. Pa ja. Zahvaljujem.

Poslanik/zastupnik Zvonko Marić:

Hvala predsjedavajuća. Radi ozbiljnosti Skupštine ja bih samo se osvrnuo još nekoliko segmenata koji su izuzetno važni za raspravu o ovom problemu. Ne bi se složio sa gđinom Čomorom da smo mi svojim diskusijama ovdje zbuñivali nekoga i da nam je to bila namjera. Zaista redosljed po logici stvari je bio zbuñujuć. Ako je to već bila neka taktika da se novim mjerama amortizira ovaj udar na ovaj akcioni plan to je već nešto drugo u ja to poštujem. Ali javna rasprava i nisam pristalica naprosto da se nešto dogovori iza ove skupštinske sale a mi predstavnici koje su birali građani ne govorimo ništa o gorućem problemu u ovom društvu. Pa izađemo sa nekim stavovima. To nije primjereno i ja nisam pristalica toga i zato je dobro da raspravljamo ovdje bez namjere i bez želje i ambicije da nekome nešto pripisujemo. Pogotovo što je ovo nova Vlada i mi hoćemo da vjerujemo, ja barem to smatram da je to ozbiljna institucija i premijer itd. Da će možda sa nekim mjerama koje treba konkretizirati naravno i nekim akcijama poboljšati stanje koje imamo. Slažem se s gđinom Čomorom i sve počiva iz porodice apsolutno. I ja sam to rekao. Nikako ne treba amnestirati roditelje i ti maniri koje je on pobrojao stoje. Apsolutno. Međutim, pazite, roditelj obično kaže naučio je svoje dijete da ne treba komunicirati sa nepoznatim ljudima. A na drugoj strani ovo što je gospodin Ademović govorio vezano za mobitel, ja bih rekao za internet, to dijete se zatvori u sobu i komunicira u virtuelnom svijetu, svim tipovima i svim vrstama ljudi. Ali je roditelj nema kontrolu nad tim. I onda proizilaze stvari negativne i iz tog pomankanja kontrole tog djeteta. Opet je to roditelj krivac. Ali isto tako zašto amnestirati školu. Tačno. Gospodin Čomor kaže odgojni momenat je izostao. Pod teretom nekih reformi u školstvu obrazovanju, tačno. To je nekada bilo prvo pa se zato govorilo odgojno obrazovni proces. Odgoj na pravom mjestu. Pa ne mogu amnestirati sada i nastavnike. I oni su zaduženi za ono vrijeme za koje učenici borave u školama. A to je pola dana skoro. Znači svi segmenti društva trebaju biti uključeni. I mislim da predsjedavajuća da nama ovdje niko nije imao da dopre do tematske sjednice riješi sve nagomilane probleme. Ja sam i ukazivao i sve kolege na kontinuirani proces. Jer stalno treba raditi na odgoju mladih i taj proces ne smije nikada da stane. Jer u slučaju da stane na trenutak to je katastrofa. Ja ću isto tako reći što se tiče sankcija moraju postojati. To je neminovnost i mislim da je kolega Ademović prigovorio ministru, a ja to nisam tako shvatio da je prije svega represija policija prepoznaje se naprosto po tome. Ali gđina Jusko je također rekao da policija svakodnevno boravi u dvorištima škola. Pa to je preventiva. I ne vjerujem da on to ne zna. I ne treba trgati iz konteksta neke stvari nego naprosto jedna korektna fer diskusija svemu tome. I naravno završit ću. I u sportu imaju sankcije, pa isključenje pa suspenzije itd. Dakle jasno i znači samo mehanizme i metodologiju. Jer ne bih volio da živimo ovome društvu koje me asocira na Josipa Pejakovića monodramu u kojoj on kaže i da

ostavljamo takav utisak, u ovom gradu ili državu sve je u sukobu i se se slaže. I citiram ga :“Čak i murija i lopovi“. I da živimo po nekoj devizi - samo pošteno pa ko koga prevari. Da otvoreno progovorimo o svim problemima i neka gledatelji odluče, odnosno oni koji su nas izabrali onome što mi zastupamo u ovim klupama.

Premijer Elmedin Konaković:

Poštovana predsjedavajuća, dopredsjedavajući, sekretaru, poštovane zastupnice i zastupnici u Skupštini Kantona Sarajevo, poštovane ministrice i ministri u Vladi Kantona Sarajevo, cijenjeni gosti, gledaoci TVSA, esselamu alejkum i dobar vam dan. Možda mi je sad malo žao što u uvodu nisam ni ja govorio ispred Vlade i objasnio razloge zbog čega ja mislim da nam je ova objedinjena rasprava trebala. To je moj lični stav. Nisam o tome odlučivao ali mislim da nije bilo loše da jedinstveno raspravljamo o ovoj cijeloj problematici. Hronološki ću samo napomenuti nekoliko stvari. Vlada Kantona Sarajevo je pripremila ovaj izvještaj i na zahtjev Vlade Kantona Sarajevo prema Kolegiju zamolili smo skupštinu da danas o njemu raspravljamo. Dakle to je bio zahtjev Vlade Kantona Sarajevo inače i obično u praksi se informativni materijali samo dobiju i vrlo rijetko, čini mi se da još u sazivu skupštinskom nismo raspravljali o informativnim materijalima. Zbog metodologije smo poslali kao informativni materijal, ali zbog važnosti same teme cijenili smo da današnja Skupština treba da nam pomogne u onome što je Vlada Kantona Sarajevo ne možemo reći započela, nego nastavila. Sada ću se također hronološki osvrnuti na dobar posao naših prethodnika, i onih koji su pravili Akcioni plan koji imate na stranici Vlade Kantona Sarajevo. Greška je što ga nismo poslali u materijalima, što nije uz ove materijale i došao Akcioni plan na 62 strane sa upravo onakvom metodologijom kakvu je tražila naša zastupnica Srna. Jasnim i preciznim zahtjevima i zadacima za veliki broj sudionika u sistemu kantonalne javne uprave, od ministarstava po resorima do pojedinačno javnih ustanova i drugih subjekata koji čine ovaj cijeli krug, sa jasno naznačenim rokovima za izvršetak, jasno naznačenim ciljevima, evaluacijom i potrebom da se o tome redovno izvještava i Skupština Kantona Sarajevo i javnost. Dakle, na našoj stranici Vlade Kantona Sarajevo imate ozbiljan dokument koji nije bio ni započet a ne implementiran, osim nekih dijelova u kojima se ja slažem sa kolegom Marićem, negodovao sam kao zastupnik na postavljanje tih metal detektora kao prve mjere u sprovođenju ovih politika borbe protiv maloljetničkog prestupništva jer mi se čini da je to bilo baš nepotrebno. Pokazuje se da je bilo, nisu u funkciji, imaju vjerovatno stenogrami iz tih sjednica, a mi smo bili iznenađeni načinom, metodologijom na koju se djelimično počeo primjenjivati ovaj Akcioni plan. U maju smo formirali tim koji je tim za monitoring upravo ovog dokumenta i današnja tema je ovaj dokument. Dakle Akcioni plan u kojem se vidi zaista dobra namjera i dobra metodologija i pristup izrade i zaista jako puno slabosti koje je detektovala Vlada Kantona Sarajevo, posebno kroz ova tri resora već poduzela mjere, kroz četiri resora. I zdravstvo je tu, obrazovanje, rad i socijalna politika, MUP i zdravstvo su u ovom mandatu koliko radimo dosta stvari pokrenuli s mrtve tačke, riječ je o ovom akcionom planu. I napominjem, a vrlo je važno, prije nego što se desio ovaj tragični slučaj koji je s druge strane izazvao pažnju javnosti i otvorio, ili problematizirao nanovo ovu temu, potpuno opravdano, mi smo već tada zatražili od svih sudionika ovog Akcionog plana da nam dostave izvještaj o izvršenju Akcionog plana. Koliko su ovih predviđenih mjera uradili svi zaduženi subjekti. Neki od njih zaista zaslužuju pohvale. Neki su vrlo pošteno, časno, hrabro radili svoj dio posla, veliki dio obaveza izvršili iz Akcionog plana. Još jedan vrlo bitan detalj; u dobrom dijelu ovog Akcionog plana stoje stavke koje kažu nisu potrebna dodatna sredstva. Dakle, s postojećim kadrovima unutar ministarstava, javnih ustanova implementirati se mogao ili se implementirao dobar dio ovih aktivnosti. Onaj ko je radio na izradi, mi smo kao zastupnici o tome raspravljali, ne možemo sebi uzimati te zasluge, čini mi se da je MUP bio nosilac izrade, dobro je postavio stvari kako treba da se postavi, prije svega preventivne, poslije toga represivne mjere. I između toga sve što je bitno da to dvoje da smanjimo ove probleme u

društvu. Dakle tu je predviđen niz mjera u kojima je dobar dio njih nije nivo zakonodavstva Kantona Sarajevo i pravi nam ozbiljne probleme. Dakle tu imamo zakonodavstvo federalno koje o tome je govorio zastupnik Okerić, koje zaista proizvodi niz problema u implementaciji borbe protiv maloljetničkog prestupništva. S druge strane pokazuje i nerad nekih naših institucija. Ovdje imate trivijalne stvari. U jednom periodu prije dolaska ministra Juske, čija se energija zaista osjeti, imali ste probleme unutar MUP-a jer je ljut neko iz MUP-a zato što tamo sjedi neko s fakulteta pa neće da dođe u tu radnu grupu da radi. To je činjenica. Činjenica je. O tome je govorio Aljović. Nama je ovo cilj. Da ovaj Akcioni plan potpuno otvorimo da vidimo šta su slabosti, šta su neurađene stvari iz Akcionog plana, da svi zajedno, mi ćemo, to je naš dio posla o tome ćemo vas redovno izvještavati. Uradimo sve iz Akcionog plana i čujemo danas eventualno skupštinu sa nekim novim prijedlozima mjera. Mi smo u zraku hvatali prijedlog mjera. Prijedloge Naše stranke smo hvatali iz medija i prihvatili smo činjenicu da priča o telefonu, to je jedan od većih problema kada se vratimo na ovaj drugi dio teme. Prijavljivanje eventualno takvih pojava je problem u kom ste govorili niz argumentovanih činjenica da je često teško da dijete samo koje je žrtva eventualno nasilja ne smije da se odluči da drugi kolega iz razreda ili iz klupe također ne smije da se odluči. Da je ta komunikacija štura a posebno je teško zato što tamo direktori, neko je, možda je ministar Kazazović o tome govorio, kriju kada se takve stvari eventualno dogode u školama, da se ne bi ta škola problematizirala u javnosti. Zbog toga smo u neke radne grupe već pozivali vas nekoliko zastupnika. Dakle već ste članovi onoga što Vlada radi sa željom da ova naša zajednička sinergija doprinosi unaprijeđenom Akcionom planu sa novim setom mjera. Ali nakon što dobro vidimo ko od ovih aktera nije uradio svoj dio posla. Moja obzervacija je da iz pravosudnog dijela, onoga što nije dio Kantona Sarajevo tog trećeg nivoa vlasti nije urađeno ništa. Mi smo pokazali spremnost da ojačavamo i Tužilaštvo i sudstvo. Izdvojili smo novac, dajemo stalno pare, nemamo od njih zahtjeve za implementaciju ovog dijela mjera za koje su bili zaduženi Akcionom planom. Da lokalna zajednica je apsolutno zakazala, da nismo formirali ni ta vijeća, zaista bi mi bilo drago da taj dokument sad ko ima informatički ko je osposobljen otvorite, i vidite zaduženja sviju nas u sistemu. Dakle dio ovoga o čemu je danas govorio Kazazović je prepisano iz ovog Akcionog plana a dio su novih mjera koje je Ministarstvo poduzeli nakon što vidimo da se nešto još može uraditi. Sastavni dio ove priče ili tema koja je aktuelizirala slučaj samoubistva dječaka iz ove škole je, Mahira Rakovca, je informisali smo skupštinu, jer se pojavljivao niz informacija u javnosti koje nisu bile tačne i provjerene. O tome ste danas dobili kompletnu informaciju kada je riječ o našim nadležnostima i svi nestrpljivo čekamo Tužilaštvo. Da oni kažu zadnju riječ. Ono što su naše dijagnostike kroz kantonalnu upravu za inspeksijske poslove Ministarstva obrazovanja, danas imate u materijalu. Za nas je to dio cijele priče. Možete iz ova dva dokumenta vidjeti koliko je uzročno posljedično, koliko smo zanemarili svojih obaveza iz Akcionog plana, i koliko je t eventualno razlog da se danas takve stvari dešavaju. Dakle tu se i ja slažem, to je govorio kolega Ademović a prva je rekla kolegica Ćudić, da ti indikatori su vrlo bitni. Gospodin Kazazović, ministar je govorio o mjerenjima o onome što imamo u nekoliko segmenata društva kao problem, dakle dijagnosticiranju rješenja. Sada evo imamo tu ideju Naše stranke koja je zagovarala telefon, mi smo to prihvatili ali smo to modelirali jer ne mislimo da neki volonter je osposobljen da se javi na eventualno ozbiljnu pritužbu učenika iz osnovne škole. Zato i dio je Akcionog plana postoje mjere koje se odnose na edukaciju onih koji su prvi kontakt sa onim koji prijavljuje. Mi danas imamo iz ovog akcionog plana stotinu uposlenika MUP-a certificiranih mislim da su dobili te certifikate, obučeni su i bilo ih samo 19. danas ih je 119 za postupanja u slučajevima reakcijama u slučajevima maloljetničkog prestupništva. Niz drugih aktivnosti koje su zaista ljudi radili. Greška je, metodološki je greška. Ovaj materijal nije dobro pripremljen. Nije ga dobro pripremio ni dio ovih javnih ustanova u kojoj su nam trebale uzeti Akcioni plan po tim indikatorima. Dijelom su oni prepoznati i dijelom su uvodnom opisnom dijelu Akcionog plana naglašeni zbog čega, na osnovu kojih indikacija,

kako i u kojim putem koji su ciljevi i alati. Dakle, ja zaista mislim da neko ko je na ovome radio nije uradio loš dokument. Nije uradio loš dokument i moguće ga je mjeriti. Nije ga mjerio. Nije ga mjerio od 2013 do 2015 se nije implementirao nije se mjerio. Mi smo formiranjem ovog tima, i nama nije cilj da ovaj tim vodi aktivnosti, nego da radi monitoring tih aktivnosti. Da upravo ove stvari koje smo danas čuli, da nam se Hum s kojim imamo problem finansiramo ga, naravno mi ga finansiramo nije naš, federalni je, o tome smo pričali, njih ni ne zanima šta se to u Vladi dešava. Da ne otvaram druge probleme sličnog su opisa a upravo se radi o onome što je govorio gospodin Aljović o odgovornostima ovih ljudi u procesu koji imaju svoja jasna zaduženja. Dakle mi jesmo danas čuli nekoliko sugestija koje ćemo u daljoj fazi izrade ili dorade ovog Akcionog plana svakako elaborirati ili popravljati i naravno insistiramo da su ova rješenja koja su vrlo marljivo i ozbiljno pripremali u ova dva dominantno ministarstva i ostalim koje smo nabrojali, dakle u obrazovanju i u Ministarstvu za rad i socijalnu politiku i uključen je širi forum ljudi, između ostalog da bi smo tu trebali dinamikom o kojoj smo govorili i redovnim izvještavanjem Skupštine pokazati da smo tu malo promijenili odnos prema jednom ozbiljnom dokumentu. Dakle, edukacija, prevencija, imate izvještaj ovdje u ovom akcionom planu ustvari zadatke ministarstva kulture i sporta od kojih je gro realizovan. Ministarstvo zdravlja od kojih je gro realizovan. Tu su neki direktori JU posebno ove tri, one su zato i došli jer su dobro radili. Ove tri su se danas pojavili, a ova tri direktora su predstavnici JU koje su radile dobar dio posla. Bez materijalnih sredstava, jer tamo i stoji ne trebaju nova sredstva imaju obučeni ljudi. Pojavljuju se naznake i slabosti da nakon slučaja Denisa Mrnjavca broj psihologa na četiri škole jedan nije dovoljan. Ministar Kazazović je po tom pitanju razgovarao sa Udruženjem psihologa Kantona, uključeni su. Tražili smo rješenje. Ministarstvo za rad, socijalnu politiku pomaže da se taj dio popravi. Imamo i tu sredstva. Nismo imali zahtjeve od onih koji kažu nema sredstava. Danas izvještavaju skupštinu da nije bilo sredstava. Oni se nisu obratili na budžetu. Nisu rekli mi bi za implementaciju Akcionog plana po usvojenom dokumentu trebali za te aktivnosti dobiti pet, sedam, petnaest hiljada KM. Mali broj njih jeste. I te aktivnosti smo realizovane i dio ih se vidi, istina. Vi ste analizirali, pripremali se, ova oba dokumenta daju dosta odgovora, ova informacija je cjelokupna i zadaci iz Akcionog plana daju odgovor, na nama je da pripremimo za narednu sjednicu malo bolju informaciju u kojoj će svi resori dobiti drugi zadatak, dakle da se eventualno procentualno izvijesti o metodološki malo bolje s novom tabelom i kaže se kvakice i crvene, kvakice pored ovih stvari koje su urađene i to se dostavi Skupštini. A u međuvremenu i ovaj novi niz mjera koje mi radimo i o tome ćemo blagovremeno informisati javnost i skupštinu Kantona Sarajevo. To bi dakle bez nekih zaključaka, to nam je danas bila želja u kojima su sve ovo, naravno da se ja slažem s Aljovićem koji govori o kvalitetu naše djece i učenika. Kada je riječ upravo o ovim prostorima. Ja dolazim iz sfere u kojima sam pola života proveo radeći s mladima. Ovdje sam i inicijator jedne aktivnosti vannastavne u kojima učenicima srednjih škola date loptu i salu, platite im njihovo zadovoljstvo i platite im nastavnike koji ih tamo subotom i nedjeljom dovedu. I deveta godina je kako se održava neka Liga srednjih škola u fudbalu bez i jednog zaštitara, bez ijednog policajca, bez ijednog incidenta. Subotom i nedjeljom. To su pokazatelji da se neke aktivnosti dešavaju. Ovdje su uočene slabosti, posebno u zakonodavstvu. Posebno u zakonodavstvu u kojem imamo pravo i da tražimo od ministra pravde da u ime Vlade i Skupštine Kantona Sarajevo bude uporan kao po drugim temama prema Ministarstvu resornom Federacije, prema Vladi FBiH, da još neke stvari koje smo ovdje detektovali kao problem unaprijedimo. Mi ćemo zaista na tome raditi. I mislim da će ove aktivnosti koje je Ministarstvo obrazovanja i Ministarstvo za rad i socijalnu politiku dalo te neke rezultate mjerljive koji će pokazati da smo se ozbiljnije uhvatili u koštac sa rješavanjem ovog problema. Dakle smatramo vrlo korisnom današnju raspravu, mislim da smo eto i mi, prije svega preuzima odgovornost na sebe lično i na Vladu Kantona Sarajevo trebali malo dokument metodološki drugačije dostaviti kako bi ove stvari koje se tiču odgovornosti i kvaliteta jednog dijela. Policija. Iz ovog izvještaja policijskih uprava gr

aktivnosti preventivno veliki broj, po policijskim upravama. U izvještaju stoji po policijskim upravama koliko su procesa, u komunikaciji s lokalnom zajednicom koliko se procesa sami preventivno djelovali radili aktivnosti, zaista ne izgleda to tako loše kada je riječ samo o policiji. Naravno, ima nekih koje nisu urađene. Ima nekih koje su po našem mišljenju pogrešno urađene. Metal detektori kao prvi dio rješavanja ove problematike nam sigurno nisu donijeli ništa dobro i tu se naravno sada nameće obaveza da razmišljam i ovim drugim procesima. O ovome o čemu je zastupnik Ademović govorio. Dakle, o ljudima, živim ljudima u školama ili samo video nadzoru koji zaista jeste ovako kako kaže zastupnik Marić, snimi i izbriše se ako nema prijava. Nemamo mi preveliku korist od toga. Dakle te uredbe, ti zakoni, te obaveze se moraju mijenjati i prilagođavati potrebama trenutka. I ovim smo zaista željeli da pokažemo da recimo u ovom sazivu Vlade dobar dokument mislim da implementiramo značajno, naravno tu ima još puno posla i puno novih zadataka da se prilagodimo trenutnoj situaciji. Na žalost opet probuđeni iz nekog polusna, jednom tragičnom situacijom u kojoj je jedan mladi čovjek izgubio život. Dakle tu još uvijek smo mi malo strpljiviji ili šutimo zbog tog konačnog ili finalnog dijela nalaza tužilaštva koji će reći svoju zadnju, staviti će tačku na tu priču koja nam onda otvara možda neku novu pandorinu kutiju. Evo s tim ću završiti. Dakle naša ideja te direktne komunikacije anonimne je nešto šta mislimo da će značajno unaprijediti pa smo zato i rekli da to ne budu direktori škola koji će zato možda sakriti neku anonimnu prijavu da t mora raditi direktno Ministarstvo obrazovanja, nauke i mladih, zadužiti nekog iz resora ko će jednom sedmično, mjesečno, u 15 dana obići sve škole, pokupiti eventualno sve anonimne prijave a onda to delegirati profesionalcima u Ministarstvu za rad socijalnu politiku i MUP-u prije svih koji bi onda eventualno. Imamo još jednu pojavu u društvu koja zaista odmaže svima nama. Imamo komuniciranje društvenim mrežama ili uzbunjivanje ljudi u potrebama kada se stvari ne dešavaju. Ja sam neki dan direktno bio uznemiren sadržajem društvene mreže. Provjeravao sam ga s MUP-om u kojem jedan roditelj navodi da je dijete iz kombija da je neko iz crnog kombija pokušao namamiti dijete u kombi na Dobrinji u toliko i toliko sati. Dakle, bilo mi je malo indikativno ne znam ko je ne mogu se sjetiti imena, zvao sam MUP nije prijavljen takav slučaj MUP-u. Dali smo zadatak da se istraži. Nema ništa, jeste neki drugi na koje Ministarstvo obraća pažnju. To govorim zato što postoji naravno, djeca će iz šale ubacivati u tu kutijicu vjerovatno neke prijave protiv druga kog ne vole. To su mjerenja problema u kojima to stvarno moraju raditi profesionalci. U društvu postoji niz ljudi koji su vrlo ozbiljni, stručni, ja sam lično imao razgovore sa nekoliko psihologa, specijaliziranih za ovu oblast koji nas upozoravaju da ne smijemo puno ni na jednu ni na drugu stranu. Obazrivije i pažljivije i sa represivnim mjerama i posebno sa međuprostorom u kojem će djeca iz šale u petom u šestom, sedmom razredu osnovne škole okarakterisati nekoga. Ubacit će tri anonimne prijave a onda neko mora svaku od tih prijava razmotriti. Mi mislimo da se to mora raditi i to ćemo uraditi. Dakle ja sam to sa kabinetom sa pozicije Ministarstvo nije moglo realizovati, simbolična su sredstva ali to je niz aktivnosti koje mi sad u ovom trenutku realiziramo, i pozivamo nas i vas sve zajedno da još jednom analizirajući jedan ozbiljan dokument utvrdimo šta nije urađeno, šta jeste urađeno i šta ćemo uraditi ovako po Akcionom planu a šta ćemo eventualno unaprijediti kako bi se ovakve stvari. Ne možemo to reći nikad više ne bi dešavale, jer na žalost u vremenu u kom mi živimo puno je pojava koje jedno društvo ovakvog ekonomskog stanja ne može baš tako lako kontrolisati. Ali barem da budemo mi naročito da smo mi dali sve od sebe da se takve stvari ne dešavaju. Hvala vam.

Predsjedateljica:

Hvala lijepo premijeru. Obzirom da smo samo dotakli ovu problematiku o kojoj smo se danas bavili ja zaključujem rad Nastavka ove 11. sjednice i zahvaljujem se svima na prisustvu, a o sljedećoj sjednici saznat ćete u toku.

Sjednica je zaključena u 13,07 sati.